

讀史兵略續編

兩史兵略續編卷之四

益陽胡林翼集

金匱宣德

三年夏四月戊申朱勝非等言臣等召苗傅劉正彥等到都宣諭以今國家多事干戈未弭當防秋之始御殿百官起居帝猶未肯入內勝非再請遂就西廡播笏掖帝乘馬還行宮都人夾道焚香衆情大悅是日呂頤浩張浚次秀州韓世忠以下出郊迎之頤浩謂諸將曰國家艱危君父磨辱一行將佐力圖興復今幸已反正而賊猶擁兵包藏姦謀事若不濟必反以惡名加我諸公勉之漢翟義唐徐敬業之事可爲戒也頤浩浚次臨平苗傅馬柔吉以重兵貢山阻河爲陳于中流植木爲鹿角以梗行舟傅以旗招世忠出戰始世忠以劉寶軍非所部乃悉收其家屬隨軍將戰世忠懼家屬舟于岸下率將士當前力戰浚次之光世又次之軍小卻世忠叱其將馬彥博揮兵以進塗油騎不得馳世忠下馬持矛突前令其將士曰今日各以死報國若面不帶幾箭者必斬之頤浩在中軍被甲立水次出入行伍間督戰嗣等敗走傳正彥遣兵援之不能進頤浩等進兵北關是夕傳正彥引精兵二千人開湧金門以出命其徒所在縱火遇大雨火不能起遂遁夜尙書檄諸道捕傅等世忠浚光世馳入城至行宮門世忠欲入其下張介曰不可雖關二賊已去尙未可知其闕者以聞上步至宮門擁世忠手慟哭光世浚繼至並見于內殿上嘉勞久之是日韓世忠手執王世修以屬吏并拘其妻

子張浚等言逆臣苗傅劉正彥引兵遁走請行下諸州生擒傅正彥者白身除觀察使不願就者賞錢十萬緡斬首者依比捕獲王鈞甫馬柔吉張遠苗瑀苗翊並轉七官其餘官兵將校並與放罪一切不問仍降黃榜曉諭從之

臨平山在杭州府北六十里北關今北新關在府北十里舊金門府城西門也

御營平寇前將軍范瑗自壽春渡淮遣卒五人之處州從安撫使胡舜陟賁贖軍錢帛舜陟執殺之遣一騎還報諭之曰將軍受命北討今竊而南自爲寇吾豈竭生靈膏血以爲汝資宜亟去不然將厲兵與將軍周旋于城下必盡殺乃止瑗乃止舜陟又檄諸郡勿給其糧瑗遂自光新渡江引兵之洪州屯駐

洪州今南昌府

上聞張浚以方今大計浚請身任陝蜀之事置司秦川而別委大臣與韓世忠鎮淮東令呂頤浩驅駕來武昌張俊劉光世從行庶與秦川首尾相應帝然之監登聞檢院汪若海亦曰天下若常山蛇勢秦蜀爲首東南爲尾中原爲脊將圖恢復必在川陝繼遂挾始除浚招討使左司員外郎李正民言川陝吾境不當以招討名請用唐裴度故事帝是其言浚乃改命帝許浚便宜黜陟親作詔賜之

韓世忠請身往討賊以世忠爲江浙制置使自衛信追擊之世忠入辭請曰臣當撲滅二賊未濟聖意欲生得之邪或兩首以獻也帝曰殺之足矣世忠曰臣誓生致之願戮都市爲宗社刷恥時衛士宋金剛張小眼者號有膂力世忠乞以行欲使腰俘來上帝壯之酌巨觥以饒世忠世忠引兵發杭州苗傅等聞世忠且至遂引兵趨衢州世忠聞之恐其滋蔓聞廣乃自清城援出以邀之苗傅定浦城縣時御營副使司前軍統制王德既殺

江浙制置司裨將陳彥章欲與世忠戰世忠曰苗劉未平若與之戰乃是更生一敵不如避之夜世忠將至浦城北十里與傅正彥遇于漁梁驛正彥屯溪北傅屯溪南踰溪據險設伏相約為應世忠率諸軍力戰驍將李忠信趙錫簡恃勇陷陳右軍統制官馬彥博驍救死之賊乘勝至中軍世忠瞋目大呼挺矛而入正彥望見失聲曰吾以為王德乃韓將軍也正彥少卻世忠揮兵以進正彥墜馬世忠生擒之盡得其金帛子女傅驍軍遁去苗瑀收餘卒得千六百人進破劍浦縣又犯慶州事聞再贈彥博武成軍節度使諡忠壯先是朝散郎劉晏在正彥軍中傅使統赤心隊晏謂其部曲曰吾豈從逆黨反者邪韓制使來吾事濟矣遂率眾歸世忠浦城之戰世忠以嬰騎六百為疑兵于浦山之陽賊見大駭嬰以所部力戰世忠上其功遷一官

信州今廣信府懷柔縣在浦城西北五十里劍浦今南平縣

苗瑀率眾出降未解甲復從其將孟卓計欲遁之温台裨將江池聞之殺卓擒瑀降于制置使周望其眾皆解甲傅謀與苗瑀張遠收餘兵入崇安縣統制官喬仲福王德共追之盡降其眾傅夜脫身去變姓名為商人與其愛將張政亡之建陽縣土豪承節郎詹標覺而邀之留連數日政知不免密告標曰此苗傅也標執以告遂檄赴行在

帝以久雨不止召郡官以上赴都堂問關政中書舍人李陵言金人累歲南侵生靈塗炭城邑邱墟怨氣所積災異之來固不足怪惟先格王正厥事則在我者其可忽邪臣觀廟堂之上無擅命之人惟將帥之權太重宮

聞之內無女謁之私惟宣寺之習未革今將帥位高身貴家溫祿厚擁兵自衛浸成跋扈之風去年禦敵奮道王淵桀驁不行改命范瓊心懷怏怏苗劉二賊乘間竊發豈一朝一夕之故哉逮勸王之師一至錢塘拘占房舍攘奪舟船凌轢官吏侵漁百姓恃功益驕莫敢誰何此將帥之權太盛也比年盜賊殺戮長吏如割狐豚殘虐百姓如刈草艾朝廷苟且例許招安未幾再叛反噬賊計元兇之罪罔獲忠臣之憤不雪赤子之冤未報不謀之咎臣意盜賊當之自軍興以來既結保甲又改巡社既招弓手又募民兵追呼急於星火割剝侵於肌膚民力竭矣而猶求焉不幾於急乎洪範常寒之證恐或由此帝嘉納之

韓世忠軍還報苗傅劉正彥苗翊詣都堂審驗畢磔于建康市梟其首正彥臨刑瞑目罵傅曰苗傅匹夫不用吾言遂至于此議者欲擊戮之大理少卿王衣曰此曹在律當誅顧其中婦女有屈買及國掠以從者備殺之未免無辜帝翌日詔自傅正彥妻子外皆免以韓世忠爲檢校少保武勝昭慶軍節度使賞平苗劉之功也帝遣使賜世忠金合且御書忠勇二字表其旗幟又封其妻梁氏爲護國夫人給內中俸以寵之將臣兼兩鎮功臣妻給俸皆自此始

范瓊入見初瓊在江西右正言呂祉首奏其罪且進取瓊之策乃召瓊赴行在瓊在軍南昌徘徊觀望詔監察御史陳戰趣其入覲瓊未拜詔先陳兵見戰且劍人以懼之戰不爲動徐曰將軍不見苗劉之事乎願熟計瓊乃朝服北向謝恩遂引兵赴闕既至未肯釋兵及入見面奏乞貸左言等朋附苗劉之罪又言招到淮南京東

盜賊十九萬人皆願聽臣節制帝怒張浚奏環大逆不道罪惡滿盈臣自平江勸王凡五遣人致書約令進兵
環曾不答今呼吸軍兇布在列郡以待竊發若不乘時誅戮他日必有王敦蘇峻之患帝許之浚退與劉子羽
謀夜鎖吏於浚府中使作文書皆備朝退僞遣都統制張俊以千人渡江若捕他盜者因召俊環及杜充赴都
堂計事使俊將其衆甲以來環從兵滿街意氣自若食已頭指等相顧未發子羽坐廊下遽取寫敕黃紙詣前
曰有敕將軍可詣大理置對浚數環罪環貽愕遂以俊兵擁縛付大理使光世出撫其衆曰所誅止環耳若等
固天子自將之兵也衆皆投刃曰諾于是復以八字軍還付王彥而餘兵分隸御營五軍時大理少卿王衣森
詔鞠環環不伏嘗者又論環逼遷上皇擅廢吳革迎立張邦昌等事章下大理衣具以責之環詞服乃賜環死
親屬將佐並釋之獄吏殺環猶不肯更以刀自缺盆插入叫呼移時死其弟及三子皆流嶺南峽盆在嶺之
下胸之上
以戶部侍郎宣撫使司參贊湯京野兼知建康時建康寓治保甯僧舍而制置使韓世忠屯蔣山遂守臣連南
夫而奪其治寺殿中侍御史趙鼎言南夫緩不及事固可罪然世忠躬率使臣排闥而入逐天子之京尹此豈
可訓請下詔切責世忠而罷南夫仍治其使臣之先入者此爲兩得上曰唐肅宗與靈武諸軍草創得一李勉
然後朝廷尊今朕得卿無愧昔人也乃降南夫知桂州而以東野知建康府戍兵故皆羣盜喜擾奪市井東野
隸法繩之不少縱良特以安蔣山卽鍾山在江
甯府城外東北

張浚至興元上奏曰漢中實天下形勢之地號令中原必基于此謹于興元積粟理財以待巡幸願陛下早爲

西行之謀前控六路之師後據西川之粟左通荆襄之財右出秦隴之馬天下大計斯可定矣浚治兵興元欲易置陝右諸帥于是諸路帥臣悉用武人矣張浚又以王彥爲利州路兵馬鈐轄浚初至漢中問諸將以大舉之策彥曰陝西兵將上下之情皆未相通若少有不和則五路俱失不若且屯兵利閬興洋以固根本若敵人來侵則檄諸將帥互爲應援以禦敵若不捷亦未至爲大失也時浚之幕客皆輕銳聞彥之言相視而笑彥以言不行求去故浚因而授之

興元漢中府也利今廣元閬今保寧興今略陽洋今洋縣

金人攻黃州守臣直龍圖閣趙令晟死之先是張用屯光州境內沿淮爲柵上下百里盡收禾稼入寨中儲蓄甚富光州患之及敵聞隆祐皇太后駐南昌欲自斬黃濟乃遣精騎五百直攻其寨用之衆數萬悉奔散金人遂焚用積聚徑趨黃州敵之未至也令晟以內艱去詔移州治武昌縣命下而令晟起復前一日辰刻敵攻黃州守備軍校晏興得其木笥鑿頭箭遣軍士潘明浮江曰令晟令晟視之驚曰金兵也夜半以官軍渡江入黃金人治兵攻城翼日城破令晟在西壁被執金猶欲降之令晟大罵曰汝輩殺害生靈我雖死不屬金人飲以酒令成揮之又衣以戰袍令晟罵不絕口遂殺之令晟守黃陂再歲羣盜李成丁進張遇貴仲正之徒俱不能犯至是卒以餓死事聞贈徽猷閣待制諡曰忠愍

金人自黃州濟江初金人得岸下小舟其數不多乃毀民居爲筏以舟引之而行金人遂渡江凡三日濟江盡絕時江東宣撫使劉光世在江州日與胡率大夫韓杞置酒高會無有知敵至者比知之以爲斷黃間小盜道

陳執事王德用之于興國軍始知爲金人至遂遷降祐皇太后退保慶州前數日江西轉運司得報敵至大冶縣未辨虛實會光世馳檄請以聞翼日乃知敵至滕康劉珪共議奉太后及近上妃嬪陸行餘皆舟行百官從便路起發司勳員外郎馮權貽書光世勸以出兵掩敵大略言金人深入最兵家之忌又進則拒山退則背江百無一利而敢如此橫行者以前無抗拒後無襲逐如入無人之境故無所忌憚非敵之能也觀將人之強壯者尚敢與之敵其間勝負亦或相半豈有國家素練之兵反不如者但望風畏之耳實不足畏也太尉備選精兵萬人厚立賞格自將而來洪州等處援救開一路令歸伏兵于前而掩之可使匹馬不還光世不能用

慶州今
慶州府

帝發越州次錢清堰夜得杜充敗書帝如浙西迎敵侍御史趙鼎力諫以爲衆寡不敵不若爲退避之計帝謂呂頤浩曰事迫矣若何頤浩曰金人以騎兵取勝今鑾輿一行羣族百司官吏兵衛家小甚衆皆陸行山險之路糧運不給必致生變兼金人既渡浙江必分道輕騎追襲今若車駕乘海舟以避敵既登海舟之後敵騎必不能襲我浙江地熱敵亦不能久留俟其退去復還二浙彼入我出彼出我入此正兵家之奇也帝沈吟久之曰此事可行卿等熟議遂定策航海

錢清江在
紹興府南

金人破越州安撫使李鄭遣兵邀于浙江三捷既而衆寡不敵鄭乃用袁澤計遣人賁降敵引兵入城以巴哩巴

舊作
八今改

爲守親事官唐琦袖石擊巴哩巴不中詰之答曰欲碎爾首死爲趙氏鬼耳巴哩巴曰汝殺我

益胡不率衆救汝主琦曰在是汝爲尊故欲殺汝耳巴哩巴歎曰使人人如此趙氏豈至是哉琦顧鄉曰汝事國厚恩今若此非人也聲色俱厲不少屈巴哩巴殺之後爲立祠名旌忠

金陝西諸路都統洛索將數萬衆圍陝府守將李彥仙悉力拒之初彥仙在陝增陴浚隍利器械積糧食鼓士氣且戰且守人心益堅固可用又嘗渡河與金人戰蒲解間民皆陽從金人而陰歸彥仙敵必欲下陝州然後併力西向彥仙亦自料金人必併兵來攻卽遣人請宣撫處置使張浚求三千騎俟金人攻陝卽空城渡河趨晉絳并汾搗其心腹金人必自救乃由嵐石西渡河道鄭延以歸浚不從浚貽書勸彥仙空城清野據險保衆俾敵無所掠我亦無傷俟隙而動庶乎功成彥仙亦不從守城之意益堅至是洛索尼楚赫及知府州折可求合兵來攻彥仙以死拒之且告急于浚

四年正月甲辰大風御舟碇海中乙巳午西風忽起金人乘之攻明州浙東制置使張俊與守臣徽猷閣待制劉洪道坐城樓上遣兵掩擊殺傷相當金人奔北墮田間或墜水俊急令收兵赴台州是夜金人拔寨去屯餘姚且請濟師於宗弼帝遣中使召浙西制置使韓世忠赴行在世忠已治舟師於通惠鎮乃請往鎮江邀敵歸師盡死一戰帝從之右軍統制岳飛自廣德軍移屯宜興縣杜充之敗也其將士潰去多行剽掠獨飛嚴戰所部不擾居民士大夫避寇者皆賴以免

明州今甯波府通惠鎮一作青龍鎮在青浦縣

金陝西都統洛索破陝府守臣右武大夫甯州觀察使李彥仙死之金自去冬以重兵來攻彥仙守禦甚備遇

士卒有恩食既盡煮豆以贖其下而取汁自飲至是亦盡宜撫處野使張浚問道遣以金幣使犒其軍且檄都統制曲端以逕原兵往援端表疾彥仙出已上無出兵意浚屬官資陽謝昇言子浚曰敵朝夕下陝莫以爲憂者始未知敵意也敵已得長安今取陝則全據大河且竊蜀矣衆議不決力爭數日師乃出至長安而敵先驅阻不得進彥仙日與敵戰將士未嘗解甲洛索命自正月旦爲始以一軍攻擊一日不下則翌日更遣一軍每一旬則聚十軍併攻一日期以三旬必拔之彥仙意氣如平常登臨門大作伎倆使人隨而出焚其攻具敵憚而卻洛索雅奇彥仙才嘗招之彥仙斬其使至是遂欲降之使人呼曰卽降當富貴彥仙不應日鈎取敵兵數十礮城上雖殺傷大當而敵兵奮至守陴者久傷殘日就盡既而金兵亦乏食欲引去或告以急擊可入金人益衆攻之每隊以鼓在前擊鼓一聲則進一步既渡溪池鼓聲漸促莫不爭先疾聲併力齊登死傷者雖滿地而不放返顧是日有鷹鷂數萬噪於城上與戰聲相亂洛索曰城陷矣促使急攻城遂破彥仙率士卒巷戰左臂中刃不殊猶不已金人惜其才以重賞募人生致之彥仙易敝衣雜羣伍中走渡河曰吾不甘以身受敵人之刃敵縱兵屠掠彥仙聞之曰金人所以殺過當者以我堅守不下故也我何面目復見世人乎遂投河而死金人取其家而殺之陝民無噍類浚聞承制贈彥仙彰武軍節度使卽商州立廟且官其子久之賜諡忠威彥仙守陝再踰年大小戰二百及城破其屬官陳思道李岳杜開通守王濟趙叔憑職官劉效馮經縣令張玘將佐盧亨邵雲關平趙成賈何呂國登宋玆等同死無屈降者叔憑宗室子初爲兵馬都監積功武翼大夫通判

府事及城危有子爲盧氏吏問使語之曰吾托肺腑死國難固其所若則走也雲龍門人金人破蒲城雲獨與少年數百保聚山谷初事邵興後爲彥仙部曲累官閤門宣贊舍人金人得雲欲以爲將雲怒罵不屈洛索怒釘雲五日而磔之平湖城人官閤門祇候何陝縣人與成皆修武郎圓登夏縣人嘗爲僧城垂破自外來援與彥仙相持而泣曰國久不知公安否今得見公死且無恨創甚方臥聞城墮遽起戰死陝縣人營斷張敵圍城攻取大勢數百調治所射洞殺傷敵兵甚衆城破敵欲將焚呼發出不應戰死後自雲以下皆贈官錄其家一人

初趙立旣至楚州朝廷因以立知州事會金右監軍昌親率數萬人圍城攻其南壁自爲旗頭引衆出戰相持四十餘日金人以礮擊三敵樓遂登城立先取生槐木爲鹿角以槎其破處而下修月城以裹之月城之中實以柴薪城之內爲鎔鑪敵自月城中入立命以金汁澆之死者以百數金人不能入遂退守孫村大寨時遺數百騎出沒於城下以掠取求糧采薪者由是城中人不能出而薪糧日竭

孫村未詳宜在淮安西

金既破明州遣人馳命于宗弼且云搜山檢海已畢宗弼曰如揚州例金人遂焚其城惟東南角數佛寺與僻巷居民偶有存者金人留明州七十日引兵去宗弼留臨安聞浙西制置使韓世忠自江陰趨鎮江恐邀其後宗弼斂兵于吳山七寶山遂縱火三日夜煙焰不絕火患繼兵大掠東裝退軍以圖掠輜重不可殫述乃由蘇

秀取塘岸路行

吳山在杭州七寶山吳山西南支峯也

初洛索既破陝遂與副完顏果長驅入關都統制曲端聞敵至遣副總管吳玠及統制官張忠爭李彥琪將所部拒之於彭原店端自擁大兵屯於邠州之宜祿以爲聲援敵乘高而陳洛索引兵來戰玠擊敗之既而金師復振宋軍敗端退屯涇州金人亦引去張浚素奇玠等擢玠秦鳳副總管兼知鳳翔府時當兵火之餘玠勞來安集民賴以生始青溪嶺之戰玠牙兵皆潰及是玠治兵秦鳳諸潰卒復出就招玠問賊再三搜索非是者五大人斥遣之餘悉斬于連亭下去秦州十里軍中股慄自是每戰皆效死無復潰散者矣

彭原在渭州宜祿今長武縣

金人至鎮江府浙西制置使韓世忠已屯焦山寺以邀之降其將鐵爪鷹李遇者江淮宣撫使潰卒也宗弼遣使通問世忠亦遣使臣石皋報之約日會戰世忠謂諸將曰是間形勢無如龍王廟者敵必登此覘我虛實乃遣將蘇德將二百卒伏廟中又遣二百卒伏廟下戒曰聞江中鼓聲岸兵先入廟兵繼出敵至果有五騎趨龍王廟廟中之伏喜先鼓而出五騎振策以馳僅得其二有紅袍白馬既墜乃跳馳而脫者詰之則宗弼也既而戰數十合世忠妻和國夫人梁氏在行間親執桴鼓敵終不得濟復使致辭願還所掠假道世忠不從益以名馬又不從時左監軍完顏昌在濰州乃遣員勒托雲趨淮東以爲宗弼聲援

焦山在金山之東鎮江月河口北江中龍王廟據閩百詩言在鎮江

則在鎮江西門外

帝次台州松門寨宰執奏事呂頤浩因言此行未審且駐會稽爲復須到浙右帝曰須由蘇杭往湖州或如卿所奏往宣州朕以爲會稽只可暫駐若稍久則人懷安而不樂屢遷頤浩又曰將來且在浙右爲當徐謀入蜀

帝曰朕謂倚雍之強資蜀之富固善但張浚奏漢中止可備萬人糧恐太少兩浙若委付得人錢帛猶可沂流而西至於糧斛豈可漕運頤浩曰若第攜萬兵入蜀則淮浙江湖以至閩廣將爲盜區皆非國家之有矣帝曰當益進上流用淮浙權貨鹽錢以贖軍費運江浙荆湖之粟以爲軍食王紇曰議者但知輕議晉元帝還都建業不能恢復中原而多言入蜀便殊不知自秦用張儀至本朝遣王繼恩下蜀者八矣取輒得之不勞再舉則亦未可謂之便也范宗尹曰臣謂若便入蜀恐兩失之據江表而徐圖關陝之事則兩得之決擇取舍不可不審帝曰然旣而浚復上疏言陛下果有意於中興非幸關陝不可願先幸鄂渚臣當糾率將士奉迎鑾輿永爲定都大計帝不許

松門在太平縣
鄂渚今武昌

韓世忠與金宗弼相持於黃天蕩而貝勒托雲圖揚州朝廷恐守臣張續力不能支許還屯京口續不爲動敵乃趨真州續金壇人也時托雲軍于北宗弼軍于南世忠以海艦進泊金山下將戰世忠預命工鍛鐵相連爲長纜貫以大鈎以授士之驍捷者平旦敵以舟噪而前世忠分海舟爲兩道出其背每繩一纜則曳一舟而入敵竟不得濟乃求與世忠語世忠酬答如響時于所佩金瓶傳酒縱飲示之宗弼見世忠整暇色益沮乃求假道甚恭世忠曰是不難但迎還兩宮復舊疆土歸報明主足相全也世忠奏捷帝曰金人南下以來諸軍望風奔潰今歲如世忠輩雖不成大功皆累獲捷若益勵卒繕兵今冬金人南來似有可勝之理乃出世忠奏命尙書省以黃榜諭中外時敵衆十萬餘而世忠戰士才八千宗弼求登岸會語世忠以二人從見之宗弼招之

降世忠怒引弓且射之而馳去

黃天鵠在金山西今句容縣北大江也京口鎮江也吳州今儀徵

浙西制置使韓世忠及宗弼再戰于江中敗績宗弼既爲世忠所扼欲自建康謀北歸不得去或獻謀于金人曰江水方漲宜于蘆場地鑿大渠二十餘里上接江口舟出江背在世忠之上流矣宗弼從之傍治城西南隅鑿渠一夜渠成次日早出舟世忠大驚金人悉趨建康世忠尾擊敗之金人終不得濟先是宗弼在鎮江世忠以海舟扼于江中乘風使篷往來如飛乃建榜募人獻所以破海舟之策有福州王某僞居建康教金人于舟中載土以平板鋪之穴船板以機藥俟風息則出江有風則勿出海舟無風不可動也以火箭射其簷篷則不攻自破矣一夜造火箭成及是引舟出江其疾如飛天驟無風海舟皆不能動世忠舟師本備水陸之戰每舟有兵有馬有家屬有輜重金人以火箭射其簷篷火烘日曝人亂而呼馬驚而嘶被焚與墮江者不可勝數所焚之舟蔽江而下金人鼓櫓以輕舟追襲之金鼓之聲震動天地世忠與餘軍至瓜步驚舟而陸旋還鎮江聚兵宗弼乃得絕江遁去

時江北荆湖諸路盜益起大者至數萬人據有州郡朝廷力不能制盜所不能至者則以土豪潰將或擢官守之皆羈縻而已范宗尹以爲此皆烏合之衆急之則併死力以拒官軍莫若析地以處之盜有所歸則可以漸制乃言于帝曰昔太祖受命收藩鎮之權天下無事百有五十年可謂良法然國家多難四方帥守軍力單寡束手而莫知所出此法之弊也今日救弊之道當稍復藩鎮之法亦不盡行之天下且裂河南河北數十州爲

之少與之地而專付以權擇人久任以屏王室羣臣多以爲不可宗尹曰今諸郡爲盜據者以十數則藩鎮之勢駸駸成矣曷若朝廷爲之使恩有所歸帝決意行之遂以爲相

承務郎張斛言淮南兩路見有歸正人守官或寄居者慮人情猜忌妄生事端望量移入以南州軍各令自言願往何州居止從之時給事中兼直學士院汪藻亦言自東晉以來中原失據故江南北僑立州郡納其流亡之人比金人南侵多驅兩河之民列之行陳號爲簽軍被其劫質以來蓋非得已今年建康鎮江爲將臣所招遁歸者無慮萬人此其情可見莫若用六朝僑寓法分浙西諸縣皆以兩河州郡名之假如金壇謂之南相州許相州之人皆就金壇而居其他類此俟其南侵徐以其職招之彼既知所居各有定處粗成井邑父兄骨肉親戚故舊皆在亦何爲而不歸我哉況浙西州縣昨經殺戮之後戶絕必多如令有司籍定田產頃畝以僑寓之人計口而給俟稍安居料其丁壯教以戰陳皆精兵也必爭先用命永無潰散與夫從彼驅虜反爲我敵者其利害豈止相萬哉

時宗弼屯六合縣其輜重自瓜步口舢舨相銜至六合不絕右軍統制岳飛聞金人去以所部邀擊於靜安勝之飛還屯溧陽飛之擊金人於靜安也通判建康府錢需糾率鄉兵邀敵之後遂從飛入城因權府事始宗弼既渡江和人共推宋昌祚權領州事率軍兵固守建敵北歸復圍之指揮使鄭立亦率勇忠憤共激士卒晝夜備禦不少怠闕數日宗弼親督衆攻城軍士胡廣伏城東北角發強弩射之中其左臂宗弼大怒立擊破之

鎮在上元縣東北與今縣
相近宣化鎮在六合縣南

趙立爲楚泗州濉水軍鎮撫使兼知楚州時蔡卞自六合歸屯于楚州之九里徑欲斷立糧道立又大破之先是劉豫在東平遣立故人萬進等齎書誘立令貢稅賦立大怒不撤封斬之已而又遣沂州舉人劉偁持旗榜招立具言金人大軍且至必屠一城生聚立令將出就戮偁大呼曰公非吾故人乎立曰吾知忠義爲國豈問故人邪偁令繯以袖布焚死市中且表其旗榜于朝由是忠義之聲傾天下連邇徂風歸之

濉水今安東九里
徑在淮安西九

也里

季陵復爲中書舍人陵入對首上奏曰臣觀今日國勢危如綴旒大駕時巡未有駐蹕之地賢人連遁皆無經世之心兵柄分于下而將不和政權去于上而主益弱所持以僅存者人心未厭而已前年議渡江人以爲可朝廷以爲不可故諱言南渡而降詔回鑾去年議幸蜀人以爲不可朝廷以爲可故弛備江淮而經營關陝以今觀之孰得孰失張浚出爲宣撫處置使不過欲迎陛下耳金人長驅深入吳越至今尙在淮甸曾無一騎入援王室者黃潛善好自用而不能用人呂頤浩知使能而不知任賢自張確許景衡飲恨而死劉豫杜充相繼馳去凡知幾自重者往往卷懷退縮矣今天下不可謂無兵若劉光世韓世忠張俊者各率諸將同心而謀協力而行何所往而不克然兵柄既分其情易散各招亡命以張軍勢各效小勞以報主恩勝不相逼敗不相救大敵一至人自爲謀其能成功哉三代之得天下者得其民也得其民者得其心也民嗟塗炭無甚于今日

掘邱墓焚燒屋廬大親不能相保而戴宋惟舊實祖宗德澤在人心者未厭也所望以中興惟此一事耳然人心無常固亦難保陛下宜有以結之今欲薄斂以裕民財而用度方闕今欲輕徭以紓民力而師旅方興罪己之詔屢降憂民之言屢聞丁寧切至終莫之信蓋動民以行不以言臣意陛下舉事當人心服自足以結之也爵賞賢勲當功刑賞罪施設注措無不當于理天下不心悅而誠服者未之有也臣願陛下以其所當處者使一二大臣謀之無偏聽無自賢無畏強禦無徇私昵處之得其當則人心服人心服則盜賊將自息而外患亦可圖矣

執政奏以劉洪道爲建康府路安撫大使司參謀官趙鼎曰頤浩之來尙遲今先令洪道往池州措置防江帝曰此固勿害但議者謂頤浩多引用山東之人故不欲遣且頤浩身爲宰相當收攬天下人材盡爲我用獨私鄉曲非公道也先是中書舍人季陵入對言疆敵之患已無甯歲焚劫殺虜幾徧天下夏則北去秋則南牧往年休士馬于燕山次年移於河北次年移于京東今寓淮甸無復去意患在朝夕可謂急矣張浚提兵已赴公安劉光世提兵已赴鎮江亟召亟遣事尙可及若呂頤浩既去朱勝非未來使七月受命八月之鎮九月弓勁馬肥敵人向南兵不素練糧不素積又不嚴險何以禦之臣願陛下急與大臣謀先遣軍馬儲運更擇賢副經畫以待其來不然雖位望崇重號前宰相無益也今日注意將相非爲安危實爲存亡朝謀夕行當如拯溺豈可不惜分陰哉至是遂命洪道趣之池州權督本州及安撫司事

承州天長軍鎮撫使薛慶及金人戰于揚州城下死之宗弼既屯六合縣欲自運河引舟北歸而起立在楚薛慶在承扼其衝不得進宗弼患之左監軍昌自孫邨來見宗弼計事欲會兵攻楚州真揚鎮撫使郭仲威聞之約慶俱往迎敵慶以八月戊寅出兵己卯至揚州仲威殊無行意置酒高會慶怒曰此豈縱酒時邪我爲先鋒汝當繼後上馬疾馳去平旦出揚州西門從騎不滿百轉戰十餘里亡騎三人仲威遂不至慶與其下走還揚州仲威閉門拒之慶倉皇墜馬爲追騎所擒馬奔舊路歸承州軍中見之曰馬空追矣太尉其死乎仲威棄揚州奔興化敵長驅攻承州金懼慶復歸遂殺之慶在承久軍食既足不復斂取于民王官自京師至者館穀甚厚皆按格賦祿官兵隸承州者月給時帛舉如令給之至視其徒則戰士計日殫食老弱計日受券而已金人自浙歸大寨于天長六合間慶親率衆劫之得牛數百悉贖其估分畀民之力田者民懷其惠亦賴其捍禦以自固敵假道於承以攻楚慶不聽至是被害慶起羣盜其衆多騎鎗敢鬪慶臨敵勇亦能以少擊衆故慶死承州遂破楚勢孤卒無以抗敵人皆惜之計出贈保甯軍承宣使

承州今曰高郵州
天長軍今天長縣

宣撫處置使張浚復取承興軍初浚之西行也帝命浚三年而後用師進取及是金左監軍昌與宗弼皆在淮東約秋高南下浚度宗弼必將使東南議出師分撓其勢召諸將議出師都統制曲端曰平原廣野敵便于衝突而我軍未嘗習戰且金人新造之勢難與爭鋒宜訓兵秣馬保疆而已俟十年乃可議戰浚不聽復以人言浚濶不能無疑乃遣張彬往涇州以招填禁軍爲名實欲伺察端意彬至涇見端問曰公嘗患諸路兵不得盡

合及財物不足以供事今張公之來兵合財備洛索孤軍深入吾境我合諸路攻之不難今失不擊若尼瑪哈併兵而來何以待之端曰不然兵法先較彼已必先計吾不可勝與敵之可勝今敵可勝只洛索孤軍一事然彼兵技之習戰士之銳分合之熟無異前日我不可勝亦只合五路之兵一事然將帥移易士不素練兵將未嘗相識所以待敵者亦未見有大異于前日萬一輕舉脫不如意雖有智者無以善其後又自敵來侵因糧于我彼去來自如而我自救不暇是以我常爲客彼常爲主今當反之精練士卒按兵據險使我常有不可勝之勢然後徐出偏師俾出必有所獲彼所謂關中陸海者春不得耕秋不得穫則必取糧于河東是我爲主彼爲客不一二年必自困斃因而乘之可一舉滅矣彬以端言復命先是吳玠以彭原之敗望端不濟師而端謂玠前軍已敗惟長武有險可捍衝突二人爭不已浸積前疑卒用彭原事罷端兵柄陝西人倚端爲重及貶軍情頗不悅遂決策治兵移檄河東宗翰問罪乃以玠權永興軍路經略司公事遂取永興軍玠以功陞忠州防禦使

詔通泰鎮撫使岳飛以所部救楚州時揚承二鎮已破楚勢亦危趙立遣人告急兼書樞密院事趙鼎欲遣張俊往救之俊曰敵方濟師達賽普兵其鋒不可當立孤壘危在旦夕若以兵委之譬徒手搏虎併亡無益鼎曰楚當敵衝所以敵兩淮委而不救則失諸鎮之心俊曰救之誠是但南渡以來根本未固而宿衛寡弱人心易搖此行失利何以善後鼎見帝曰江東新造全藉兩淮若失楚則大事去矣是舉也不惟救垂亡之城且使諸

將軍力不爲費定自便之計若使博行巨顯與之偕往復力辭乃命飛立腹背掩擊仍令劉光世遣兵往援毋失事機

呂頤浩請兵五萬人分屯建康等處內建康府萬五千人太平州萬人池州二萬人饒州五千人除參謀官劉洪道見管糧邦勛及李寶等兵約五千人韓世清約六七千人外乞朝廷貼足付臣使喚昔王翦伐楚請非六十萬人不可終如所料杜充以五萬人祇守建康猶不免敗事況本路上下近千里多是緊要渡口今臣乞兵五萬委爲不多又劉光世有部曲約二三萬人其勢稍彊乃可彈壓馬合之衆今臣素無部曲非得知兵政統制官及正兵二萬人難以鎮服衆心乞以神武前軍統制王瓌所部前軍及諸臣巨師古頗孝恭自隸又請招捕水寇邵青嶺增及賜諸軍衣甲詔賜樞密院見甲千副本路上供經制錢四千萬絹米二十萬斛餘從之頤浩將行見帝曹臣自去國不知金人之實聞已渡淮北去然金人多詐而難測臣比經四明見朝廷集海舟于岸上是必爲避敵備望鑒去歲敵騎追襲之事選兵二萬分爲二項一項浙西一項浙東或據水鄉或扼山險邀而擊之使將士戮力如四明城下之戰則無不勝矣萬一敵不渡江則願宰執預爲之計俟來夏則遣北向分二萬由海道赴文登以搗青齊分二萬由淮陽趨彭城以撼鄆濮蓋金人用兵深忌夏月我必乘其忌而攻之故暑月用兵臣前後屢陳此計然安危治亂之要尤在人主能察願留聖意

四明今
甯波府

時金左監軍完顏昌國楚州已百餘日鎮撫使趙立一日擁六騎出城呼曰我鎮撫也首領將共來接戰南

寨有二騎襲其背立手奪二槍俱墜地奪雙騎將還俄北寨中遣五十餘騎追立立瞋目大呼人馬俱辟易明日立三轡邀戰立以三騎應之伏發立中飛矢奮身突圍以出昌大進攻具臨城翼日填壕將進立率士卒禦之忽報敵進城矣立笑曰將士不用相隨吾將觀其詭計且令其匹馬雙輪不返上城東門未半飛礮碎其首左右馳救之立猶曰吾終不能與國破敵矣可繼至三聖廟中聲言疾病祈禱使敵不悟言終而絕年三十七然人聞其死知城必破失聲巷哭不可止眾以參議官程括權鎮撫使以守敵益攻之

安撫使王彥及桑仲戰于平利縣之長沙平敗之仲既陷均房有窺蜀之志擁眾犯金州白土關彥以官軍保長沙平仲故爲彥部曲以書請曰仲于公無所犯願假道入蜀以就食耳彥語塞佐曰吾知仲之爲人能取士卒輕財勢驕然勇而無謀決爲諸公破之乃遣統領官門立爲先鋒立鏖戰不降馬陷渾立罵賊不絕口而死人心震恐時官軍纔二千糧且不給或請少避賊鋒彥曰今敵在陝西若賊至安康則四川腹背受敵矣敢有言避賊者斬遂率同統制王宗尹相爲犄角士皆爭奮賊張步騎大道並進彥執旗大呼麾士士殊死鬪自辰及酉賊大敗追至竹山縣而還仲遂據房陵仲之未敗也王關在房州與仲遙爲聲援至是彥遣人招關關遂降彥欲造其營衆不可彥曰我以誠待關關雖詐亦何能爲遂肩輿至關營關大驚與其黨皆聽命張浚承制以彥爲左武大夫關後屢斬于興元府

長沙平在今白河縣白土關在平利東南百四十里

宣撫處置使張浚以都統制劉錫及金人戰于富平縣敗績初浚既定議出師幕客將士皆心知其非而口不

敗曹唯諾相應和會帝亦以金人聚兵惟上命渡出兵分遣由同州鄆縣以擣其時樸求與軍約三仁吳玠
已得長安而環慶經略使趙哲收復鄆縣鄆縣乃檄召黑河經略使劉錫夔鳳經略使孫渾涇原經略使劉
錡各以兵會合諸路兵四十萬人馬七萬以錡爲統帥渾又貸民賦五年金錢糴帛之運不絕于道所在山積
渡親往邠州督戰金宗翰聞之急調宗翰自西京入關與洛索會我軍行至耀州之富平金人已屯下邽縣相
去八十里而洛索力在綏德軍衆請擊之渾不可乃約日會戰金人不報許凡數往洛索乃自綏德軍來移軍
與我軍對壘親率數十騎登山以望南師曰人雖多壘壘不固于瘡萬孔極易破耳渾遣使約戰金人許之
至期輒不出兵以爲常渾以洛索爲怯曰吾破敵必矣諸路鄉民運餽粟者絡繹未已至軍則每州縣自爲小
寨以車馬爲衛相連不絕錫令諸將議戰玠曰兵以利動地勢不利將何以戰宜徙據高阜使敵馬衝突吾足
以禦之秦鳳路提點刑獄公事郭浩亦曰敵未可爭鋒當分地守之以待其弊諸將皆曰我師數倍于敵又前
阻華渚敵有騎不得施何用他徙將戰命立故將曲端旗以懷敵洛索曰彼給我也是日洛索選三千騎奪食
令扎哈員勒舊作折合率之士踰渚徑赴鄉民小寨鄉民奔亂不止踐寨而入諸軍驚亂遂薄我軍鎗身先
士卒禦之自辰至未勝負未分金人更薄環慶軍他路軍無與援者會哲擅離所部將士驚靡起繼遁軍遂大
潰哲旗牌未及卷衆呼曰環慶趙經略先走至邠州乃稍定金人得勝不追所獲軍資不可計下邽在渭南東北
初趙立之入城也不滿萬人圍城初有野豆野麥可以爲糧後皆無生物有兔茨菰復男女無貴賤斷之後爲

水所沒城中絕糧至食草木有屑榆皮而食者徐州將士殘暴勢凌楚軍二州衆不相能立誓彈壓使各效其所長無敢校私隙其後急聞日聞敵謀知之然猶深忌立疑其詐死不敢動無何守者稍怠徐人多潰圍而去敵用降人術進會專攻北壁凡四十餘日至是乃破立爲人木疆不知審其忠義蓋出天性善騎射容觀甚壯不喜聲色財貨月俸給皆取其半與士卒同甘苦每戰援甲冑先登有退卻者必大呼疾馳至其側摔而斬之衆畏服亦樂爲用其視金人如仇每言及必嚙齒而怒常戒士卒惟以殺金人爲言且自誓必死自金人南侵所過名城大都多以虛聲脅降如探囊取之惟冀州堅守踰二年濮州城破巷戰殺傷略相當皆爲金所憚而立威名戰多成出其上是役也金銳意深入會張浚出師關陝宗弼往援之又立以其軍蔽遮江淮故金師亦困蹙而止議者謂立之功雖張巡許遠不能過云

張浚兵既潰於富平金人遂引兵而西走秦鳳路馬步軍副總管吳玠自鳳翔走保大散關之東和尚原權輿慶經略使孫恂由隴關入秦與浚會金人至渭州得其情實乃入德順軍浚聞敵入德順遂移司興州簿書輒重悉皆焚棄浚之出師也楊晟憚力言其不可浚不從晟憚乃求行邊不隨幕下及是來見浚浚稍以諸事委之晟憚言金人必欲舉川秦然後歸國不若引兵金洋一帶俟敵騎既去然後收復川陝事乃永定浚雖不用其說然已置陝西於度外矣知興元府王庶亦來見浚計事力陳保秦之策衆議不同庶請歸持餘服浚之自邠南歸也將士皆散惟親兵千餘人自隨其屬官皆懷有建議當保蘭州者參議官劉子羽曰議者可斬也宣

獨習世可遇興州一步驟關陝之望安全蜀之心幹辦公事謝昇亦言不當遽去請築青陽潭左右四關大屯
邊以爲然遣子羽單騎至秦州訪諸將所在時敵騎四出道阻不通將士無所歸忽聞子羽在近宣撫使留蜀
口乃各引所部來會凡十數萬人軍勢復振沒沒死問傷錄替咎己人心粗安或謂吳玠宜移屯漢中以保巴
蜀玠曰敵不破我詎敢輕進吾堅壁重兵下瞰雍旬敵懼吾乘虛襲其後此保蜀良策也諸將乃服時玠在夙
軍食不繼鳳翔之民感其遺惠相與夜負芻粟輸之玠亦憐其遠意悉厚賞以銀帛民人益喜敵怒遣兵伏渭
南邀而殺之又令保伍相坐犯者皆死而民益冒禁輸之數年然後止

玠德順軍在今靜寧州青陽潭即青陽峽在隴州西四十里四關大寨大散之

〔紹興元年〕監察御史韓璜言臣謨蒙使令將命湖外民間疾苦法當奏聞自江西至湖南無間郡縣與村落
極目灰燼所至殘破十室九空詢其所以皆緣金人未到而潰散之兵先之金人既去而襲逐之師繼至官兵
盜賊劫掠一同城市鄉村搜索殆遍盜賊既退瘡痍未蘇官吏不務安集而更加剝削兵將所過縱暴而唯事
誅求噉噉之聲比比皆是民心散畔不絕如系此臣所欲告於陛下者然道中伏讀改元德音不覺感泣州縣
情僞陛下既已盡知獨煩去苛恩意已備臣之餘忠欲陛下謹信詔令務在必行詔比降德音寬恤事件州縣
自宜悉意奉行違者監察案劾御史臺察之

詔侍從臺諫條具保民弭盜遏敵惠生國財之策翰林學士汪藻上取將三說一曰示之以法二曰運之以權

三曰別之以分大略謂諸將過失不可不治今陛下對大臣不過數刻而諸將皆得出入禁中是大臣見陛下有時而諸將無時也道路流傳遂謂陛下進退人材諸將與焉又廟堂者具瞻之地大臣爲天子立政事以令四方者也今諸將率驕驕徑至便衣密坐視大臣如僚友百端營求期於必得朝廷豈不自卑哉祖宗時三衙見大臣必執鞭趨庭肅揖而退蓋等威之嚴乃足相制又遣將出師詔待從集議者所以博衆人之見今則諸將將在焉諸將聽命者也乃使之預謀彼既各售其說則利於公不利於私者必不以爲可行便於己不便於國者必不以爲可罷欲其冒鋒鏑趨死地難矣若夫理財則民窮至骨臣願陛下毋以生財爲言也今國家所有不過數十州所謂生者必生於此數十州之民何以堪之惟通加裁損庶乎其可耳外之可損者軍中之冒請內之可損者禁中之泛取今軍中非戰士者率三分之一有詭名而請者則挾數人之名有使臣而請者則一使臣之俸兼十戰士之費有借補而請者則便支廩祿與命官一同州縣懼於惡陵莫敢呵詰其盜支之物可勝計哉自古偏霸之國提兵者未嘗乏人豈以四海之大而寥寥如此意偏裨之中必有英雄特爲二三大將抑之而不得伸爾謂宜精擇偏裨十餘人各授以兵數千直屬御前而不隸諸將合爲數萬以漸銷諸將之權此萬世計也是時諸將中劉光世尤橫故汪藻有是言

江淮招討使張俊復筠州初俊引兵至豫章而李成在江州其將馬進在筠州皆不進俊喜曰我已得洪州破賊必矣乃復斂兵若無人者金鼓不動令將士登城者新屠月餘進以大書文牒使來索戰俊復細書答狀以

顧之又命神武前軍統制王璣開水軍於江中賊勢方囂謂俊爲怯戰俊諜知賊稍怠乃議遣諸將分道擊賊中部統制官楊沂中曰兵分則力弱通泰鎮撫使岳飛請自爲先鋒沂中由上流徑絕生米渡出賊不意遇其鋒擊破之乘勝追奔前一日至筠州進出軍背筠河先據要地沂中語俊曰彼衆我寡當以騎勝願以騎見屬公率步兵當其前沂中乃將騎數千與神武後軍統制陳思恭分爲兩道同出山後嚴陳以出應擊至午騎騎自山馳下賊駭亂退走大敗之俘獲八千明日又戰俊疑其復叛令思恭夜殪之進力不支乃遁俊隨後筠州

筠州今瑞州生米渡在南昌西四十里筠河卽蜀水自萬縣縣東流逕瑞州北又東入南昌之象牙潭

先是張瑄在通州以地勢不利乃引舟入縮頭湖作水寨以守金右監軍昌在泰州謀久駐之計至是以舟師攻榮水寨榮亦出數十舟載兵迎敵望金人戰艦在前榮謂其衆曰無慮也金人止有數艦在前餘皆小舟方水退隔渾不能登岸我捨舟而陸擊之可盡遂棄舟登岸大呼而殺之金人不能騎舟中自亂溺水陷渚者不可勝計昌收餘衆二千奔楚州榮獲昌子堉佛甯俘賊甚衆榮自京東來未嘗承王命遂無路告捷聞帝世在鎮江乃遣人願聽節制且上其功兗世大喜以榮知泰州

縮頭湖卽古樊良湖在今高郵州西北

詔罪狀李成募有能斬首及獲成者除節度使賜銀萬兩錢萬緡且赦成軍中脅從者初馬進既敗江淮招討使張俊追之至泰新樓子莊賊將商元據草山設伏俊熟視見山險路狹乃遣步兵從間道直趨山頂殺伏奪險遂至江州進拒戰不勝絕江而遁乙丑俊復江州統制官楊沂中趙密引兵追擊又大敗之成復還蘄州自

是俊軍有鐵山之號

車山疑即華林山在奉新縣西南五十里與高安接界

張浚殺曲端於恭州端既爲王庶所譖吳玠亦憾之乃書曲端謀反四字于手心因侍浚立盟以示浚浚素知端庶不可並立且方倚玠爲用恐玠不自安庶等知之卽背端嘗作詩題柱有指斥乘輿之意曰不向關中興事業卻來江上泛漁舟此其罪也浚乃送端恭州獄有武臣康隨者在鳳翔常以事忤端鞭其背百切骨憾端浚以隨提點夔州路刑獄端聞之曰吾其死矣呼天者數聲端有馬名鐵象日馳四百里至是連呼鐵象可惜者數聲乃赴逮既至隨命獄吏繫維之餬其口煇之以火端乾渴而死士大夫莫不惜之軍民亦皆悵悵浚以是大失西人之心

恭州恭化郡在今松潘廳松溪營境

忠州防禦使秦鳳經略使吳玠及金人烏魯折合戰於和尚原之北敗之時金主之從姪沒立與烏魯折合以數萬騎分兩道西侵沒立自鳳翔二將由階成約日會和尚原玠與其弟璘以散卒數千人駐原上朝間隔絕軍儲匱乏將士家屬往往留敵人無固志有謀刦玠兄弟北去者幕客陳遠猷夜入告玠速召諸將勵以忠義歃血而誓諸將感泣爲備益力是日二將以勁騎先期而至陳於原北玠擊之四戰皆捷山谷中路狹而多石馬不能行敵棄馬遂敗去後三日沒立自攻箭箐關玠遣別將擊之二軍卒不得合又五日敵移寨黃牛嶺會大風雨雹翼日引去張浚錄其功承制玠爲明州觀察使璘爲武德大夫康州團練使賜金帶擢秦鳳路兵馬都鈐轄節制和尚原軍馬

和尚原在寶雞縣渭水之南大散關之東箭箐嶺有二其一在岐山縣東北一在虢縣南黃牛嶺未詳疑卽鳳縣西北之黃牛堡也

邵青愛劉世招安太平州圍解初青既薄城下與其徒單德忠因在等分寨四郊開畝河水盡淹圩岸以斷
援兵來路調民伐木爲慢道怠緩者殺而并築之一日之間與城相平賊攻具畢施遂縱火焚樓櫓制孕婦取
胎以卜吉凶敵樓爲砲所壞守臣郭偉運土實之賊不能近偉方食於城上青以砲擊其案又以矢斃其侍吏
偉亦不顧相持凡九日偉募死士乘夜下城因風焚其慢道又二日決姑溪水以灌其營青窮蹙會允世遣使
來招安翼日青遂去初青之參議官魏謙多智偉憚之乃爲書以書箭射于城外已而勵力勸青就招青怒殺
賊人皆謂偉用間言青信之也

姑溪卽姑蘇溪
在當塗縣南

言者論朝廷暫駐江左蓋非得已當爲懷卻恢復之圖頃歲駐蹕揚州有兵數十萬可以一戰而斥境不明金
人奄至卒以奔走踰江入越此宰相黃潛哲汪伯彥之過也前年移蹕建康是時兵饑將勇食足財豐雖江上
不測之險當敵人疑懼之秋可以守矣而舟師不設金人未至先已奔走避海而南此呂頤浩之過也往者不
可諫來者猶可追陛下今歲戰守之策安所從出萬一事起倉猝大臣復欲棄土地遺人民委府庫脫身奔走
此豈安國家定社稷之謀乎臣愚以謂有江海則必資舟楫戰守之具有險阻則必資郡縣固守之力有兵將
則必駕馭馴撫不可爲將帥自衛之資有財賦則必轉運漕輸不可爲盜賊侵據之用伏望委任大臣早賜指
畫

初張俊被害有并收李允文恐其拒命乃與神武後軍統制陳思恭謀之思恭召允文兵尙衆須以計取會英

州編管人汪若海自江東赴貶行至撫州允文以書招之招討使參議官湯東野因引若海謁俊俊曰君與李
節制舊往說之與俱來免盛夏提師至鄂若海曰與來而少保誅之則若海爲賣友俊曰以百口保之若海
先以書與允文曰張少保既破李成欲移兵指武昌若海言君無反狀其屬曰節制非朝命且殺袁植與留四
川綱運非反而何惟少保言以百口相保今有三說劉豫新立君能引張用之衆擒豫以取重賞一也或引衆
西投宣撫司張樞密既相辟必爲君白于朝二也僧少保百口相保之言三也君勿恃張用之徒爲強彼見李
成既破皆已喪魄若知朝廷怒君必回戈相逐矣允文感悟乃舉其軍東下俊因檄若海併招新除舒蘄鎮撫
使張用時用自咸甯縣引兵趨分甯爲通泰鎮撫使岳飛所逼遂會俊于丁家洲俊併將二軍遣統制王緯
允文及參謀官滕廣赴行在

咸甯屬武昌府分甯在今武昌
縣丁家洲在瑞昌縣北江中

〔七月〕辛酉召呂頤浩赴行在頤浩督諸將與張琪戰于饒州城外大敗之琪自徽州引兵犯饒州衆號五萬
時頤浩自左監班師緩下兵不滿萬郡人大恐頤浩遣統制官巨師古招降之琪詐受招誘師古入其營遂薄
城下統制官關舉頤浩愛將也方捕盜于宜黃走檄呼之會舉平盜而歸星馳以赴頤浩召諸統制兵官姚端楷
邦弼顧孝恭郝晏等駐軍城外皆令聽舉節制端軍爲左邦弼軍爲右舉將中軍頤浩自登陳圖授之旗兵至
近郊前軍將張俊失利琪恃其衆直犯中軍舉力戰而端邦弼兩軍夾擊遂大破之追奔三十里殺賊甚衆賊
又別遣水軍分道自景德鎮來犯頤浩遣統制官張廣以糧增餘衆禦之琪遁去是夜其愛將姚興以所部詣

巨師古降琪遂走浮梁縣復還徽州

左廬在都昌西北八十里景仙鎮在浮梁縣西南

金房鎮撫使王彥敗李忠于秦郊唐忠走降劉豫初曹端既為程千秋所殺忠自稱京西南路副總管為端報仇擾于京西漸犯金州謀入蜀遂申宣撫司乞下洋州關隘照會張浚以為憂乃遣提舉顏孝隆稟請官蓋敵驢詣金州以慰撫為名且以黃敕除忠知商州兼承興軍路總管孝隆至軍中為所劫以狀白浚言忠實有兵二十餘萬諷覘知白浚乞為備浚恐孝隆為忠所殺委利驤路制置使王庶收接忠入關仍散處其眾于樊鄆境內庶檄忠令解甲給隊而入忠去關二十里駐兵回翔月餘無解甲意一夕殺孝隆遁去遂攻金州彥率兵禦之忠沉驚督戰其下多河北驍果官兵與戰輒不利一日彥遣兵與忠戰于鹽里令提舉官趙瑣率統領官門章駐于山趾為之策應彥乘高視之官軍少却彥麾瑣救之不應官軍遂敗彥退舍秦郊忠遂陷關瑣令將士盡伏山谷間偃旗幟焚積聚若將遁者募死士得千餘人設伏以俟其至戰之前一日彥度忠且入郡城夜半分官軍為三以遏其衝浚晨果大至官軍逆戰聲震山谷勝負未分俄伏騎張兩翼繞出忠大敗追蹙至承興軍之秦嶺會王庶遣偏將鹿晟馮賽來援賽由間道乘之斬其將曹威等三人浚錄其功以彥為拱衛大夫温州觀察使孝隆傳州人後贈果州團練使

秦郊鎮在興安府西三十五里金州即興安也鹽里當作鹽利在今白河縣南永興今西安府秦嶺在其東南

起復都統制秦鳳路經略使吳玠及金人戰于和尚原大敗之初金陝西都統洛索卒宗弼遂會諸道兵數萬謀西入宣撫處仍使張浚命玠先據鳳翔之和尙原以待之宗弼造浮梁于寶雞縣渡渭攻原玠及其弟兵馬

都鈐轄瑋率統制官雷仲等選勁弓強弩與戰分番迭射號駐隊矢接發不絕且鏖密如雨金人稍却則以奇兵邀擊斷其糧道凡三日是夜大破之俘麟首領及甲兵以萬計宗弼中流矢二僅以身免得其麾下是役承制以玠爲鈐西軍節度使瑋康州團練使涇原路馬步軍副總管是役也玠所部全軍轉五官資而王喜遷左武大夫威州刺史宣撫司統領軍馬喜滿城人靖康初金人攻京師陝右大震喜聚壯士十八人不旬日附者甚衆喜爲立伍法王庶爲節制使奏授成忠郎已乃率所部歸玠至是以奇功遂驟進宗弼自河東還燕山宗翰留宗弼在軍中更以陝西副完顏果爲陝西經略使將兵屯鳳翔府與玠相持

金房鎮撫使王彥斬中軍統制官趙瑣統領官門瑋彥既敗李忠凱歟而歸大賞將士待瑋如初終不言瑣里之敗瑣亦不疑至是忽會諸將于越場酒四行此瑣起數其瑣里不策應之罪併瑣斬之復飲數行而歸瑣里

利豐

(十二月)丁丑手詔略曰比緣國難盜起未思蒼生之患及煩王師而軍需不免又取于民因循轉日甚一日欲民不盜不可得也可將建炎三年以前積欠除形勢戶及公人外一切蠲除如州縣不奉詔及監司追奪州縣巧作催科者並除名並御史臺糾察多出黃榜曉諭又詔三省備以祖宗朝直隸賊正舊制違板行下自今有犯依法行遣仍籍沒家財

詔襄鄆鎮撫使桑仲金房鎮撫使王彥釋怨國不得自相侵擾初仲雖受命然猶恃兵衆再圖取金州是冬

以其累分三道一攻佳口關一出馬郎嶺一擄洺陽縣使其副都統制武節大夫榮州刺史李瑄統之前軍去
金州三十里書曰賊兵以我爲寡故寇三道以離吾之勢今吾破其堅則脆者自走矣時賊之大兵在馬郎嶺
北彥遠統制焦文通禦佳口關而自以親兵營馬郎嶺與之對壘大戰凡六日賊奔潰彥遠兵追擊均州平口
關未詳按興安府西五十里有天柱山其頂是賊馬郎嶺亦未詳按興安府漢陰縣西北有馬郎山疑同是矣

二年正月福建江西荆湖宣撫副使韓世忠圖建州先是世忠行師至福州守臣程邁以賊方銳欲世忠少
留以俟元夕世忠笑曰吾以元夕凱旋見公矣師次延平劍潭險賊焚橋以拒王師世忠單馬先浮以濟師
遂擄距建甯百里許范汝爲已伐木埋竹及布鐵鍊斷陷馬坑以拒諸要路世忠乃偃兵自閩道慈超鳳凰
山是日且至城下遂圍之越四日收建州初范汝爲既被圍固守不下世忠以天橋對樓雲梯火礮等急擊之
凡六日賊衆稍怠夜官軍梯而上城遂破賊衆死者萬餘生擒其將張雄等五百餘人汝爲竄回源洞中自焚
死其將葉諒以所部犯邵武軍世忠擊斬之餘衆悉平初世忠疑城中人皆附賊欲盡殺之資政殿大學士李
綱時在福州見世忠曰建州百姓多無辜世忠受教及城破世忠令軍人悉駐城上毋得下植旗于城之三面
令士民自相別農者給牛種使耕商賈者弛征禁爲賊誘從者汰遣獨取其附賊者誅之由是多所全活及還
師父老請祀之世忠曰活爾曹者李相公也劍潭在延平府東北有諸羅石故舊陰鳳凰山在建甯東北二十五里卽茶山也回源洞未詳

向子諤自曹成軍中復歸藍山縣初成既入道州會樞密院遣幹辦官左弼持詔書諭成俾散遣江淮等路民

兵獨與堪出戰人赴行在聽張俊節制其徒爲盜久憚俊嚴明不聽湖廣宣撫使吳敏時在桂州以兵力微不能進中書舍人胡安國移書於敏以謂帥臣見執而方伯不能治此方伯之恥不知策將安出願速遣前軍進由昭賀以通春陵北檄荆自衡移承東檄吳錫嚴兵宜章而親總中軍急渡嶺而北下臨清湘據三湖上流之地然後詰問營成擅移屯所與執帥臣之罪就檄子誣赴軍前議事若其悔罪自新則與之招安不然斷而討之勝負可決若復延久必生內變矧迫東作之期民失耕種不待接刃已投于溝壑矣敏然其言而不能用先是宣撫使都統制兼參議馬擴書駐軍大名爲成所服乃遣小校張布持敏檄諭成成許受招始釋子誣擴旋去又數日敏詞命亦至成遂復爲亂

藍山屬桂陽州宜章屬郴州春陵在南遠西北昭今平樂府

陝西都統司同統制軍馬楊政及金戰于方山原敗之時隴州移治方山原守將范綜以散卒兵數千駐原上金人所命陝西經略使薩千里與叛將張中彥慕容洵合兵來侵陝西都統制吳玠命政及吳璘留仲救之大戰三日焚其寨翼日敵引去政臨涇人初爲弓箭手驍勇過人玠用爲統制宣撫處置使張浚錄其功擢知鳳

州方山原今隴州西

神武副軍都統制岳飛引兵擊曹成于賀州境上大破之初成既得賀州聞岳飛至以兵守莫邪關飛遣前軍統制張憲攻關軍士郭進與旗頭二人先登進揮鎗而出殺其旗頭賊兵亂官軍齊進遂入關飛喜補進秉節郎將金東帶以屬官軍既入關賊兵散亂第五將韓順夫解鞍脫甲以所屬婦人佐酒賊黨楊再興率衆直犯

順夫之營官軍退却順夫爲再興祈臂而死飛怒誅親隨兵責其副將王某擒再興以贖罪會張憲與擒軍統制王經皆至再興展戰又殺飛之弟鵬于是官軍追擊不已成屢敗衆死者萬數成率餘兵屯桂嶺飛敗成千桂嶺成拔寨遁去再興爲追騎所及跳入深澗中軍士欲就殺之再興曰勿殺當與我見岳公遂受縛飛見之解其縛曰汝壯士吾不汝殺當以忠義報國家再興謝之飛留以爲將時成既爲飛所破遂走邇州飛命張憲追之成竄匿又走郴州守臣趙不羣乘城固守成轉入邵州會宣撫使韓世忠聞成屢北遣貴州刺史董敦休恩者而道處信徑至豫章江漢連營數十里羣賊不虞其至大驚以爲神世忠聞成屢北遣貴州刺史董敦休招之成以其衆就招有赦最獨不從率衆走沅州載白巾稱爲成報仇以後歸于張憲

實州今實縣莫邪關在嘉善縣北四

十里桂嶺在實縣東北二百里北即漢州江華界矣邵州今實慶府永嘉今邵州府

二年○斬黃鉞使孔彥舟言○已遷汴京金人留成甚寡人皆科役日望王師土豪人戶尙有團練保險堅守不降者誠能拜相臣爲大元帥宿重兵於淮南要害之地以爲根本指揮諸鉞分道進兵將見天戈所指州縣望風降順因民所欲藉以爲兵不必乞師於神武取民所餘資以爲糧不必仰給於縣官河南之地指日可定而京城孤立矣一日會合輜輳城下而劉豫唾手可擒也伏念臣昨任東平府鈐轄統領巡社鄉兵屢戰獲捷京東軍民頗知姓名見今所部將士又多東北人皆曾隨臣出入行陳習知山川不煩鄉道伏望聖慈假借名目稍重事權使臣獨當一路自光之蔡遇遇進兵詔賜敕書嘉獎仍令就都督府計議

船泛海往山東實行軍法牒報劉豫於登密淮陽造舟論者恐買舟爲僞地所拘則篙工舵師悉爲賊用故有是旨

命廣西經略司卽韶州撥內帑錢三十萬緡市戰馬至是經略司言比歲不逞之徒多以金銀市馬繫於羣盜故馬直踴貴望於大觀格遞增二分許之舊格八等馬高四尺七寸者直十五千高四尺一寸者直十三千其餘以是爲差於是神武諸軍皆缺馬乃命經略司以三百騎賜岳飛二百騎賜張俊又選千騎赴行在然驛馬尤顯騷者在其地或博黃金二十兩日行四百里但官價有定數故不能致此等焉

宋於南府
橫山關馬市

左司諫吳表臣言風聞備齊於京東路每戶科麻七斤或者恐其以繩維舟謀濟江之計今沿江津渡皆當爲備就中采石江稍狹而水緩鑿之往事備禦尤當嚴密樞密院勘會已令韓世忠屯建康府岳飛屯江州防扼江道詔送沿江諸帥

初韓世忠進師討劉忠是日至岳州之長樂渡與賊對壘賊開壘設伏以拒官軍呂頤浩自鎮江入覓買金人頃使建康初自北岸掠小舟數十而濟既至南岸悉行掠船濟渡軍馬其取和州渡江亦然欲令江北諸渡自九月朔日惟於緊要渡口量留舟一二以備轉送斥堠文字餘舟皆泊南岸至十月朔日以後大江更不得通行應公私舟船悉令於南岸深港內隱藏如違當稍並行軍法俟過防秋如舊從之韓世忠先遣中後左右四軍渡江逼劉忠寨而屯先是世忠既移屯乃奕棋飲酒按兵不動者累日衆莫窺其際一夕獨與親信蘇格便

服職小騎直穿賊營夜者呵問世忠曰我也蓋已謀知賊中約以我字爲號故所備不疑遂周覽賊營而去
出書曰天賜我也卽下令明日破賊會食遂命諸軍拔櫓前行而潛令銳卒二千銜枚夜進伏於山上翼旦世
忠親率選鋒及前軍俱進暨戰所遺卒疾馳入其中望樓植旌張蓋賊回顧驚潰大敗遁去忠據白面山踞
三年及是乃敗其輜重皆爲世忠所得始世忠之出也宣撫使孟庾以師久勞止之世忠請期半月當馳捷以
獻至是卒如所料

長樂渡在平江西八十里
白面山疑在平江東南

呂頤浩言朝廷置沿海制置司最爲得策然敵人舟從大海北來拋洋直至定海縣此浙東路也自通州入料
角放洋至青龍港又沿流至全山村海鹽縣直泊臨安府江岸此浙西路也萬一有警制置一司必不能照應
望令仇念專管浙東浙西路別除制置司一員專管浙東福建從之

定海屬甬波在浙江東故曰浙東路料角
今海門屬東之慶角嘴背龍港在嘉定縣

東卽吳淞口也全家村
疑在乍浦此內洋也

左司諫吳表臣言大江之南上自荆鄂下至常潤不過十郡之間其要緊處不過七渡上流最急者三荆南公
安石首岳之北津中流最緊者二鄂之武昌太平之采石下流最緊者二建康之宣化鎮江之瓜州是也惟此
七渡當擇官兵修器械其餘數十處或道路迂曲或水陸不便非大軍往來徑捷之處略爲之防足矣又十郡
之間地不過三千餘里有一州占江面五百里者有占百餘里者遠近多寡勞逸大不均如七處渡口外宜每
縣分定百里專令巡尉守之則力均而易守詔以付沿江守帥

德安圍解李橫自夏來圍德安未嘗攻城會戰惟於城之西北隅造天橋成填壕皆畢乃鼓衆臨城鎮撫使陳規率軍民乘城禦之規坐城樓爲礮折其足指容色不變圍益急糧餉不繼諸將請殺牛以代軍食規曰殺牛代食事窮矣因出家財以勞軍士氣益振孝感令韓適來告曰縣有粟百斛路梗不能通會大風雨規命乘勢呵殿而來賊軍疑其神卒不敢擊規以書求援於朝未報橫遣人來願得府之妓女而罷軍規不可諸將曰圍城七十日矣以一婦人活一城之衆不亦可乎規曰使橫卽退是我以婦人求和況得之而未必退乎卒不予時橫填壕不實而天橋陷規以六十人持火槍自西門出焚其天橋城上以火牛助之倏忽皆盡橫拔寨遁去初命沿江岸燈烽火臺以爲斥堠自當塗之褐山東采石蕪湖繁昌三山至建康之馬家渡大城壩池州之鶴頭山凡八所巨舉煙臺舉火各一以爲信有警卽望之

按江甯府西南曰大成關卽大城壩也又西南近蕪湖

曰馬家渡又西南三山又西南采石又西南藕山直營

罷鎮江府織御服羅帝諭輔臣方軍興有司區乏豈可以朕服御之物爲先且省七萬緡助劉光世軍費也

晉寧生馬監於饒州命守臣提領括神武諸軍及郡縣官牧馬隸之仍選使臣五人專主其事時言者以爲軍旅之事馬政爲急多事以來國馬爲騷敵所侵盜賊所有其在諸軍者無幾乞請求寧生之利於江東西擇水草替地置地以牧之故有是命

呂頤浩言建康米斗不及三百欲於鎮江上下積粟三十萬斛以助軍用帝曰若精選兵十五萬分爲三軍何

事不成祖宗取天下兵數不過如此

詔湖北安撫使劉洪道知鼎州程昌寓併力招捕湖寇楊太時太據洞庭有衆數萬又有周倫楊欽夏誠劉衡之徒大造車船及海鯨船多至數百車船者置人於前後踏車進退每舟載兵千餘人又設拍竿長十餘丈上置巨石下作輪軸遇官軍船近卽倒拍竿擊碎之官軍以此輒敗大率車船如陸戰之陳兵海鯨如陸戰之輕兵又倫欽雖各有寨而專倚舟以爲強賊衝雖各有舟而專倚寨以爲固此其所恃也韓世忠之在湖南也遣使臣朱實往招之太不聽命至是昌寓以奏乃命趣捕之

尙書右僕射朱勝非上經營淮北五事一謂國家屯軍二十萬月費二百萬緡倘無變通必致坐困逆豫方行什一稅法聚以資敵若王師不出豫計得行今當渡江取彼所積以實邊國淮南既實民力自寬二謂逆豫招到淮北山寨及知名賊二十六項所以然者彼謂官兵不敢出逆賊能驟來耳宜分爲三軍聲言取徐邳而實取淮陽聲言趣京師而實取陳蔡聲言入濱海而實取青密使豫聞之必分兵拒守然後大軍出磨礱直搗宋毫豫必成擒矣三慮賊併力南下今敵使既行未有要約不若先破豫兵去其一助四大軍一出所得金帛當明諭將帥悉以賞軍五淮北有土豪助順者就以爲守將俾自爲備則兵勢益張如此則不三二年中原可定帝納之

呂頤浩屢請因夏月舉兵北向以復中原且謂人事天時今皆可爲何者昨自維揚之變兵械亡七八九未幾

敵分三路入侵江浙兵散而爲盜自陛下專意軍政揀汰冗兵修飭器甲今張浚兵三萬有全裝甲萬副刀槍弓箭皆備韓世忠軍四萬岳飛軍二萬三千王瓊軍一萬三千雖不如浚之軍亦皆精銳劉光世軍四萬老弱頗衆然選之亦可得其半又神武軍楊沂中後軍巨師古皆不下萬人而御前忠銳如崔增姚端張守忠等軍亦二萬臣上考太祖之取天下正兵不過十萬況今有兵十六七萬何憚不爲且向者邵青擾通秦張琪刼微饒李成破江筠范汝爲據建劍孔彥舟馬友曹成等爲亂於江湖朝廷枝梧不暇今悉已定又自敵之南牧莫敢擾其鋒者近歲張俊獲捷於四明韓世忠扼於鎮江陳思擊於長橋而張榮又大捷於淮甸良由敵貪殘太甚天意殆將悔禍又敵以中原付之劉豫而豫煩碎不知國體三尺童子知其不能立國事固可料觀宇文虛中密奏雖未可盡信然敵驕連年不至淮甸必有牽制今韓世忠已到行在臣願審斷早定命世忠張俊與臣等共議決策北向令世忠由宿泗劉光世由徐曹以入又於明州留海船三百只令范溫閻皋乘四月南風北去徑取東萊此數路皆有糧可因不必調民饋運大兵既集豫必北走所得諸郡就擇土豪爲守敵舉兵來爭其地則彼出我入彼入我出擾之數年中原可復況今之戰兵其精銳者皆中原之人恐久而銷磨異時勢必難舉此可爲深惜者也

吏部侍郎韓肖胄言今日之勢終當用兵如尾錯之兩七國以爲削亦反不削亦反金人猶是也繼因賜對面奏賊豫盜據中原人心不附宜出不意遣兵將鼓行進討聲言聚蹕再幸金陵督使過江願賜審斷克成大勛

時順浩亦召世忠至都堂諭以焚毀劉豫糧草事世忠曰此乃清野之法不可不行禮部尙書洪擬獨言國勢強則戰將士勇則戰財用足則戰我爲主彼爲客則戰陛下前年幸會稽今年幸臨安與王之居未定如唐肅宗之在關中光武之在河內也又邇者諸將雖有邀擊小勝未見雷合電發以取大捷又江浙農耕未盡復淮甸鹽筴未盡通平以餉給尙艱緩急將何以濟又千里餽糧士有饑色今使千里出戰則彼逸我勞凡此皆未可言戰也

潭鼎荆鄂帥守李綱等四人約日會兵收捕湖寇初綱以湖廣宣撫使赴湖南開營成將自邵入衡以趨江西而韓世忠所留提舉官董政親兵纔數百人勢不足以彈壓卽駐師衡陽遣使諭成使散其衆成至衡綱召與語俾率其餘衆四萬詣建康時馬友之將步諒有兵二萬掠衡山泊吳集市綱留統制官韓京屯茶陵以扼賊而親帥大軍自白沙潛涉江諒不虞其至遂出降至是以開詔綱精加揀汰得七千餘人隸諸軍綱尋入潭州械右朝奉郎知醴陵縣張觀屬吏權攝官以漸易置賊吏稍戢綱延見長老問民疾苦皆以盜賊科率爲言乃檄州縣非使司命而稅科率者以軍法從事應日前科須之物並以正賦準折又遣統制官郝敷降將王進於湘鄉吳錫擒王俊于邵自是湖南境內潰兵爲盜者悉平惟湖寇楊太據洞庭文榜指斥言詞不遜綱命統領官李建馬準吳錫分屯湘陰益陽耒陽口以備之湖南無水軍綱乃拘集沿江魚戶得三千人屯潭州言於朝乞合兵討蕩詔湖北安撫使劉洪道知鼎州程昌寓荆南鎮撫使解潛遣兵會之仍檄聽綱節制

吳集市未詳
湘陰安化皆

有白沙未詳所在橋口在長沙西北九十里益陽衛江口也

金人攻商州初都元帥宗翰在雲中使陝西經略使完顏杲與五路兵與劉豫之招撫使劉夔來使時秦鳳路副總管吳玠以兵駐和尚原敵懼不得進欲以奇取蜀乃令拔將李彥琪駐秦州竊仙人關以要吳玠別將以游騎出熙河經關師古而大軍由商於以進師古與別將遇敗之完顏杲至商州斥堠將望風退走守將邵隆度不能守即退屯上津

仙人關在徽縣東南與鳳縣界商於在商州上津在鄆西縣西

(三年)金人破金州先是宣撫處置使張浚召吳玠王彥劉子羽會於興元約金人若以大兵取蜀即三帥相爲應援子羽聞敵至諭彥俾以強弩據險邀之彥習用短兵屢平小盜不以子羽言介意金州之西有姜子關乃承平時商旅由子午谷入金洋之路金聲言取姜子關路入漢陰縣故彥頗分兵守之既而完顏杲自上津疾馳不一日至洵陽境上召漢陰統制官郭進以三千人乘流夜發遇於沙堰金人捨騎來攻戰十合金人見進軍少瞞時步卒並進塵埃蔽日進力戰敗死彥曰敵所以疾馳者欲因吾糧食以入蜀耳即盡焚儲積退保石泉縣金人入金州彥退趨西鄉會浚遣幹辦官甄瑞持手書彥清野來會遂踰西鄉

在漢陰西石泉又在其西北西鄉在心泉西南

西鄉在上津西漢陰在洵陽西北姜子關

陝西都統制吳玠與金兵遇於興符縣之饒風關先是知興元府劉子羽聞金州破即遣統制官田晟守饒風縣拒金人來路且馳檄召玠時宣撫司未有行下玠曰事迫矣諸將不能辦我當自行直趨關主管機宜文字

陳道猷請曰敵舉國而來其鋒不可當宜據既命分守各有守地何苦遽赴萬一不勝悔之無及玠不聽自河
地一日夜馳三百里中道少止子羽移書曰敵旦夕至饒風嶺下不守此是無勳也公不前子羽當往玠即復
馳與金人遇玠軍纔數千人益以澤州義士萬三千人玠先以黃柑遺完顏杲曰大軍遠來聊奉止渴今日決
戰各忠所事完顏杲大驚以杖擊曰吳玠爾來何速耶時金房鎮撫使王彥自西鄉以八字軍來會諸軍見援
至稍弛玠怒欲斬彥彥將走降金人告以虛實且言統制官郭仲荀地分雖險兵寡弱易敗乃縱所掠婦人
還山寨而自蟬溪嶺遁出關背夜以輕兵襲取之仲荀果退走金人既得山寨遂乘高下颺饒風而以精兵夾
攻南師之背南師盡却玠斬之不能止凡六日關破吳玠收餘兵趨西縣王彥收餘兵奔達州四川大震金監
軍完顏杲入陳元府經制司劉子羽焚其城而遁初饒風關破子羽與吳玠謀守定軍山玠憚子羽遂西子羽
亦退屯三泉縣從兵不及三百與士卒同廩糲至取草木芽蘗食之遺玠書曰子羽誓死於此與公訣矣時玠
在興州之仙人關爲守備得書而泣其愛將楊政大呼軍門曰節使不可負劉待制不然政輩亦舍節使去玠
乃從麾下由間道與子羽會於三泉金游騎甚迫玠夜視子羽方酣寢傍無警呵者曰此何時而簡易乃爾子
羽慨然曰吾死命矣夫何言玠泣下復往守仙人關子羽約玠共屯三泉玠曰關外蜀之門戶不可輕棄金人
所以不敢輕入者恐玠議其後耳若相與居下敵必隨入險則吾勢日蹙大事去矣今經略既下玠當由興州
河池逃出敵後與斜山谷如行鼠穴敵見玠遁出其後謂將用奇設伏邀其歸路勢必狼顧吾然後據險邀擊

司使遁走此所謂暫敗者不亡也子羽以潭陽山形斗拔其上寬平有水乃築壁壘凡十六日而成其衆稍集

既而統制官王俊又以五千人至於是軍勢復振具符在洋縣東六十里饒風嶺在西鄉縣東北百六十里饒風嶺在漢水北岸也河池在徽縣西鄉縣嶺一作祖溪在

饒風北定軍山在沔縣東南三泉在沔州西鄉縣山在沔縣西八十五里

襄陽鎮撫使李橫爲神武左副軍統制京西招撫使初橫既進兵僞齊右武大夫和州防禦使添差陳州兵馬

鈐轄牛皋武德大夫知汝州彭玘各以所部兵與橫會橫以便宜命皋爲蔡唐州鎮撫使玘知汝州仍賜橫武

興郎以下告身三百遂以皋爲左武大夫安州觀察使橫又言臣已起兵撫定剋復神京請命重兵宿將進屯

淮西按兵無動以揚聲援詔同都督江淮荆湖諸軍事孟庾准東宣撫使劉光世江東宣撫使韓世忠措置

王庶黃江州未行張浚復起庶爲參謀官使詣巴州措置梁洋一帶庶至急散榜梁洋境上招其軍民不數日

遠近來會巴之北境卽米倉山下視興元出兵之孔道始金人破金商無所得已失望完顏杲至金牛鎮不見

兵疑有伏自以深入恐無歸路及聞庶在巴州吳玠陽爲軍書會諸將欲斷歸路敵邇得之且野亡所掠食少

乃引兵還興元米倉山在南江縣北八十里金牛鎮在興元金州東北七十里

京西招撫使李橫傳檄諸軍收復東京詔橫自武功大夫袁州防禦使特遷右武大夫忠州觀察使穎昌捷奏

至詔李橫再進劄衛大夫加賜空名告身一百京西山寨並聽橫節制劉豫聞橫入穎昌遣使詣都元帥宗翰

求橫橫等軍本羣盜雖勇而無紀律見齊師所遣子女金帛乃縱掠數日置酒高會金人聞而易之豫遣其將

李成以二萬人迎敵金遣左都監宗弼援之敗之於京城西北半臨岡橫等軍無甲皆敗走敵亦不敢深逐也

顯昌復破多議官穀城譚世則爲敵所執令其招橫橫不答世則遇害

事關開在開美城西二十里

武翼郎閻門宣贊舍人知杭州董震爲武節大夫貴州刺史權商就陝州鎮撫使震言敵兵侵蜀臣見調本軍三千人自鹽陽而西絕敵糧道萬一四川將帥不能堅守墮其謀計思之寒心今山東富庶如昔金人重兵亦不在彼望朝廷乘此機會興師深入可以破僞齊之巢穴兼奉制金人取四川之兵矣

聖恩今商州山陽縣

武翼郎閻門宣贊舍人權河南鎮撫使翟臻爲利州觀察使臻言道路梗牴緩急無兵救援請亦隸宣撫處置使張浚許之遂詔有司以米二萬石餉禁軍且及李橫牛皋彭玘會兵奉制時朝廷方嘉橫敢勇向前命橫等直至京城或徑往長安與橫司夾擊江西安撫大使趙鼎奏襄陽居江淮上流乃川陝襟喉之地以橫鎮撫誠爲得策今聞橫舉共起兵往東京又聞僞齊亦會金人及遣李成領衆西去恐緣此紛擾不定橫烏合之衆將不能禦則決失襄陽川陝路絕江湖震動其害可勝言哉近有自襄陽來者言橫正緣乏食兼無衣則其出兵固非得已望詔有司時有資給使橫衣食足則不假他圖然後責其守疆待敵不得因小利出兵則可久之計矣帝覽鼎奏始憂之於是蜀口金騎已退而董先牛皋皆失守南奔行在未知也

江西安撫大使趙鼎言岳鄂爲沿江上流控扼要害鄂州雖有帥臣及軍萬餘其間大半皆烏合之衆以至器械未備萬一有警難以枝梧欲候虞賊既平令岳飛以全軍往岳鄂屯駐不惟江西藉其聲援可保無虞而湖

南二廣亦獲安妥詔俟飛平江西湖廣賊畢聽旨時朝廷聞李橫失利乃詔橫等屯駐非奉朝旨毋得進兵
神武前軍統制兼淮南宣撫司都統制王瓌爲荆南府潭州岳鄂等州制置使時鼎寇楊么復犯公安石首
二縣先五日命湖南安撫使折彥質會荆鄂潭鼎統制官辛太極邦弼任安杜湛之衆往討之彥質數請濟師
乃命瓌總舟師以行遣忠銳第一將崔增神武後軍統領高進以所部五千從瓌又命韓世忠劉光世各以舟
五百與之仍持五月糧以行凡湖南北兵並受瓌節度時知岳州范寅數遣內艤以策獻於湖南安撫使折彥
質以聞詔下其議命王瓌行之已而瓌請招安金字牌帝曰近來賊盜踵起蓋黃潛晉等專務招安而無弭盜
之術高官厚祿以待渠魁是賞盜也么跳梁江湖罪惡貫盈故命討之何招安爲但令瓌破賊後止戮渠魁數
人貸其餘可也乃給黃榜十道自么及黃誠劉衡周綸皮真並近上知名頭領不赦外苟從之徒一切不問如
從中自併及頭首領當議優與推恩

帝謂輔臣曰曠者多言諸大將不宜益兵漢高祖定天下諸將兵至十數萬未嘗以爲疑故能成功今劉光世
韓世忠兵纔各五萬張俊不滿三萬曠者已患其多此不知時宜也庸益曰方用兵之時御諸將當如高祖削
平之後待功臣當如光武前三日詔以忠銳第九將史康民第十將王林所部益俊軍又令第二將張守忠受
優節制故曠者及之

始諸將擁重兵而無分定路分故無所任責朱勝非再相始議分遣諸帥各據要會某帥當某路一定不復易

御前忠銳第一將增水軍統制吳全與湖寇遇於陽武口死之時荆潭制置使王瓌將水軍以前二日至下
芷江口翼日知鼎州程昌寓亦至共議取周倫寨又翼日增全至陽武口遇賊軍船皆寂然無聲呼之不應增
等以爲空舟也令湖海船倚梯而上賊兵奮出官軍遂敗死者不知其數增與全皆死時統制官任士安以萬
人屯赤沙湖阻水不能救賊收其弓矢甲冑欲西襲官軍瓌遂并將增兵瓌以兩遇賊皆敗二將俱死瓌無
悔會得江北警報欲移師鄂州防江程昌寓曰江北實無事乃李橫自襄陽鄂州孤城亦翼公速來少安爾
今二橋已就事功垂成大軍一退難以復合願公少留共破三寨若鄂州有警疾馳尙可及也瓌不聽是日瓌
引大軍還鄂州留統制官王渥趙興及湖南將馬準步諒四軍權聽昌寓節制於是昌寓移屯上芷決賊隄四
百丈漢武口疑龍陽縣之武口洞庭湖濱也下芷上芷
沅江入湖隄名赤沙湖在龍陽東南接沅江縣界

右迪功郎新監廣州寶口場鹽稅吳仲再上書請伐劉瓌且言今兵權所付不過三三人其有道家所忌則趙
括之徒可憂其有戰勝而驕則武安君之禍可戒又言古人師克在和今陛下將士雖衆孰講廉簡之歡則將
帥之賢愚不卜而可知也今之主將無非營私背公蠹國害民之徒廣回易擅權酷所至州郡則恣無厭之求
民力爲之耗滅廣收無用之兵以益請糧之數則財賦之得失不卜而可知也今國家所賴者止知有西北之
兵不知有東南之士又況諸軍無非潰亡之徒子女既足金帛亦豐邊境暫甯則偷安以干廩食至於臨敵豈
不潰亡此士卒之能否不卜而可知也今重兵皆在江南而輕兵獨當淮右萬一敵人掠我淮甸對壘江旁縱

未南渡兩軍相持積以歲月必有存亡夫金人雖強實不足慮劉豫雖微其禍可憂臣以爲先擒劉豫則金人自定金人反覆陛下知之詳矣今又劇中原以假劉豫是并吞之謀已兆而危亡之禍將及豈可不爲之計今使命將至不可中輟萬一厚有需求臣願陛下陽許陰違俟其還報乘其不疑一怒親征劉豫可擒也

〔四年〕張浚至潭州時鼎寇楊太旣爲官軍所敗其黨漸散賊防之甚嚴鄰居失覺者其罪死間有得違官地保甲又利其財而殺之知鼎州程昌寓乃募人能降者與獲級同故降者稍衆浚至遂留左朝散郎權樞密院計議官馮檣爲荆湖撫諭俾同安撫使折彥質措置招安會岳州進士王朝倚在賊寨脫歸自言知賊虛實詔赴都堂審問後數日有旨令王瓚與彥質招安然賊方恃水出沒其所據北達公安西及鼎澧東至岳陽南抵長沙之界春夏耕耘秋冬攻掠跳梁自如未有降意也

金左都監宗弼自寶雞侵仙人關先是金旣得和尚原利州路制置使吳玠度金人必深入乃挾治壘於關側號殺金坪屢兵以待玠弟秦鳳副都總管璘在階州移書言殺金坪之地去原尚遠前陳散漫宜益治第二隘示必死戰則可取勝至是宗弼果與其陝西經略使完顏杲齊四川招撫使劉夔率十萬騎並進攻鐵山壘壘開道趣仙人關旣至據高嶺爲壁循褒嶺東下直攻南軍玠自以萬人當其前璘率輕兵由七方關倍道而至轉運凡七日晝夜不眠統制官郭震爲宗弼所襲破其寨南軍累敗玠斬震以徇金人復攻之玠敗金人於仙人關初金右都監宗弼連戰未決玠適與宗弼相見宗弼遣人謂曰趙氏已衰不可扶持公來當擇善地百里

而王之玠謝曰已事趙氏不敢有反金人造生兵萬餘襲玠營之左玠分兵擊卻之敵怒擁衆乘城玠遣統制
官楊政以刀鎗手深入統制官吳璘以刀盡地謂諸將曰死則死此敢退者斬金人分爲二陳宗弼陳於東將
軍韓常陳於西南軍苦戰久遂退屯第二隘時軍中頗有異議欲別擇形勝以守璘曰方交而退是不戰而卻
也吾度此敵走不久矣政亦言於玠曰此地爲蜀咽喉塞死不可失當守以強弩彼不敢捨此而攻關玠從之金
人進攻第二隘人被兩鎧鐵刃相連魚貫而上璘督士死戰矢下如雨金兵死者復踐而登完顏杲駐馬四視
久之曰吾得之矣翼日命諸軍併力攻營之西北樓統領官隴千姚仲登樓死戰樓已歛仲以帛爲繩曳使復
正金人以火焚樓柱仲取酒滅之玠又遣政與統領官田晟以銳兵持長刀大斧擊其左右夜布火四山大震
鼓隨之至夜壘中大出兵遣右軍統領王慶及王武等諸將分紫白旗入金營金兵驚潰將軍韓常射損左目
敵不能支遂引兵宵遁右軍統制張彥劫橫山寨斬千餘級玠遣統制官王濂設伏河池扼其歸路又敗之是
舉也金人決意入蜀自完顏杲已下皆盡室以來既不得志遂遣鳳翔投甲士田爲久留計自是不復圖蜀矣
金人之始入也玠檄召金房鎮撫使王彥熙河路總管關師古來援師古已叛彥亦不至獨綿威茂石泉軍安
撫使劉錡以所部會之玠聞師古叛并其軍麾下厚資給焉由是玠軍益以精強

上年金人攻和尚原吳玠以無糧拔寨去故金得至他人

關鞏並坪在關側鐵山在鈔縣北七方關
宜作七盤關在南美州橫山砦在兩當縣

詔江東宣撫使劉光世遣兵巡邏初襄陽既爲僞齊將李成所據川陝路絕湖湘之民亦不莫居朱勝非曾與

陽上流襟帶吳蜀我若得之進則可以威賊退則可以保境今陷於寇所當先取帝曰今便可議就委岳飛何如參知政事趙鼎曰知上流利害無如飛者鼎因奏令淮東宣撫使韓世忠以萬人屯泗上爲疑兵令光世選精兵出陳蔡庶幾兵勢相接

諫議大夫唐煇言伏見川陝宣撫司捷奏再至謂敵兵盡去臣竊思金人之來擁衆十餘萬是欲必得四川然則方遣使議和而進兵攻取此其素謀久矣李成之在襄陽蓋與川陝之師相表裏今不得志於川陝必與李成合兵或侵荆南或窺淮甸必不肯一戰遂已望中敕諸帥整軍旅遣斥候備禦加嚴則爲盡善廟堂於上流及淮甸宜講求所以戰守之策尤不可緩乃命三省樞密院講求戰守之策仍劄沿江諸帥嚴加備禦

祠部員外郎范同言師克在和夫抵剛果彙健之士以氣相高始由小嫌寢成大釁然古之賢將急公家棄私仇含怨忘憤終成令名者蓋不乏人陛下拔用才傑禮遇勳賢備極榮寵固將憑藉忠力掃除腥穢一清寰宇恢復祖宗之業而道塗竊議以爲將帥忘輯睦之義配繼芥之怨或享高位而忌嫉軋已或恃勳勞而排抑新進審如是他日必有重貽聖慮者欲望明示至意及其細微易於改陋使之視春秋諸卿以爲戒追漢唐名將而躡其跡豈惟社稷是賴而勳名寵位尤享始終亦陛下保全之德也詔劄與諸將帥先是劉光世韓世忠久不協而岳飛自列校拔起頗爲世忠與張俊所忌故同及之

殿中侍御史張致遠言廣東循惠韶連數州與郴虔接壤自鄰國深入殘破無餘今則郴寇未殘韶連疲於守

鑾而廣州之觀音惠州之河源循州之興寧千百爲羣緋綠異服橫行肆掠以衆爲強吳錫旣還湖南韓京素稱怯弱海荒迺遣奏報時臣聞朝廷遣趙祥一軍招捕寇因降德音開其自新之路廣東與處犬牙錯境今號魁首多是處人願推廣於天恩以撫綏於遐域令祥與京相爲聲援諭處守與廣東帥審處事宜得強梗而必誅貸從而罔治乘此軍力悉務討平仍嚴養寇之刑雖去官不宥大革相聚之弊每先事而圖非惟良

民不陷於非辜庶幾陛下得行於仁政從之

循今惠州府龍川縣觀音山在清遠縣東百五十里

初劉豫旣納其臣羅誘南征議乃遣知樞密院事盧偉卿見金主具言宋人自大梁五遷皆失其土若假兵五萬下兩淮南逐五百里則吳越又將棄而失之貨財子女不求自得然後擇金國賢王或有德者立爲淮王王盱眙使山東臂齒之勢成晏然無南顧之患則兩河自定矣青冀之地古稱上土耕桑以時富庶可待則宋之徵賂又何足較其得失金主命諸將議之旋以宗輔權左副元帥右監軍昌權右副元帥調兵五萬人以應豫又以右都監宗弼普過江知地險易使將前軍宗輔下令燕雲諸路漢軍並令親行毋得募人充役豫遂命其子僞諸路大總管尙書左丞相梁國公麟領東西道行臺尙書令合兵南侵始議自順昌趨合淝攻應陽由采石以濟兼軍都制置使李成謂敵民兵盡除山東餉道遼遠又慮岳飛之軍自襄陽出攻其背不如沿汴直犯泗州渡淮以大軍扼盱眙據其津要分兵下滁和揚州大治舟楫西自采石以攻金陵南自瓜洲以攻京口仍分兵東下掠海楚之糧庶爲大利於是騎兵自泗攻滁步兵自楚攻承議報至羣朝震恐或勸帝他幸辭散百

司趙鼎獨曰戰而不捷去未晚也帝用鼎計鼎之爲參預也嘗與諸將論防秋大計獨張俊曰避將何之惟向前一步庶可脫當聚天下兵守平江俟賊退徐爲之計鼎曰公言避非策是也以天下之兵守一州之地非公但堅向前之議足矣鼎蓋陰有所處故每日留身陳用兵大計帝意悟又俊密使爲之助至是決意親征留鼎不遣入蜀鼎奏用十月七日西行許之然帝方向鼎已有命相之意矣順昌今潁州

金人及劉豫之兵分道渡淮知楚州武功大夫和州防禦使樊序棄城去淮東宣撫使韓世忠自承州退保鎮江府世忠奏金及劉豫之兵攻承州楚州帝謂輔臣曰朕爲二聖在遠生靈久罹塗炭屈己請和而金復用兵朕當親總大軍臨江決戰趙鼎曰屢年退避敵情益驕今親征出於聖斷武將奮勇決可成功臣等願效區區亦以圖報遂詔神武右軍都統制張俊以所部往援世忠又令淮西宣撫使劉光世移軍建康車駕定日起發太尉定江昭慶軍節度使神武右軍都統制張俊爲浙西江東宣撫使淮西宣撫使韓世忠以所部至自鎮江復如揚州初帝聞金兵渡淮再以札賜世忠略曰今敵氣正銳又皆小舟輕捷可以橫江徑渡浙西趨行朝無數合之連朕甚憂之建康諸渡湖爲敵衝萬一透漏存亡所係朕雖不德無以君國子民而祖宗德澤猶在人心中所宜深念累世涵養之恩永垂千載忠義之烈世忠讀誦感泣遂進屯揚州初金兵渡淮探者未得其實以爲來兵甚少趙鼎曰金人前入我境乃以我爲敵國也故縱兵四掠其鋒可畏今行劉豫之境猶卽其國中也故按隊徐行不作虛聲然亦不足深畏詔遣簽書樞密院事胡松年先往鎮江建康府與諸將會繼進兵因以

魏敵情帝曰先遣大臣諭以朕意庶幾諸將賈勇爭先沈與求曰真宗澶淵之役先遣陳堯叟此故事也殿中侍御史張致遠言車駕總師臨江乞速降黃榜須行約束每事務在簡省稍有配率許人陳告仍不待從臺諫官覺察彈劾從之胡松年辭行時淮西宣撫使劉光世密遣屬官告趙鼎曰相公本入蜀有警乃留何故與他人負許大事鼎恐帝意移復乘間言今日之勢若敵兵渡江恐其別有措置不如向時尚有復振之理戰固危道有敗亦有成不猶愈於退而必亡者乎且金齊俱來以吾事力對之誠爲不侔然漢敗王尋晉破苻堅特在人心而已自詔親征士皆賈勇陛下養兵十年正在一日由是浮言不能入矣韓世忠邀擊金人於大儀鎮敗之初奉使魏夏臣王繪在鎮江被旨趨行乃以十月丙戌渡江丁亥至揚子橋遇世忠遣使臣督令出界時朝廷已知承楚路絕乃連僞界引伴官牒付夏臣等令於阻截處照驗又令淮東帥司召募使臣說諭承楚州令放過奉使夏臣等至揚州東門外遇牛鋒軍自城中還問之云相公令往江頭把隘入城見世忠坐譙門上頃之流星旗牌齊至世忠出示夏臣等乃得旨令移屯守江世忠留食夏臣等辭以欲見參議官陳桷提舉官董敗遂過桷等共飯世忠遣人傳刺謝夏臣繪且速桷等還桷敗送二人出北門繪與桷有舊駐馬久之以老幼爲託晚宿大儀鎮翼日行數里遇金騎百十控弦而來夏臣命其徒下馬大呼曰勿射此來講和敵乃引騎還天長問皇帝何在夏臣對曰在杭州又問韓家何在士馬幾何繪曰在揚州來時已還鎮江矣又曰得無用計復遣掩我否繪曰此兵家事使人安得知去城六七里遇金將聶嘯員勒同入城問講和事且言自泗水來所

在州縣多見恤刑手詔及戒石銘皇帝恤民如此又問秦中丞何在繪答以今帶職奉祠居温州又言嘗作相今罷去得非恐爲軍前所取故邪繪曰頃實居相位踰年堅欲求去無他也又問韓家何在良臣曰來時親見人馬出東門望瓜州去矣繪曰侍郎未可爲此言用兵講和自是一事雖得旨抽回將在軍君命有所不受還與不還使人不可得而知也初世忠度良臣已遠乃上馬令軍中曰視吾鞭所向於時引軍次大儀鎮勒兵馬五陳設伏二十餘處戒之曰聞鼓聲則起而擊敵尋時貝勒聞世忠退軍喜甚引騎數百趨江口距大儀鎮五里其將託卜嘉引鐵騎過五陳之東世忠與戰不利統制呼延通救之得免世忠傳小麾鳴鼓伏者四起五軍旗與金旗雜出金軍亂弓刀無所施而南師迭進背鬼軍各持長斧上堪人胸下拍馬足敵全裝陷泥淖中人馬俱斃遂擒託卜嘉世忠又遣董敗兵往天長縣遇金人於鴟口橋擒四十餘人時淮東宣撫司前軍統制解元亦與金人戰於承州敗之初金人至近郊元知之逆料金人翌日食時必至城下乃伏百人於路要之又伏百人於城之東北嶽廟下自引四百人伏於要路之一隅令曰金人以高郵無兵不知我在高郵必輕易而進俟金人過我當先出掩之伏要路者見我應旗則立幟以待金人進退無路必取嶽廟走矣果然則伏者出又密使人伏樊良俟金人過則決河岸以隔其歸路時金人果徑趨城下元密數之有一百五十騎乃以伏兵出麾旗以招伏要路者伏兵皆立幟以待金人大驚遂向嶽廟走元率兵追之擒一百四十八人戰馬器械皆爲元所得初尋時貝勒既敗歸召奉使魏良臣等至天長南門外良臣等下馬金騎擁之而前尋時憤甚脫所服

相繼接劍嶺目謂曰汝等來講和且謂韓家人馬已還乃陰來害我諸將舉刃示之夏臣等曰使人講和止爲國家報世忠既以兩使人爲餌安得知其計帝遣侍御史魏玘往劉光世監察御史田如璽往張俊軍前計事是時光世軍馬家渡俊軍采石磯帝命趙二人往援韓世忠而光世等軍權相敵且持私隙莫肯協心玘至光世軍中諭之曰彼衆我寡合力猶懼不支況軍自爲心將何以戰爲諸公計當滅怨隙不獨可以報國身亦有光世意許玘因勸之移書二帥以示無他使爲犄角已而二帥皆復書交致其情光世遂以奔奔於帝於是光世移軍太平州執政進呈軍機進發頓宿次序帝曰朕率已至薄況此行本以安民豈可過爲煩擾又恐州縣以調夫修治道路爲名並緣爲弊趙鼎曰朝廷屢行約束丁甯備至沈與求曰諸將之兵分屯江岸而敵騎遠巡淮甸之間恐久或生變當遣岳飛自上流取問道乘虛擊之敵騎必有反顧之患帝曰當如此措置兵貴拙速不宜巧遲機事一失恐成後悔宜速諭之帝登舟發臨安府奉天章閣祖宗神御以行主管殿前司公事劉錫神武中軍統制楊沂中皆以其軍從帝不以玩好自隨御舟三十餘艘所載書籍而已帝既發乃命大宮自温州泛海往泉州晚泊臨平鎮劉光世乞與韓世忠均支錢糧帝曰諸將之兵用命則一其所支錢糧豈容有異此皆呂頤浩不公之弊趙鼎曰朝廷舉措既當諸將自服今不公如此必致紛紛乞下光世會合得錢米之數然後行沈與求曰豈惟錢糧至於賞罰亦然惟至公可以服天下故賞則知勸罰則知畏帝曰大臣不公何以服衆鼎曰苟爲不公則賞雖厚人不以爲恩罰雖嚴人不以爲威帝曰朕親總六師正當公示賞罰胡松

年自江上遁入見帝問控禦之計松年曰臣到鎮江建康備見韓世忠劉光世軍中將士奮勵爭欲吞噓敵人必能屏護王室建立奇勳帝曰數年以來廟堂玩習虛文而不明實效侍從臺諫搜剔細務而不知大體故未能靖禍患濟艱難非朕夙夜留心治軍旅儲器械今日敢驕倣軼何以禦之趙鼎曰臣等恭聞聖訓敢不自竭無鈍少副陛下實實之意數日詔曰朕以逆臣劉豫稱兵南向警奏既聞神人共憤朕不敢復蹈前轍爲退避自安之計而重貽江浙赤子流離屠戮之禍乃下罪己之詔親總六師臨幸江濱督勵將士然而興師十萬日費千金動衆勞人俱所不免每一念此惻然疚懷尙覬諸路監司帥守與夫郡邑大小之臣夙夜究心以體朕意凡借貸催科有須於衆者毋得縱吏並緣爲姦凡盜賊姦宄輒生竊伺者務絕其萌毋令竊發其或乘時擾攘恣無名之斂容姦寇失稽察之方致使吾民橫罹困苦有一於此必罰無赦候軍事稍定當遣庭臣循行鄴國蔡州樞密院事胡松年兼權參知政事以沈與求按行江上事也時松江既有備商賈往來自如通泰出納鹽貨如故帝見士氣大振捷音日聞欲渡江決戰趙鼎曰退既不可渡江非計也金兵遠來利於速戰豈可與之爭鋒兵家以氣爲主三鼓既衰矣姑守江使不得渡徐觀其勢以決萬全且豫楮不親臨止遣其子豈煩至尋與逆繼決勝負哉於是遣與求按行江上與諸將議可否始知敵騎大集其數甚衆與求回言沿江居民旋迫屋爲肆敵雖對岸略不畏之資政殿學士楊學古等觀變侍讀張浚知樞密院事浚之未至也請遣岳飛渡江入淮西以率制金兵之在淮東者帝從之及入見帝問勝敗方略何如鼎曰浚銳於功名而得衆心可以

獨任於是帝復用之稱文殿學士提舉臨安府洞霄宮李綱言今劉豫悉兵南下其境內必虛倘命偕臣乘此機會擄頰昌以臨畿甸電發羣驥出其不意則豫必大震懼呼還頰昌以自營救王師追躡必有可勝之理非惟牽制南牧之兵亦有恢復中原之兆此上策也朝廷或以茲事體大則鑒與駐蹕江上勢須號召上流之兵順流而下旌旗金鼓千里相望以助聲勢則敵人雖衆豈敢南渡仍召大將率其全師進屯淮南要害之地嚴為擊絕其糧道豫必退避保全東南徐議攻討此中策也萬一有借親兵之名為順動之計委一二大將捍敵於後則臣恐軍號令不行敵得乘間深入州縣望風奔潰其為患有不可勝言者此最下策也往歲金人南渡意在侵掠既得子女玉帛時方暑則勢必還師今劉豫使之渡江而南必謀割據將何以爲善後之計哉今日爲退避之計則不可朝廷措置得宜將士用命則安知敵非送死於我願一時機會所以應之何如耳望降出臣章與二三大臣熟讀初張浚之謫福州也綱亦寓居焉浚服其忠義除前障更相親善及浚召入綱因以奏疏附進帝曰綱去國數年無一字到朝廷今有此奏豈非以朕總師親臨大江合綱之意乎所陳亦今日急務可降詔獎諭知樞密院事張浚往鎮江視師時金人於滁上造舟有渡江之意趙鼎密爲帝言曰今日之舉雖天人咸助然自古用兵不能保其必勝事至卽應之庶不倉猝萬一金人渡江陛下當親總衛士趨常潤督諸將乘其未集併力血戰未必不勝或遇不佳則由他道復歸臨安堅守吳江敵亦安能深入臣與張浚分糾諸將或腰截或尾襲各自爲謀天下事無不集矣主管殿前司公事劉錫神武中軍統制楊沂中見鼎曰探

報如此獨莫須動鼎曰俟敵已渡江方遣二君率兵趨常潤併力一戰以決存亡更無他術錫等聲言曰相公可謂大膽鼎曰事已至此不得不爾二君隨駕之親兵也緩急正賴爲用豈可先出此言錫等乃退魏良臣王繪至自金國軍前對於內殿帝問勞甚渥侍御史魏仁晉朝廷前此三遣和使而大金繼有報聘禮意周旋信言可考頃復專使尋好未有聲蹟茲乃劉豫父子造兵端本謀窺江初無和意使人未見國相報書來自近伺此而可信覆轍未遑今大兵坐扼天險援師驍舟上流精銳無慮十萬彼劉豫挾金爲重敵軍本吾赤子人心向背久當自搖持重以待之輕兵以擾之吾計得矣惟陛下爲宗社生靈之重仰順天意俯從人欲飭勵諸將力圖攻守帝甚納其言知福州張守言臣聞韓世忠所獻敵俘已就戮於嘉禾遠近欣快不謀同辭然臣竊謂凡所獻俘若使皆是金人或他國借助則宜盡剿除俾無遺育至於兩河山東諸路之民則皆陛下赤子也劉豫驅迫以來必非得已若臨陳殺戮勢固不免至於俘執而至容有所矜憐凡所得俘內有敵軍則宜諭以恩信以示不忍殺之之意可待其而歸之或願留者亦聽其便不惟得先王裔從罔治之義而劉豫之兵可使自潰後雖日殺而驅之使前將不復爲用矣疏奏詔獎湖北制置司統制官牛皋徐慶敗金兵於廬州時金增兵復侵淮右仇恣盡發戍軍千人拒之既而敗北無一孑者遂求救於湖北制置使岳飛遣舉慶率二千人往援慶飛嘗將也是日舉慶從騎數十先至坐未定斥堠報金人五千騎將逼城時湖北軍未集恣色動不安舉曰無畏也當爲公退之即與慶以從騎出城謂敵衆曰牛皋在此爾輩何爲見使乃展幟示之金兵失色舉舞

精徑前金兵疑有伏師奔潰率騎追之金兵口相踐死餘皆遁去時淮西宣撫使劉光世亦遣統制官靳賽至慎縣而還金人退師初右副元帥完顏昌在泗州而右都監宗弼屯於竹塾鎮嘗以書幣遣淮東宣撫使韓世忠約戰世忠方與諸將飲卽席遣伶人張軫王愈持檄若爲報書略曰元帥軍士良苦下諭約戰敢不疾治行李以奉承指揮也時金師既爲世忠所扼會天雨霖霖道不通野無所掠至殺馬而食軍皆怨憤旋聞金主有疾將軍韓常謂宗弼曰今士無鬪志況吾君疾爲內或有變惟速歸爲善宗弼然之夜引還金軍已去乃遣人諭劉麟及其弟猷於是麟等棄輜重遁去

大儀鎮在甘泉縣西口橋在天長東樊良湖在高郵西慎縣今合縣之北

（五年）侍御史張致遠言敵騎已達緣淮南之人多爲敵所拘兼於山間水面結集保守又有中原被策軍民意欲投歸尙留敵寨及暫時投避在村野者不速行措置深慮官軍以襲番僞民社收復州縣爲名肆行剽掠妄有殺戮或執俘級僥倖賞典使吾民被害重於寇盜乞預降德音並戒飭黃榜以付張浚詔以章示浚淮西宣撫司統制官王進薄金人於淮降其將程師回張延壽而還初金人自六合歸命師回延壽收後二人皆驍將也淮南宣撫使張俊謂進曰敵旣無留心必渡淮而去可速進兵及其未濟擊之進與統領官楊忠聞偕往金人且渡淮遂薄諸河金衆悉潰墮河而死師回延壽勢窘而降初師回以浚爲浚旣降乃悟曰吾以爲張樞將乃關西也武成感德軍節度使開府儀同三司充鎮江建康府淮南東路宣撫使韓世忠爲少保充淮南東路宣撫使鎮江府置司時世忠與劉光世張俊相繼入覲世忠奏金人退兵陛下必喜帝曰此不足喜惟復中

原還二聖乃可喜耳然有一事以卿等將士賈勇爭先非復他時懼敵之比所喜蓋在此也後數日帝以諭輔臣趙鼎等贊帝誠得取將之道帝曰楚用子玉晉文公爲之側席而坐今敵騎雖退然尼瑪哈等輩猶在朕敢忘此憂乎淮西宣撫司統制官鄺瓊拔光州執其知州武翼郎許約金人之侵淮也劉光世遣瓊自廬州統兵聲言過淮至芍陂乃擣輕兵由間道趨光州城下約乘城固守劉麟亦遣其統領官李知柔以衆援之瓊說約降不從卽進兵急攻城欲破約勢窮乃降遂復光州後六日奏至既而光世以約赴行在帝謂大臣曰約爲劉豫結連楊么及劫張昂山寨兇逆宜誅今來歸朕不欲失信當貸之乃遷約一官監南劍州鹽稅劉光世韓世忠張俊入辭尙書右僕射趙鼎知樞密院事張俊參知政事沈與求簽書樞密院事胡松年侍帝命光世等升殿諭曰敵南侵蓋有窺江浙之意賴卿等戮力捍敵使其失律而去朕甚嘉之然中原未復二聖未還朕心歉然卿等其勉之光世曰臣等蒙國厚恩敢不效死歸曰臣聞降人程師回言逆臣劉豫給金人云光世世忠比失歡及至淮伺其隙其氣已沮矣帝曰有告朕光世世忠坐小嫌意不釋然者烈士當以意氣相許先國家之急而後私讐小嫌何足校昔寇恂賈復都將復以爲恥深銜之光武曰天下未定兩虎安得私讐於是並坐極歡結友而去光世世忠縱有睚眦今日宜釋前憾結歡如初二人感泣再拜曰臣等頃過聽嘗有違言至於國事不敢分彼此今乃煩君父訓飭臣等敢不奉詔鼎等頓首贊帝曰將帥和社稷之福也命近侍出內金盃尊賜光世世忠餞酒一行並所飲器賜之陛辭而退鼎謂與求曰將帥國之爪牙推轂授帥則聞之矣天

子御正衙賜冠袍而親勸之末之前聞臣聞英宗皇帝於司馬光嘗有是賜其後淵聖皇帝用李綱實踵行之
光世等乃敢恩寵如此必有以圖報

以岳飛爲荆湖南北襄陽府路制置使充神武後軍都統制將所部平湖賊楊太賜錢十萬緡帛五千匹爲犒
軍之費以湖北轉運判官劉延年充隨軍轉運及令湖南江西漕臣薛弼范振應副隨軍錢糧飛所部皆西北
人不習水戰飛曰兵何常顧用之何如耳

定國軍承宣使吳玠武泰軍承宣使楊政復秦州先是川陝宣撫副使吳玠聞金人侵淮南遣玠政乘機率制
璘等出奇兵自天水至秦隴其守顧宣以逆順宣不肯降遂攻之拔其城金右都監完顏果聞秦被圍集諸道
兵來援政復擊敗之

都督行府奏招捕水賊楊太等約束時張浚以建康東南都會而洞庭寶據上流今寇日滋蘊遏漕運格塞形
勢爲腹心害不去之無以立國然寇阻大湖春夏耕耘秋冬水落則收糧於湖寨戰老小於船中而盡驅其衆
四出爲暴前日朝廷反謂夏多水潦屢以冬用師故寇得併力而我不得志今乘其怠盛夏討之彼衆既散一
旦合之疲於奔命又不得守其田畝禾稼蹂踐則有秋冬絕食之憂黨與攜離方可招來乃以便宣命荆潭鼎
澧岳州將逐竄出首人多方存恤首領申行府授官餘人給以閑田貸之種子又命湖南安撫司統制官任士
安以兵三千屯湘陰保護湘江糧道統制官郝景屯橋口王俊屯益陽醴縣吳錫屯公安崔邦弼屯南陽浚馬

漫步諒留潭州其鼎州官兵令程千秋分撥緊要屯駐應諸校招收人數比附出戰獲級例推賞其招收人報所屬給種授田務令安業候黃誠楊太周諭公夢了日當議蠲免租稅補授官資仍給黃榜下任士安軍及岳潭鼎州撫諭

益陽舊縣在今縣東八十里漢魏以來舊治也南梁渡未詳其巴陵縣之南津縣

右僕射張浚至鎮江召韓世忠諭上旨使舉軍前屯楚州以撼山京世忠欣然承命浚送至建康撫張俊軍至太平州撫劉光世軍軍士無不踴躍思奮浚以諸路軍馬所用錢糧當從督府總制故悉以上佐兼之行府關三省指揮自此始世忠以大軍發鎮江將行帝賜手劄曰昨因敵退議者以經理淮甸爲言人多憚行卿獨請以身任其責朕甚嘉之錫日趙鼎買世忠已過淮南乞遣中使撫問帝賜世忠銀合藥且以手劄勞之曰今聞全師渡江威聲遐暢卿妻子同行否乍到醫藥飲食或恐未備有所須一一奏來也時山陽殘弊之餘世忠拔荆縣立軍府與士同力役其夫人梁氏親織薄爲屋將士有臨敵怯懦者世忠遣以巾幘設樂大燕會俾爲婦人敗以恥之軍壘既成世忠乃撫集流散通商惠工遂爲重鎮

起復祕閣修撰淮東宣撫使司參謀官陳桷言潁淮之地久經兵火官私廢田一目千里連年既失耕耨草莽覆養在地皆肥饒巨額敷分屯諸帥占射無主荒田度輕重之力斟酌多寡給所部官兵趁時布種或做陝西弓箭手法從長區處因地土所宜種麻粟稻麥一切聽之無問稅租力耕之人添破糧米朝廷遂旋應副耕牛之數諸助計置種子將來盡還其價不特人賴可以足辦如飼馬飼秣之用亦皆備然矣仍乞委自都督府選

官無聽其事令親到逐司與主帥熟議俟上下情通然後行之每軍就令統制統領官管認監督近上謀議官領之收成受納之日同認所得之數并隨時價直具中都督府籍記支還價錢以金銀見錢品搭級降將逐司所得除一歲合支數外餘就令封格爲儲積之計詔關都督行府

詔福建廣東帥臣措置團結海居民爲社擒捕海賊時寶文閣直學士連南夫論海寇之患謂國家每歲市舶之入數百萬今風信已順而船舶不來則有乘黃屋而稱侯王者臣恐未易招也願令委州縣措置團結海居民五百人結爲一社不及三百人以下附近社推材勇物力人爲社首其次爲副社首備坐聖旨給帖差捕蓋懷海之民熟知海賊所向今聽其會合如擒獲近上首領許保奏優與補官其誰不樂爲用乃下張守會開相度如所請

詔韓世忠紀律嚴明岳飛治軍有法並令學士院降詔獎諭時世忠移屯淮甸軍行整肅秋毫無犯飛移軍潭州所過不擾鄉民私糴士卒酒食即時償直帝聞之故有是詔

張浚至潭州初浚自建昌西上詣樞密副都承旨沿江制置副使馬擴自武昌召歸乃以爲都督行府都統制浚行至醴陵獄囚數百人盡楊太道爲問探者安撫使席益傳致遠縣囚之浚召問盡釋其縛給以文書俾分示諸寨曰今既不得保田畝秋冬必乏食且餒死矣不若早降卽赦爾死數百人歡呼而往浚至長沙賊首黃誠周倫先請受約束然賊等屢殺招安吏士猶自疑不安浚遣制置使岳飛分兵屯鼎澧益陽壓以兵勢賊大

驚遂定出降之計岳飛至潯州城外置寨列艦飛素有威望而軍律甚嚴乃遣潭州兵馬鈐轄楊華入賊營招降賊黨黃佐曰岳節使號令如山若與之戰萬無生理遂降飛單騎按其部拊佐背曰子知逆順者果能立功封侯豈足道欲遣子至湖中視可乘者擒之可勸者招之佐感泣誓以死報時參政席益疑飛玩寇欲以聞張浚曰岳侯忠孝人也兵有深機何可易言益慚而止時大旱湖水涸如深冬賊益懼洞庭賊楊欽將所部三千人詣岳飛降初張浚至長沙親臨湖以觀賊勢疑未可攻會召浚還朝謀防秋之計飛至潭州袖出小圖示浚浚欲俟來年議之飛曰已有定畫都督能少留否八日可破浚曰何言之易飛曰王四廂以王師攻水寇則難飛以水寇攻水寇則易水戰我短彼長以所短攻所長故難若因敵勢用敵兵奪其手足之助離其腹心之託而後以王師乘之八日之內當俘諸賊浚許之先是湖南統制官任士安王俊郝叢等領兵二萬餘不稟王玘號令遂至於敗及飛始至經士安以折其氣使爲賊餌令曰三日不能平賊皆斬先揚言岳太尉將二十萬兵至矣及是止見士安等軍賊併力拒之三日飛乃以大兵四合一戰破賊衆殆盡乘其舟以入水寨欽等迎降欽在賊中最悍所至常先諸賊楊太恃以爲強飛厚待之賊愈喪氣浚承制授欽武略大夫飛遂破湖賊夏誠飛既降楊欽率統制官牛皋傅選王剛乘勝擊攻水寨賊將陳瑁刼僞太子鍾子儀船獲金龍交牀與龍鳳翼等諸飛降楊太窮蹙赴水牛皋擒斬之餘黨劉衡等相繼皆降飛入水寨殺賊衆殆盡惟夏誠寨三面臨大江背倚嶼山官陸攻則入湖水攻則登岸至是飛親往測其淺處乃擇善罵者二十人夜往罵之且悉衆運草

水上流賊聞聲爭擲瓦石擊之草木爲瓦石所壓一旦填滿飛長驅入寨遂執誠果八日而湖寇悉平沒嘆曰番侯神算也初賊恃其險曰犯我者除是飛來至是人以其言爲讖期寇既平得丁壯五六萬人老弱不下十餘萬張浚更易郡縣盡賊吏宣布寬恩命岳飛進軍屯荊襄以圖中原浚率官屬泛洞庭而下時淮東宣撫使韓世忠江東宣撫使張俊皆已立功而飛以列校拔起世忠俊不能平飛皆屈已下之數通書俱不答及飛破楊太獻樓船各一兵徒戰守之械畢備世忠始大悅而浚益忌之

詔荆襄川陝見宿大兵措置事宜委任至重雖已除席益制置大使而調發節制隸在督府可令張浚往視師仍諭諸路諸君請梁洋沃壤數百里環以崇山南控蜀北拒秦東阻金西拒興鳳可以戰可以守今兩川之民往往逃趨蜀中未敢復業墾闢既少多屯兵則糧不足以贖衆少屯兵則勢不足以抗敵宜以文臣爲統率分宣撫司駐焉而以夏將統之遇防秋則就食綿閬如此則兵可以備援而民得安業詔宣撫副使邵溥吳玠擇二郡守臣相度初玠苦軍儲不繼於興元洋風成岷五郡治官莊屯田又調戍兵治褒城廢堰民知灌漑可恃皆願歸業詔書嘉獎別路漕臣郭大中言於玠曰漢中歲得營田粟萬斛而民不敢復業若使民自爲耕則所得數什百於此矣玠用其言歲入果多

權戶部侍郎王俱言兵革未息屯戍方興大計所入充軍須者十居八九此國用所以常乏當講究長策細大不遺斯爲盡善敢略陳五事一曰去冗食之兵二曰損有餘之祿三曰收隱漏之賦四曰補消毀之費五曰修

平準之法臣聞兵貴精不貴多兵多而不精則充食者衆充食者衆則勇怯不分勇怯不分則戰無必勝是充食之兵不惟徒費糧餉取敗之道故治軍之法戰兵之外車御火長牧人工匠之屬皆有定數食是則爲充食今日財用所出盡於養兵然其間未嘗入隊不堪披帶者尙多有之竭民力以養無用之人不如委將帥自加澄汰付之漕臣籍荒閒之田計口分授官爲措貸給與牛種使之墾闢仍且與減半支給錢糧俟秋熟之時便雇請給一歲之後量立租課且以萬人爲率每歲所減米十餘萬石錢四十餘萬緡絹布五萬餘匹況又有租課所入儲此以養戰士非小補也艱難以來流品猥衆進用殊常而制祿之數一循舊法理宜不給欲乞應內外文武官俸給等以緡計者自百千以上每千減半有兼職者通計並候事平日依舊如此則裁捐雖衆不及小官恕而易行夫復何患自軍興以來十年於茲財用所出大則資之民力其次則資之商賈無不自竭以奉其上惟是釋家者流一毫不取邑以千計郡以萬計不種坐食其隱漏租稅暗損國計不知其幾何也宜酌古今之意權急緩之宜使之輸米贖軍人歲五斗依稅限進納凡居禪房及西北流寓者特與蠲免於以少紓民力不爲過也自艱難以來饒慶兩司鼓鑄逐漸而江浙之民巧爲有素銷毀錢寶習以成風其最者如建康之句容浙西之蘇湖浙東之明越鼓鑄器用供給四方無有紀極計一兩所費不過千數錢器成之日卽市百金姦民競利靡所不鑄一歲之間計所銷毀無慮數十萬緡兩司所鑄未必稱是加以流入僞境不知幾何乞明詔有司申嚴銅禁屏絕私匠自今以始悉論如律除公私不可闕之物立定名色許人存留及後官鑄出賣外

其餘一兩以上釐立罪賞並令納官益給銅價令分播赴錢監額外鼓鑄國家平昔無事之時在京則有平準務在外則有平糴務邊計之餘內轉國用無慮二十萬緡其效固已可見况今日師旅方興用度日廣欲乞先於行在設平糴務次及諸路要會去處各置平糴以廣利源誠非小補俟其就緒量使領之此五事者備有可采乞令有司講究條畫排斥浮議斷以必行詔戶部工部勘當其後頗施行之

〔六年〕荆襄招討使岳飛言太行山忠義社聚者百餘人欲徑渡河自襄陽來歸時金人併兵攻青故青將精騎突至飛軍前帝曰果爾當優與官以勸來者諫言固未可信若此等人來歸方見敵情沈與求曰若敵誠衰來者衆則敵情審矣

尙書右僕射張浚辭往荆襄視師浚以敵勢未衰而劉豫復據中原爲謀臣測奏請親行邊塞部分諸將以觀機會帝許之浚卽張榜聲豫叛逆之罪時淮東宣撫使韓世忠駐軍承楚淮西宣撫使劉光世屯太平州江東宣撫使張俊屯建康府而湖北京西招討使岳飛在鄂州朝論以爲邊防未備空國之慮尙多浚獨謂楚漢交兵之際漢駐兵穀瀾間則楚不敢越境而西蓋大軍在前雖有他技捷徑敵人畏我之議其後不敢踰越而深入故太原未陷則貼罕之兵不復濟河亦以此耳而論者多以前後空闊爲憂晉不議其糧食所自來師徒所自歸豈必環數千里之地盡以兵守之然後可安乎浚旣白於帝又以告之同列惟帝深以爲然都督府奏改江淮營田爲屯田先是晉屯田者甚衆而行之未見其效會張浚出行邊因出戶帖錢二十萬緡爲本浚請應

行事務並申行府措置俟就緒日歸省部許之於是官田逃田並行拘籍依民間例召莊客承佃每五頃爲一莊客戶五家相保共佃一人爲佃頭每客官給牛五具種子農器副之每家別給菜田十畝又貸本錢三十千分二年償勿取息若收成日願以斛斗折還者聽遂命屯田郎官樊賓提舉糧料院王弗同推行焉

淮東宣撫使韓世忠引兵至宿遷縣時劉豫聚兵淮陽世忠欲攻之乃引兵踰淮泗旁符離而北前一日遣統制官岳超以二百人探知邳州賈舍人者亦以千騎南來與之遇衆欲不戰超曰遇敵不擊將何以報敵鳴鼓超率衆突入陳中出入數四敵乃還劉世忠引大軍進趨淮陽城下命統制官呼延通前行世忠自以一騎隨之行三十餘里遇金人而止世忠升高邱以望通軍通騎至陳前請戰金將葉赫貝勒大呼令解甲通曰我乃呼延通也我在祖宗時殺契丹立大功誓不與契丹俱生況爾與我誓我肯與爾俱生乎葉赫卽馳刺與通交鋒轉戰移時不解皆失杖以手相格去陳已遠遂坎而墜二軍俱不知葉赫刃通之腋通扼其吭而擒之既而世忠爲敵所圖乃披甲不動俄麾其衆曰視吾馬首所向奮戈一躍已潰圍而出不遺一鐵世忠曰敵易與耳復乘銳掩擊敵敗去世忠攻淮陽敵堅守不下劉豫遣使入河間求援於金右副元帥宗弼先是金僞與其守將約受圖一日則舉一烽至是城中舉大烽劉豫與宗弼皆至世忠之出師也乞援於江東宣撫使張俊俊不能從世忠乃還遇金師世忠勒陳向敵遣小校郝彥雄遣其軍大呼曰錦袍驍馬立陳前者韓相公也衆皆世忠世忠曰不如是不足以致敵及敵至世忠以數騎挑之殺其引戰者二人諸將乘之敵敗去

李綱入辭退上疏言今日主兵者之失大略有四兵貴精不貴多多而不精反以爲累將貴謀不貴勇勇而不謀將致敵擒陳賁分合合而不能分分而不能合皆非善謀者戰貴設伏使直前而有中道邀擊之虞卽非善戰者願明詔之使知古人用兵之深意非小補也朝廷近來措置恢復有未盡善者五有宜預備者三有當替後者二今降官皆給度牒賣戶帖理積欠以至折帛博糴預借和買名雖不同其取於民則一而不能生財節用聚寶懸遷一也敵者欲因糧於敵而不知官軍抄掠甚於寇盜恐失民心二也金人專以鐵騎勝中國而吾不務求所以制之三也今朝廷與諸路之兵盡付諸將外重內輕四也兵家之事行詭道今以韓世忠岳飛爲京東京西宣撫未有其實而以先聲臨之且中軍旣行宿衛單弱肘腋之變不可不虞則行在當預備江南荆湖之衆盡出敵或乘間擄虜則上流當預備海道去京東不遠乘風而來一日千里而蘇秀明越全無水軍則海當預備假使異時王師能復京東西地則當屯以何兵守以何將金人來援何以待之萬一不能保則兩路生靈盡就屠戮而兩河之民絕望於本朝勝猶如此當益思替後之計綱又言今日之事莫利營田然淮南兵革江湖旱災之餘民力必不給請宣令淮南襄漢宣撫諸使各置招納司以招納京東西河北流移之民明出文榜厚加撫諭撥田土給牛具貸種糧使之耕鑿許江湖諸路於地狹人稠地分自行招誘而軍中兵願耕者聽則人力可用矣初年租課盡免佃戶方耕種時仍以錢糧給之秋成之後官爲糴買次年始收其三分之一二年之後乃收其半罷錢糧此其大槩也不然徒有營田之實何補於事詔都督府行措置其後頗施行之

詔江東宣撫司統制官趙密巨師古軍並權聽殿前司節制時都督張浚在淮南謀渡淮北向惟倚韓世忠爲用世忠辭以兵少欲摘張俊之將趙密爲助浚以行府檄俊俊拒之謂世忠有見吞之意浚奏乞降旨而俊亦稟於朝趙鼎曰帝曰浚以宰相督諸軍若號令不行何以舉事俊亦不可拒乃責俊當聽行府命不應尙稟於朝後下浚一面專行不必申明慮失機事時議者以爲得體至是浚終以俊不分軍爲患鼎謂浚曰世忠所欲者趙密耳今楊沂中武勇不減於密而所統乃御前軍誰敢覬覦當令沂中助世忠却發密入衛俊尙敢爲辭邪浚曰此上策也浚不能及

詔四川制置大使司禁止采伐禁山林木蜀三面被邊綿互四百里山谿阻限林木障蔽初時封禁甚備前一日太常博士李綱直面對論頃歲以來一切廢弛加以軍興而製器械運糧造船自近及遠斫采殆盡異時障蔽之地乃四通八達帝曰如河東黑松林祖宗時所以嚴禁采伐者正藉此爲阻以屏捍外敵耳異日營繕爲一時游觀之美遂使邊境蕩然更無阻隔折彥質曰皆臣不言之罪

命沿海制置副使馬擴習水軍戰艦時右司諫王綱言舟師實吳越之長技將帥之選旣慎矣而舟船數百多閤水岸士卒逾萬未經訓習欲乞明詔將帥相視舟船損漏者修之士卒疲弱者汰之船不必多取可乘以戰鬪人不必衆取可資以勝敵分部教習周而復始出入風濤如履平地則長技可施威聲遠震折衝千里之外矣從之

定江昭慶軍節度使開府儀同三司江南路東宣撫使張俊加崇信軍節度使進屯盱眙右僕射張浚命依山築城左僕射趙鼎曰德遠誤矣是雖不爲資敵之具然當念勞人也是役也興於盛夏自下運土而上者皆有日課望青采斫數十里間竹木皆盡斷掘新舊冢莫知其數人甚苦之城成無水可守亦無樵采築城之際僞齊遣三百騎於泗州境上臨淮仁觀久之而去

顯謨閣待制新知鄂州王庶知荆南府兼荆湖北路經略安撫使荆南屢爲盜殘庶與士卒披荆棘致財用治城隍繕府庫廩舍畢修陶瓦爲民室廬闢市區如承平時流庸四集喜曰公可恃我其安於此矣庶曰府庫未充也乃下令有欲吾田者肆耕其中吾不汝賦有能持吾錢出而得息者視其息與去之日多少授其職有差武吏爭出應令未幾還輸其息府庫大充得以養兵遂成軍隱然爲雄藩

遣內侍往淮南撫問右僕射張浚仍賜銀合茶藥以浚將渡江巡按故也浚以爲東南形勢莫重建康實爲中興根本且使人主居此則北望中原常懷憤惕不敢自暇自逸而臨安僻居一隅內則易生安肆外則不足以召遠近繫中原之心遂奏請聖駕以秋冬臨建康撫三軍而圖恢復浚又渡江撫淮上諸屯屬方盛夏浚不憚勞人皆感悅時防秋不遠浚以方略諭諸帥大抵先圖自守以致其師而後乘機擊之遂命淮西宣撫使劉光世自當塗進屯廬州與韓世忠張俊鼎立又遣權主管殿前司公事楊沂中進屯泗州軍聲大振

臨安今杭州府錢唐也

帝發臨安府先詣上天竺寺焚香道過執黃旗報捷乃湖北京西宣撫使岳飛所遣武翼郎李過先是飛遣統

制官王貴郝最董先引兵攻虢州盧氏縣下之獲糧十五萬斛帝謂宰執曰岳飛之捷兵家不無緣飾宜通書細問非吝賞典欲知措置之方爾張浚曰飛措置甚大今已至伊洛則太行一帶山寨必有通謀者自梁青之來彼意甚堅趙鼎曰河京山寨如韋銓雖力屈就金人招而據險自保如鵠亦無如之何羈縻而已一旦王師渡河此輩必爲我用帝曰斯民不忘祖宗之德吾料之必非金人所能有鼎等曰願陛下修德孜孜經營常如今日也

上天竺寺在杭州西湖靈隱山

僞齊故相張孝純遣其客薛筇間道走行在上書言利害先是劉麟書養俠士劍挺等二十餘人待以殊禮孝純自嘗得其陰謀又言金人於沿海州縣置通貨場以市金漆皮革羽毛之可爲戎器者以厚直償之所積甚衆孝純冒於豫曰閩南人治舟久矣巨壑乘風北濟而所在岸口視之恬然僞利於吾彼甯不爲之禁豫大懼遽罷通貨場又請分兵守京西諸州斷貝勒之糧道搆劉豫之巢穴則淮南關陝之兵不攻自解又言山東長吏皆本朝舊人日望王師之來爭爲內應以贖前罪惟李鄴有異志不復心懷本朝孝純書與鄴論及朝廷鄴曰死無所憚但恐如陸漸之禍惡名終不可免故孝純及之豫聞帝將親征遣人告急於金主求兵爲援且乞先使江上金主使諸將相讓之領三省事宋國王宗磐言曰先帝所以立豫者欲豫關疆保境我得安民愚兵也今豫進不能取又不能守兵連禍結愈無休息從之則豫受其利敗則我受其弊況前年因豫乞兵嘗不利於江上矣奈何許之金主乃聽豫自行遣右副元帥潘王宗弼提兵黎陽以觀豫於是豫以其子僞尙書左丞

相梁國公麟領東南道行臺尚書令改封淮西王又以主管殿前司公事兼開封尹許清臣權諸路兵馬大總
管尚書右丞李勣爲行臺右丞麟領軍事戶部侍郎馮長甯爲行臺戶部侍郎兼行軍參議又以故叛將李成
孔彥舟調師古爲將兼鄉兵三十萬號七十萬分三路入寇中路由壽春犯合肥麟統之東路由紫金山出渦
口犯定遠縣以趨宣徽煙峴統之西路由光州犯大安彥舟統之僞詔榜示指斥鑾輿尤甚於五年淮泗之役
麟報麟挾金兵來侵主管殿前司公事楊沂中在淮壩先以二百騎馳至盱眙觀形勢還奏事留宿內殿三日
條上御寇之策於是分遣諸將以備要害時江東宣撫使張俊軍盱眙沂中軍泗上京東淮東宣撫使置使韓
世忠在楚州湖北宣撫副使岳飛在鄂州聲勢不相及獨淮西宣撫使劉光世在當塗光世遣輕騎據廬而沿
江一帶皆無軍馬左僕射趙鼎甚憂之浚乞先往江上視師至是發行在紫金山在壽州東
渦口在懷遠縣

翰林學士朱震言按大理國本唐南詔大中咸通間入成都犯巂管召兵東方天下騷動玆祖皇帝鑒唐之禍
乃棄越巂諸郡以大渡河爲界欲寇不能欲臣不得最得禦戎之上策今國家南市戰馬通道遠夷其王和譽
遣清平官入獻方物陛下詔還其直卻馴象賜勅許卽桂林遣之是亦玆祖之意也然臣有私憂不可不爲陛
下言之今日干戈未息戰馬爲急桂林招買勢不可輟然而所慮者蠻人熟知險易商賈奔竄爲姦密我之
利害伺我之虛實安知無大中咸通之事願密諭廣西帥臣凡市馬之所皆用謹慎可任之士勿任輕信生事
之人務使驍蹙而已異時西北路通漸減廣馬庶幾消患未然詔卽與廣西帥臣市馬在南甯府橫山營卽
管也其馬皆從雲南來大理

也國

吏部侍郎都督府參議軍事呂祉還行府供職先是劉麟等令鄉兵僞爲金人服於河南諸處千百爲羣人皆疑之以金僞合兵而至淮西宣撫使劉光世奏禦賊事宜謂廬州難守且密于左僕射趙鼎欲還太平州又江東宣撫使張俊方駐軍泗州都督張浚奏敵方疲於奔命決不能悉大衆復來此必皆豫兵而邊報不一俊光世皆請益兵衆情恟懼議欲移盱眙之屯退合肥之戍召岳飛盡以兵東下浚獨以爲不然乃以書戒俊及光世曰賊衆之兵以逆犯順若不剿除何以立國平日亦安用養兵爲今日之事有進擊無退保而鼎及張書樞密院事折彥質皆移書抵浚欲飛軍速下且擬條書項目請帝親書付浚大略欲令張俊楊沂中合兵掃蕩然後退師還兩爲保江之計必不守前議於是江東宣撫使韓世忠統兵過淮遇敵騎與阿里雅貝勒等力戰既而亦還楚州或請帝回臨安且追諸將守江防海浚奏若謂將渡江則無淮南而江之險與敵共淮南之屯正所以屏蔽大江使賊得淮南因糧就運以爲家計江南豈可保乎今淮西之寇正當合兵掩擊況士氣甚振可保必勝若一有退意則大事去矣又岳飛一勳則襄漢有警復何所制願朝廷勿專制於中使諸將不敢觀望帝乃手書報浚近以邊防所疑事咨卿今覽所奏甚明俾朕釋然無憂非卿職高慮遠出人意外何以臻此社亦言士氣奮振賊鋒可挫機前力爭至於再四彥質密奏吳時鵬國雖新罷錯以謝天下亦將何及帝不聽乃命祉馳往光世軍中督師時劉錡將東路兵至淮東阻世忠承楚之兵不敢進復還順昌麟乃從淮西繫三浮

橋而渡於是賊衆十萬已次於濠壽之間江東宣撫使張俊拒之卽詔併以淮西屬俊主管殿前司楊沂中爲
渡統制官渡沂中至泗州與俊合且使謂之曰上待統制厚宜及時立大功取節鉞或有差跌沒不敢私諸
將皆聽命楊沂中至濠州會劉光世已舍廬州而退沒甚怪之卽星馳至采石遣人喻光世之衆曰若有一人
渡江卽斬以徇且誓光世復還廬州右司諫王縉亦言主帥有慢令不赴期會者請奮周世宗我太祖之英斷
以勵其餘帝親筆付沂中若不進兵當行軍法光世不得已乃駐兵與沂中相應遣統制官王德鄴環將精卒
自安豐出謝步過賊將崔舉於霍邱邱賢澤于正陽王遇於前羊寺皆敗之是日賊攻壽府寄治芍陂水寨
守臣閻門祇候孫暉夜刦其寨又敗之初光世言糧乏詔轉運使向子諲濟其軍子諲晝夜併行至廬州而光
世兵已出東門子諲直入見光世具其綱船至岸次光世乃止趙鼎進呈劉光世所奏事宜帝曰光世之意似
欲退保采石鼎曰據諸處探報殊無金人如此則自當鏖擊若官軍與豫賊戰而不能勝或更退撓則他時何
以立國但光世分兵隨處禦捍已見失策今賊兵旣已渡淮唯當亟遣張俊合光世之軍盡掃淮南之寇然後
議去留茲爲得計萬一使賊得志於光世則大事去矣帝顧鼎曰卿此策頗合朕意楊沂中至藕塘與劉猷遇
賊據山險列陳外嚮矢下如雨沂中曰吾兵少情見則力屈擊之不可不急乃遣催鋒軍統制吳錫以勁騎五
千夾其軍賊兵亂沂中縱大軍乘之自將精騎繞出其後短兵方接卽大呼曰破賊矣賊方愕視會江東宣撫
司前軍統制張宗顏等自泗州南來率兵俱進賊衆大敗猷以首抵謀主李譔曰適見一將將軍銳不可當果

楊殿前也卽以數騎遁去餘兵猶萬計皆僵立駭顧沂中躍馬前叱之曰爾曹皆趙氏民何不速降皆怖伏請
命南軍獲李諤與其大將李亨等數十人麟在順昌聞猊敗拔寨遁去光世遣王德擊之先是帝賜德親劄諭
令竭力協濟事功以副平日眷待之意德奉詔與沂中追麟至南壽春還是役也通兩路所得賊舟數百艘車
數千兩器甲金帛錢米僞交鈔詔敕軍需之物不可勝計於時孔彥舟圖光州守臣敦武郎王莘拒之彥舟聞
猊敗亦引去北方大恐

安豐軍今壽州正陽關在州西六十里謝步疑在鳳臺北淮水津渡趙步之間前羊寺未詳疑與霍邱東南羊石城相近竊墟在定遠東順昌今順州府南壽春卽今壽州五代中曾移治下蔡故稱故治爲南下蔡卽鳳臺也

帝還平江張浚隨班入見帝曰却敵之功盡出右相之力於是趙鼎惶懼復乞去浚入見之次日具奏曰獲聞
聖訓惟是車駕進止一事利害至大天下之事不倡則不起不爲則不成今四海之心孰不想繼王室金瓯相
結荷之以威雖有智勇無所展竭三歲之間賴陛下一再進撫士氣從之而稍振民心因之而稍回正當示之
以形勢庶幾乎激忠起懦而三四大帥者亦不敢懷偷安苟且之心夫天下者陛下之天下也陛下不自致力
以爲之先則被堅執銳履危犯險者皆有解體之意今日之事存亡安危所自以分六飛倘還則有識解體內
外離心日復一日終以削弱異日復欲巡幸詔書誰爲深信而不疑者何則彼已知朝廷以爲避地之計實無
意圖回天下故也論者不過曰萬一有警難於避避夫將士用命扼淮而戰破敵有餘苟人有離心則何地容
足又不過曰當秋而戰及春而還此但可以紓一時之急年年爲之人皆習熟離立國矣又不過曰賊占上流

順丹可下今襄漢非彼有丹何自來使賊有餘力水路備進陸下深慮臨安亦能安乎漫因獨對乞乘勝取河南地擒劉豫父子又言劉光世驕惰不戰不可爲大將請罷之帝問潘興嗣潘曰未也漫見其故曰不可豫机上肉耳然豫倚金人爲重不知擒滅劉豫得河南地可遂使金不內侵乎光世將家子士卒多出其門下若無故罷之恐人心不可浚不悅時復言驕弱不敵宜且自守未可以進由是與折彥質俱罷去

賜劉光世岳飛詔曰國家以叛逆不道狂狡亂常遂至行師本非得已並用威懷之略不專誅伐之圖蓋念中原之民皆吾赤子迫於暴虐之故來犯王師自非交鋒何忍誅戮庶幾廣列聖好生之德開皇天悔禍之衷卿其明體朕懷深戒將士務懷遠馭不專尚威凡有俘擒悉加存撫將使載而之獨益堅思漢之心蚤致中興是爲偉績毋致貪殺負朕訓言樞密院奏光世之將馬欽飛之將寇成等捕獲各五百人並斬訖故有是詔

崇信率甯軍節度使開府儀同三司江南東路宣撫使張俊加少保鎮洮崇信率甯軍節度使仍稱宣撫使龍神衛四廂都指揮使密州觀察使權主管殿前司公事楊沂中爲保成軍節度使殿前都虞候主管殿前司公事先是右司諫陳公輔言前日賊犯淮西諸將用命捷音屢上邊土稍甯蓋劇社之靈陛下威德所至然行賞當不踰時廟堂必有定議臣聞徽梁之急遣楊沂中往援遂破賊兵此功固不可掩劉光世不守廬州而據梁戍兵輒便抽回如渦口要地更無人防守若非沂中兵至淮西焉可保哉光世豈得無罪此昭然無可疑者又沂中之勝以吳錫先登光世追賊王德尤爲有力是二人當有崇獎以爲諸軍之勸若韓世忠屯淮東賊不

敢犯岳飛進破商虢擄賊腹脅二人雖無淮西之功宜特優寵使有功見知則終能爲陛下建中興之業朝廷以浚沂中功尤著遂優賞之沂中時年三十五歲

(十二月)戊申詔曰朕惟養兵之費皆取於民吾民甚苦而吏莫之恤費緣軍須措斂無益朕甚憐之監司郡守朕所委寄以惠養元元者也今慢不加省復何賴焉其各任乃職察吏之侵漁納賄者劾按以聞已戒敕三省官間遣僧使周行諸路苟庇覆弗治流毒百姓朕不汝貸自今軍事所須並令州縣揭榜曉諭餘依紹興元年五月二十四日詔旨施行無或違戾

(七年)韓世忠奏已還軍楚州帝因諭淮陽取之不難但未易守張守曰必淮陽未可進故世忠退師張浚曰昔西伯戡黎祖伊恐奔告於受以要害之地不可失也淮陽今劉豫要害之地故守之必堅帝曰取天下須論形勢若先據形勢則餘不勞力而自定矣正如弈棋布置大勢既當自有必勝之理

起復檢校少保武勝定國軍節度使湖北東西宣撫副使岳飛爲太尉賞商虢之功也翼日陞宣撫使飛威名日著淮西宣撫使張俊益忌之參謀官薛勸每勸飛調護而幕中之輕者復教飛勿苦降意於是飛與俊隙始深矣

淮西宣撫使劉光世乞在外宮觀先是議者謂光世昨退保當塗幾誤大事後雖有功可以贖過不宜仍握兵柄又言其軍律不整士卒恣橫張浚自淮上歸亦言光世沈酣酒色不恤國事語以恢復意氣拂然請賜罷斥

以徵將帥然之光世聞之乃引疾乞祠帝曰光世頃嘗驍銳但主將不勦月費錢米不贊皆出民之膏血而
訓練使之赴功甚可惜也大抵將帥不可驕情若日沈迷於酒色之中何以率三軍之士後三日親筆答
書曰卿忠貞神明功存社稷朕方倚賴以濟多艱俟至建康召卿奏事其餘曲折并俟面言時上賜諸將詔
往往徒命漫擬進未嘗易一字

時中原遺民有自汴京來者言劉豫自猊麟敗後意沮氣喪其黨與攜挾金人請豫必不能立國而民心日望
王師之來朝廷因是遂謀北伐岳飛謂豫不足平要當以十萬衆橫截金境使敵不能援勢孤自敗則中原可
復張浚不以爲然會劉光世乞率祠飛乃見帝請由商虢取關陝欲併統淮右之兵帝問何時可畢飛言期以
一年帝曰朕駐蹕於此以淮甸爲屏蔽若賴淮甸之兵便能平定中原朕亦何惜第恐中原未復而淮甸失守
則朝廷未得莫枕而臥也

大尉副北京西宣撫使岳飛乞解官持餘服張浚嘗與飛論淮西事浚曰王德淮西軍所服今欲以爲都統制
而命呂祉爲府參議領之何如飛曰德與璣素不相下一旦擢之在上勢所必爭呂尙書雖通才然養生不
習軍事恐不足以服之浚曰張宣撫何如飛曰暴而寡謀且璣素所不服浚曰然則楊沂中耳飛曰沂中視德
等耳豈能服之浚然曰固知非太尉不可飛曰都督以正問飛飛不敢不盡其愚豈以得兵爲念哉即日乞
解兵柄歸廬帝不許先是左司諫陳公輔請對上因語及岳飛所奏公輔退上書言昨親奉聖語親及岳飛

前事采諸人言皆謂飛忠義可用然飛本羅人凡事終少委曲臣度其心往往謂大將或以兵爲樂坐延歲月
我必勝之又以劉豫不足平要當以十萬衆橫截金境使金不能援勢孤自敗則中原必得此亦是一說陛下
且常示以不疑與之反復詰難俟其無辭然後令之曰朝廷但欲先取河南今淮東淮西已有措置而京西一
兩路急顧卿飛豈敢拒命前此朝綱不振諸將皆有易心如劉光世雖罷而更寵以少師坐享富貴諸將皆謂
朝廷賞罰不明臣乞俟張浚自淮西歸若見得光世怯懦不法當明著其罪使天下知之亦可以警諸將也

帝吳玠臣論淮西事因曰兵無不可用在主將得人耳趙奢用趙兵大破秦軍而趙括將之則大敗樂毅用燕
兵破齊而騎劫代之則爲田單所敗豈不在主將得人乎秦檜曰陛下論兵可謂得其要矣初劉光世之罷也
以其兵歸都督府而檜與知樞密院事沈與求意以握兵爲督府之嫌乞置武帥臺諫觀望繼亦有請乃以相
州知府使行營左護軍前軍統制王德爲都統制德光世愛將故就用之

廣西出格馬帝曰此幾似代北所生廣西亦有此馬則馬之良者不必西北可知帝因論春秋列國不相通
所用之馬皆取於國中而已中丞巫臣使吳與其射御教吳乘車則是吳亦自有馬今必於產馬之地求之則
馬政又修故也

右司諫陳公輔入對面奏興復之策因言衆論謂南兵不可用帝慨然曰赤壁之役曹操敗於周瑜淝水之戰
苻堅敗於謝元北人豈常勝哉越王勾踐卒敗吳王兵備諸國亦豈北方士馬邪

吳郡尚書兼都督府參謀軍事呂祉往淮西撫慰諸軍祉初在建康每有平敵之志張浚大喜之浚以劉光世
持不戰之論欲罷之知政事張守以爲不可浚不從守曰必欲改圖須得有紀律聞望素高能服諸兵官之
心者一人乃可浚曰正爲有其人故欲易之也時祉亦自謂若專總一軍當生擒劉豫父子然後盡復故疆及
光世罷乃命祉先往淮西直趨開禧至聞之遺浚書曰呂尚書之賢固一時選然於此軍恩威曲折明翼成就
恐不得比前人然此軍今已付王德德雖有功而與屬望故等夷恐其下有不能平者願更擇偏裨素爲軍
中所親附者使爲德副以通下情會祉還朝而環與其下八人列狀訟德於都督府且乞回避都督府謂德爲
直寢不行環等又訟於御史臺德亦言環之過乃詔德還建康以所部一軍隸都督府復命祉往廬州節制之
祉將行賜以鞍馬厚帶象笏撫諭甚寵皆非從官故事中書舍人張覿見浚言祉書生不更軍旅何得輕付浚
不從祉又辟都督府準備差遣陳克自隨資政殿學士葉夢得與克厚謂之曰呂安老非馭將之才子高詩人
非國士也淮西諸軍方且有紛紛之論是行也危矣哉亦弗聽祉克皆留其家以單騎從軍安老祉字子高克
字也

尚書戶部員外郎張鑑轉一官用權湖北京西宣撫判官張宗元奏也鑑在鄂州應副岳飛軍錢糧宗元言其
奉公守正故特遷鑑先是飛數言軍中糧乏乃命鑑按視至是鑑言飛軍中每歲統制統領將官使臣三百五
十餘員多請過錢十四萬餘緡軍兵八千餘人多請過一千三百餘緡總計一十五萬餘緡於是右正言李誼

曹鼐職在出納理當究心然慮檢點苛細若行改正卻合支券錢六萬餘貫才省九萬緡而已望令依舊勘支務存大體以副陛下優恤將士之意

鄧瓊叛執兵部尚書呂祉祉聞倂自處將士之情不達淮西轉運判官韓璉在劉光世幕中光世待之不以禮至是諸校或以罪去祉聞瓊等反側奏乞殿前司摧鋒軍統制吳錫一軍屯廬州以備緩急又遣璉詣建康趣之瓊頗有異志統制官康淵曰朝廷素輕武臣多受屈辱聞齊皇帝折節下士士皆爲之用衆皆不應相視以目先是統制官王師晟於壽春挾營妓去其家訟於祉時將士方不安祉之政師晟乃與瓊及統領官王世忠等全募謀作亂祉之乞罷瓊與靳賽也其書吏朱照漏語於瓊瓊令人遞祉所遺置郵蟲得祉所言軍官之罪瓊等大怒會被旨量分屯淵乃曰歸事中原則安矣諸朝諸將將晨謁祉坐定瓊袖出文冊示中軍統制官張景曰諸兵官有何罪張統制乃以如許事聞之朝廷邪祉見之大驚欲走不及爲瓊所執有黃衣卒者以刀斫瓊中背瓊大呼曰何敢爾顧見有執鐵槌者瓊取以擊卒斃於階下瓊親校已殺景於廳事又殺都督府同提舉一行事務番仲福及其子武略大夫嗣古統制官劉永衡遂執閤門祇候劉光時率全軍長驅以行至州東樓下祉謂瓊曰若祉有過失當任其咎奈何如此頃朝廷軍士縱掠城中而去時直徽猷閣前知廬州趙康直祕閣修撰知廬州趙不羣皆爲所執既而釋不羣歸蓋不羣至官未旬日無怨憾於軍中故也瓊遂以所部四萬人渡淮降劉豫湖北京西宣撫使岳飛嘗伏觀陛下移輝建康將遂恢復國之計近忽傳淮西軍馬潰

叛國環導追衛軍民事出倉卒實非士衆本心亦聞半道逃歸人數不少於國計未有所損不足上軫淵衷然度今日事勢恐未能便有舉動襄陽上流卽日未有戎馬侵攻臣願提全軍進屯淮甸萬一番僥窺伺臣當竭力奮擊期於破滅詔獎之趙鼎至行在帝召對於內殿首論淮西事鼎曰方得報時臣在遠不得效所見少補萬分今固無及然臣愚慮不在淮西恐諸將浸譖謂因難劉光世不當送有斯變自此驕縱益難號令朝廷不可自沮爲人所窺帝以爲然

開州副總使權主管侍衛馬軍司公事兼淮西制置使劉錡知淮西宣撫使主管淮南西路安撫司公事仍兼制置副使張俊既還行在朝議復遣之俊欲毋往喜謙交章以爲淮西無備可憂趙鼎獨願言於衆曰今行朝擇精兵十餘萬使敵騎直臨江岸吾無所懼惟是安靜不動使人間測渠未必輒敢窺伺何至自擾擾如此倘有他虞吾當身任其責俊軍久在泗上勞役良苦還未闕月居處種種未定乃遽使之復出不保其無潰亂也於是議者卽欲還臨安起居舍人勾漣直前奏事言今江淮列戍猶十餘萬若委任得人尙可用力當此危疑詎宜輕退示弱以生敵心因薦錡以所部守合肥帝從之時主管殿前司公事淮西制置使楊沂中亦已還行在在淮西者錡一軍而已帝以馬步二帥並闕乃命沂中兼之

特遣提舉江州太平觀張浚實授秘書少監分司南京永州居住先是帝謂趙鼎曰浚悞朕極多理宜遣還鼎曰浚母老且有勳王大功帝曰勳王固已賞之爲相也功過自不相掩鼎又曰浚之罪不過失策耳凡人計謀

欲施之際豈不思慮亦安能保其萬全儻因其一失便置之死地後雖有奇謀妙算誰敢獻之此事利害自關朝廷非獨私淺也帝意解疑日乃有是命

權管殿前司公事楊沂中請以諸路所起禁軍弓弩手揀刺上四軍趙鼎等因論及南兵可教張守曰止是格尺不及耳帝曰人猶馬也人之有力馬之能行皆不在軀幹之大小故兵無南北顧所以用之如何耳自春秋之時中公巫臣通吳於上國遂霸諸侯項羽以江東子弟八千橫行天下以至周瑜之敗曹操謝元之破苻堅皆南兵也

趙鼎奏張俊措置河道事帝曰俊每事必親臨所以有濟帝因言朕每論將帥須責其挽弓騎馬人未知朕意必謂古有文能附衆武能威敵不在弓馬之間抑不知不能弓馬何以親臨行陳而率三軍使之赴難況今時雖將帥宜先士卒此朕之深意也時俊以全軍進行在帝欲令俊盡以舟師分布控扼然後引兵渡江鼎曰淮西寂然無驚似不必爾外間便謂朝廷棄淮西矣當一向勿問不發一兵彼未必敢動帝以爲然

樞密院進呈先得旨令京東宣撫處置使韓世忠移司鎮江府留兵以守楚州秦檜奏曰諸軍老小既處置得宜萬一警急諸帥當盡力捍衛時已命張俊岳飛皆留屯江內故檜奏及之世忠上奏極論敵情叵測其將以計緩我師乞獨留此軍蔽遮江淮與敵人決於一戰帝賜札曰朕迫於疆敵越在海隅每慨然有恢復中原之志顧以頻年事力未振姑鬱居於此前日恐有未便委卿相度今得所奏益見忠誠雖古名將何以過使朕

懷然興歎以謂有臣如此禍難不足平也古人有言聞外之事將軍制之今既營屯安便控制得宜卿當施置自便勿復拘執至於軍餉等事已令三省施行

是冬川陝宣撫副使吳玠遣裨將馬希仲攻熙州希仲素哀庸得檄即氣索不得已進營熙州城外數十里熙州父老聞官軍來有欲率衆歸附者金將宣旨曰北軍今日大至當共劫營希仲聞之昏時拔寨遁去希仲追玠斬之以徇

(八年)尙書兵部侍郎兼直學士院兼侍講胡世將爲樞密直學士四川安撫制置使兼知成都府帝問席益已去因問刑部尙書胡交修孰可守蜀者交修曰臣從子世將可用遂有是除時趙鼎亦不欲世將居中故也自重兵如關外以守蜀而餉道險阻漕舟出嘉陵江春夏漲而多覆秋冬涸而多膠紹興初始行陸運調成都潼川利州三路夫十二萬縣官部送激賞爭先倍道而馳晝夜不怠十斃三四至是交修言養兵所以保蜀也民不堪命則腹心先潰尙何保蜀之云臣愚欲三月已後九月以前第存守關正兵餘悉就糧他州如此則給守關者水運有餘分戍者陸運可免帝乃命學士院述交修意詔宣撫副使景環行之

利州今廣元縣

尙書兵部侍郎王庶試兵部尙書庶自荆南入對奏曰今年而恢復之功未立臣請言其失蓋在偏聽在欲速在輕爵賞是非邪正混淆誠能有功則賞有罪則罰其誰不服苟委其權令於大臣而非其人則未有不身受其欺而國罹其禍者昔漢光武以兵取天下不以不急奪其費不知兵者不可使輕言兵他日又見口陳手

畫奏獨利害帝大喜之即日遷尙書

左正言李誼言金人入居汴都西北之民感恩戴德萬福負而歸相屬於路此殆天所以興吾宋也臣願於淮南荆襄鑄建西北諸州郡分處歸正之民給以閑田貸以牛具使各遂其耕種之業而又親戚故舊同爲一所相愛相恤不異於閭里將見中原之人同心效順敵人之謀當不攻而自屈矣詔諸路宣撫司依累得旨措置命樞密副使王庶暫往沿江及淮南等處措置邊防詔曰朕臨遣樞臣協濟軍務按行營壘周視山川乘斯閒暇之時經營久長之利凡爾見司羣帥郡縣之官各盡乃心以康庶事儻或弛慢失職已令王庶密具以聞先是御史中丞常同言今去淮益遠邊民多不自安宜遣重臣出按兩淮荒田縱民耕之勿收租稅數年之後百姓足而國用足矣至是帝命庶行視東關且調諸路兵預爲防秋計并以同奏付庶行之時保成軍節度使嚴前都虞候楊沂中怒其統制吳錫收繫之獄戶部侍郎向子諲力言於庶謂錫可用庶奏釋之使統兵屯淮西王庶辭帝戒以張浚待諸將多用術數且狎昵自取輕侮呂祉以傲肆自大取敗皆可爲戒自鄺瓌叛張浚擅聚肝胎而歸諸將稍肆庶素有威嚴嚴發勞師於都教場軍容嚴整庶便服坐壇上自楊沂中而下悉以戎服步由轅門庭趨受命拜賜而出莫敢仰視

援仲官范同言金使已至常州帝愀然曰太后春秋已高朕朝夕思念欲早相見故不憚屈己以冀和議之成然有備無患縱使和議已成亦不可弛兵備參知政事劉大忠曰和與戰守自不相妨若專事和而忘戰守則

噶敵計中耳樞密副使王庶時在合肥上疏曰臣聞無故請和者謀也究觀金國侵軼已逾一紀前此乘戰勝之勢以至江淮而我未嘗有一日之捷逮至紹興甲寅冬蕃部深入駐兵淮南陛下親征至使奔逸而去又丙辰冬敵人傾國南侵陛下再統六師至於江淮之間皇威大振蕃部皆有所卻於是遣使告我以徽宗皇帝願肅皇后冊音彼若果敦隣好則所報冊音不應在累年之後必因長驅而往故以此謀沮師陛下天資聖孝哀毀之中卽遣使往以求梓宮往返之間一年半矣尙未聞梓宮之至固已落彼之計又聞去年金國以欺詐廢豫僊庭用事之人奔散四走莫能自保百姓上下日望我兵之至諸帥之在中都者如厝積薪之上而火未燃勢之傾危未有易於此者若我一搖足則中原非彼所有所以陰謀秘計不得不遣使也從違之間可不深思而熟計之臣中夜以思使人之來其甘言囑我不過出於二策一則以淮爲界一則以河爲界以淮爲界乃我今日所有之地而淮之外亦有見今州縣所治如泗州濉水軍是也旣爲我有安用以和爲請若以河爲界則東西四千里兵火之餘白骨未斂幾無人迹彼若誠實與我旣得其故地非若僞豫之不恤尙當十年無征役以蘇其凋瘵財賦旣無所從出所資歲賂無慮數百萬若欲重斂諸路困弊已極安可取以充溪壑之欲利害瞭然而不先爲之慮則三十萬兵宿於無用之地假以歲月是彼不必征伐而我數年之間終於自斃彼之爲計可謂蠱惑而我之爲國未有若斯之疎也臣願陛下先與在廷之臣立爲一定之論若以淮爲界其所請之賂必少以河爲界其所請之賂必多或多或少未繫國之利害以凋弊之極爲言彼若以生靈爲念當告之以

河南之地僞豫暴斂之甚必使之蘇息然後可漸責稅賦其歲賂須五年之後方能津遣若或見從則彼之和議方見誠實如或不然則彼以計困我既使我不敢用兵而又於困窮之際重取歲賂是彼無所施爲而坐收成功其爲謀深矣疏入不報庶將邇朝未至復上疏言宴安耽湎古人戒之國家不靖疆場患生敵人變詐百出自渝海上之盟至於今日其欺我者何所不至陛下所自知也豈待臣言夫商之高宗三年不言其在諒闇言猶不出其可以見外國之使乎先帝北征而不復天地鬼神爲之憤怒能言之類孰不痛心陛下抱負無窮之悲將見不共戴天之讐其將何以爲心又何以爲容亦何以爲說願陛下以宗社之重宜自兢畏思高宗不言之意無見異域之臣止令趙鼎而下熟與計事足以彰陛下孝思之誠而與國體爲宜又言金使入境經過州郡傲慢自尊略無平旦禮數接伴使欲一見而不可得官司供帳至行造金醺輒侮肆志略無忌憚臣聞自古謀人之國者必有一定之論越之取吳在驕其志而已秦之取六國在散其從而已其間雖或出或入而一定之論未嘗易也金人所以謀人之國者曰和而已觀其旣以是謀契丹又以是謀中國方突騎赴闕初以和議爲辭蓋大兵國城又以和議爲辭二聖播遷中原板蕩十餘年間衣冠之俗蹂躪幾徧血人於牙吞噬靡厭而和議未之或廢也今王倫迎奉梓宮爾而受金人和議以歸且與其使俱來此其可信不可信乎劉豫雖然僞竊正名號者七八年一旦見逐金人虜中原百姓或有反側陝西叛將或生願望吾一日出師必有應者以此證爲講和之說仍遣使爲所以款我昭然無疑矣臣蒙陛下親擢備位本兵國之大事不敢隱默故重爲陛

下陳其三策上策莫如拘其使者彼怒必加兵我則應之所謂善戰者致人而不致於人是也金之疆大自居一旦或拘其使出其意表氣先奪矣其敗可立而待其次願陛下念不共戴天之讐歷謝使人勿與相見一切便指令對大臣商議然後徐觀所向隨事酬應最其次姑示怯弱待以厚禮俟其出界精兵蹙之所謂掩其不備破之必矣臣頃與邊將大臣議論皆云若失今日機會他日勞師費財決無補於事功至有云今年不用兵乞納節致仕者此則人情思營皆願爲陛下下一戰望陛下英斷而力行之

起復武信軍承宣使行營中護軍統制軍馬張宗顏知廬州主管淮南西路安撫司公事右武大夫開州團練使知廬州兼淮西制置副使劉錡以所部屯鎮江府初王庶自淮上歸命宗顏以所部七千人屯廬州命中護軍統制官巨師古以三千人屯太平州又分京東淮東宣撫處置使韓世忠二軍屯天長及泗州使緩急互爲聲援徙錡屯鎮江爲江左根本時朝廷以諸將權重欲撫循偏裨以分其勢張俊覺之謂行府錢糧官右通直郎新監行在權貨務劉時曰君爲我言於子尙易置偏裨似未宜遽先處已可也不知身在朝廷之上能幾日庶聞之曰爲我言於張十不論安與未安但一日行一日事耳俊不悅

詔徽猷閣直學士提舉直學士王倫假端明殿學士爲奉迎梓宮使大理寺丞陳括爲尙書金部員外郎假徽猷閣待制副之殿中侍御史張戒復上疏請外則姑示通和之名內則不忘決戰之意而實則嚴兵據險以守又曰自古能守而能和者有矣未有不能戰不能守而能和者也使眞宗無遼國之捷仁宗非慶曆之盛雖有

百曹利用百富綱豈能和哉又曰苟不能戰不能守區區信誓豈足恃也樞密副使王庶留身言臣前日在都堂與趙鼎等同見金使再詢訪得烏凌阿思謀在宣政間嘗來東京金人任以腹心二聖北狩盡出此人今日天其或者遣使送死雖驀驀之不足以快陛下無窮之冤今陛下反加禮意大臣溫顏承順臣於是日心酸氣噎如醉如癡口未嘗交一談目未嘗少覩其面君辱臣死臣之不死豈有所愛惜也臣又竊聽其說詭譎語無一可信問其來則曰王倫懸之論其事則曰地不可求且金人不遣使已數年矣王倫何者能邀其來乎地不可求我與汝若無金主之意思謀敢擅出此語乎臣曉夜尋繹此語彼必以用兵之久人馬消耗又老師害將死亡略盡敵人互有觀望故設此策以休我兵俟稍平定必尋干戈今欲苟且目前以從其請後來禍患有不可勝言者設如金人未有動作損陛下威武離天下人心盡耗財賦怠惰兵將歲月易失凶惡不常所壞者國家之事力所發者陛下之宗祏臣下無所不可今走道路號奉使者朝在泥塗暮陞侍從居廟堂任經綸者竊弄威柄專任私昵豈止可爲流涕慟哭而已哉臣忠憤所激肆口所言冒瀆天聽請賜誅責臣不勝願幸

詔殿前司選鋒軍統制吳錫選行在令本司別遣一軍往廬州權聽帥臣張宗顏節制先是宗顏請令錫更戍帝曰錫有膽勇心計然不可獨用可趣歸令楊沂中別遣軍代之趙鼎曰沂中已嘗有此請矣鼎等退而語咸願帝知人

近制三衙管軍更日內宿至是殿前都虞候楊沂中已免直惟權馬軍司公事解潛與殿步二司統制官互輪

潛又言今來無事請依東京舊例乃詔潛權免只分輪統制官右諫議大夫李誼引晉唐故事奏言今萬騎時巡宮闕非盛之壯大禁衛非曠之衆多內外之患可備非一而管軍夜居於外是潛等之寢則安爲社稷之慮則未安也宜令沂中與潛依舊輪宿從之尋命帶御器械韓世良權主管侍衛步軍司公事

四川制置使胡世將至遂甯府遂會川陝宣撫副司吳玠於利州時軍閫見玠頗以家財給之玠行至大安軍婦人小兒千百饑餓者擁馬首而噪玠大怒曰吾當先斬勾光祖然後自效以諭汝輩光祖時以直趨關爲利州路轉運副使故也吳時宣撫副使皆文臣而玠起行伍不十年爲大帥故不肯相下及是世將開懷與語玠歡甚語人曰宿見胡公開懷曉事使我憂懣豁然世將行之明日玠乃械諸路漕司吏斬於市先是水運派江千餘里半年始達陸運則率以七十五斛而致一斛世將與玠反復共論玠曉然知利害所在世將又以恩義開諭且使閬州守將孫渥回易米數萬石給之諸路漕臣相繼集利州各有所餉饋軍賴以給乃復前大帥席益轉般搬運之法糧儲稍充公私便之

遂甯今爲縣屬潼川府大安軍今甯先州

〔八月〕戊午詔曰日者復遣使人報聘隣國中問諱日期還梓宮尙虞疆場之臣未諭朝廷之意遂弛邊備以疑衆心忽於遠圖安於無事所以過奔衝爲守備者或至闕略練甲兵訓士卒者因廢講求保國之善後之謀臨敵無決勝之策方秋多警實軫予衷爾嚴飭屬城明告都曲臨事必戒無忘捍禦之方持志愈堅更念久長之計以永無窮之聞以成不拔之基凡爾有官咸體朕意

詔榮州防禦使知閤門事藍公佐接伴大金人使過境餽接伴官右司員外郎范同等到日交割是日京東淮東宣撫處召使韓世忠復言恐金人詔諭之後遣使往來不絕其如禮物以至供餽賜予蠶耗國用財計闕乏贖國不給則經所謂不戰而屈人之兵望宣諭大臣委曲講議貴在得中以全國體樞密副使王庶奏曰臣切詳王倫之歸以爲和好可成故地可復皇族可歸上自一人下逮百執事皆有喜色獨臣愚闇不達事機早夜以思揣本齊末未見其可臣復有強聒之請別無他情止知愛君和之與否臣不復論且以目今金人利害言之講和爲上遣使次之用兵爲下何以言之金人自破大遼及長驅中原幾十三年矣所得土地數倍漢唐所得珠玉子女莫知紀極地廣而無法以經理財鹽而恃勢以相圖又老師宿將死亡殆盡幼主權分有患失之慮此所以講和爲上也金人滅大遼蕩中原信使往來曾無虛日得志兩國專用此道矧自廢豫之後陰謀敗露机樞不安故重報使人以安反側兼可以察我之虛實耗我之資糧離我之心腹急我之兵勢彼何憚而不爲此所以遣使爲便也金人之兵內有牽制外多疑忌所用之人非若昔日之勇銳所簽之軍非若昔日之強悍前出後空或有覆巢之虞率衆深入不無倒戈之慮又淮上虛荒地無所掠大江浩渺未可易渡諸將兵勢不同曩時所以用兵爲下也今彼所行皆上策至爲得計吾方信之不疑墮其術中惟恐不如所欲臣不敢效子胥出不祥之言殺身以立後世之名於國何補惟陛下深思之速斷之無使後之視今亦猶今之視昔天下

張浚在永州上疏言燕雲之舉其監不遠蓋自宣和以來挾詐反覆傾我國家非可結以恩信借令彼中有故
上下分離天屬盡歸河南盡復我必德其厚賜謹守信誓數年之後人心益懈士氣漸消彼或內變既平指瑕
造謠肆無厭之求豈難從之請其將何詞以對顧事理可憂又有甚於此者陛下積意兵政將士漸爭一旦北
面事變聽其號令小大將帥孰不解體陛下欲經理河南而有之臣知其無與赴功而共守者也凡五十疏皆
不報

讀史兵略續編卷之五

益陽胡林翼集

金匱宣懷軍議

（九年）左承事耶陳最習河南之民自金人蹂躪以來習於戰鬪且懲前日之殺戮欲保鄉井全其肉骨如僕險山寨之民其備禦之計可謂詳矣適丁此時因其部分申以府兵之法使自爲守民必樂從

郭仲荀措置仲荀請以近城閑田募弓箭手從之

保平靜難軍節度使開府儀同三司四川宣撫使吳玠薨於仙人關年四十七詔輟朝二日贈少師賜帛千匹玠御下嚴而有恩故士樂爲之死其後制置使胡世將問玠所以勝於其弟右護軍都統制璘曰敵令皓而下必死每戰非累日不決然其弓矢不若中國之勁利吾嘗以長技洞重甲於數百步外又據其行便爭出銳卒與之爲無窮以阻其堅忍之勢至於決機兩陳之間則璘有不能言

玠武軍承宣使知金州兼陝西宣諭使郭浩爲鄜延路經略安撫使兼知延安府同節制陝西諸路軍馬總令以所部之任武康軍承宣使利州路經略安撫使兼知熙州定國軍承宣使熙河蘭鞏路經略安撫使兼右護軍都統制成鳳州楊政爲熙河蘭鞏路經略安撫使兼右護軍都統制節制階岷文龍州吳玠爲秦鳳路經略安撫使兼知秦州仍詔郭浩楊政吳玠並舊駐四川宣撫使節制時陝西新復永興涇原環慶三路僞官張中孚趙彬張中彥爲帥熙河蕃宥叛鄜延關師古入朝秦鳳無帥權炤以便宜命浩等分鎮三路於是炤

欲盡移川口諸軍於陝西璘曰敵反覆難信懼有他變今我移軍陝右蜀口空虛敵若自南山擣蜀要我陝右軍則我不戰自屈矣璘且依山爲屯控守要害遠敵情見力疲繇漸可進據繇是璘政二軍獨屯內地時已命張中孚節制陝西諸路軍馬故浩以副焉

詔金州依舊隸四川宣撫使司虢州隸京西商州隸金州節制自五路初復而商虢復隸陝西至是陝西宣撫使周寧郭浩言五路並在秦州之北萬一盜賊出沒五路便見隔絕豈能南來爲朝廷用商州舊屬川陝自講和之後還隸陝西而武關秦關之險並在其北何以制禦況虢州跨河帶山北臨陝郊最爲要害之地今亦屬陝西非所謂以近致遠也故有是旨

樓炤奏以保安軍寇成知環州帝曰陝西沿邊控制夏國最爲要害當擇久在軍中諳練邊事或本土武人方能保固障塞民得安業可劄付炤令諭諸帥翼日秦檜奏已行下諸帥如上有帝曰堡寨最沿邊急事神宗戒陝西諸帥悉出手批然於器械則稍變古法新法弓稍短不能及遠又放箭拘以法不能中的朕自幼年卽習騎射如拽硬弓視各是一法斗力至石以上箭落不過三五十步如此何以禦敵耶

樞密直學士成都潼川府鹽州利州路安撫制置使知成都府胡世將爲寶文閣學士川陝宣撫副使置司河池諸路並兼節制世將精神明悟閑習吏治其守成都甚有政績至是就用之世將既除宣副諸將皆賀世將語之曰世將不能騎射不知敵情不諳邊事朝廷所以遣來者護國朝之故事以文臣爲制將爾自今以往軍

中事務曾不改吳宣撫之規模世將有所未達請公明以指示或諸公有所未達者亦當奏聞各惟誠心勿相

疑忌共濟國事可也諸將皆拜謝

按以文臣而任專閫者誠率是心以往其莫不濟矣

徑原路經略安撫使張中孚言邊隅無警望許臣入覲闕庭詔俟春暖起發既而秦鳳等路提點刑獄公事宋萬年遣川陝宣撫副使胡世將言昨頒降新復河南詔書張中孚等初不曾拜却將金國詔書宣讀百姓見詔書上有本朝廟諱御名皆不忍聞萬年昨密問吳玠萬一兵復渡河如何措置玠謂中孚等重兵在手爲秦鳳腹心之患內外相應必來搆虛我軍既守家計安能遽出接見以此見中孚等陰藏姦謀所繫非輕世將卽具以聞且言臣昨論奏逐人罪惡以謂朝廷方守信誓不欲遽易帥守然中孚等並已降指揮許令入覲欲望因其自請別與差遣於是中孚等皆改命

太尉東京同留守郭仲荀言所帶在京人馬已至鎮江先是帝召仲荀赴行在仲荀因與劉豫之衆五千七百餘人南歸帝謂秦檜曰仲荀舊人也但取衆非所長姑令駐彼別選人代之檜曰孰可當者帝曰極難其人欲於二三大將統制官中選之檜等言董先牛舉才具帝曰二人誠驍勇然先好貨舉嗜酒未可取衆旣而檜等請以樞密統制官雷仲代將其兵從之

權刑部侍郎陝西宣諭使周聿使還入見聿言陝西旣歸得地數千里得兵十三萬得馬二萬有四寨之固居天下上游可謂強盛然陝西入金十有餘年城池不修器甲不備異時四十萬僅支一隅今纔十三萬而夏人

不敢侵犯者以金人精兵在內故也今日金人盡去土地闊遠雖有要塞其實甚虛欲望陝西凡空閑不耕之地除元業主識認給付外依本朝沿邊制度並招弓箭手土田肥美邊人樂耕不出數年兵政自成盡在關中與唐無異因謀都邑以建本根又言陝西諸路既命楊政帥熙河吳玠帥秦鳳然所屯之衆皆四路忠勇之士吳玠教習已踰十年百戰之餘所向無敵和好既成即可往來舊國舊都不能無念統兵之官皆欲誘致望戒四路帥臣非元所統不得招納

言者論今輿地復歸宿師百萬隸籍諸將非屯田何以營後今荆南興洋汝潁江淮之間沃野千里尙或邱墟是地有遺利諸師所統自農爲兵者不少戰士之外負荷役使之徒不無可用是人有餘力量令諸路宣府帥臣悉意講行從之

〔十年〕初有人張頤從其父行正守官保州留敵不能歸至是聞元帥府主管漢兒文字蔡松年言敵有渝盟意遂與燕人王暉開府劉炎謀夜自新鄉渡河赴行在上疏言敵情利害大略以爲敵主懦將驕兵寡而怯又且離心民怨而困咸有異意鄰國延頸以窺隙臣下側目以觀變寇盜外起親戚內亂加之昔之名王良將如尼瑪哈達驕之徒非被誅則病死故子胥戮則吳滅孔明沒則蜀亡爭戰之際古今不易之理今金人內有羽毛零落之憂外失劉豫藩籬之援譬之有人自截其手足而復剖其心腹欲求生也不亦難乎此乃皇天悔禍警我聖宋復假其手以自相誅戮特以良時付之陛下周宣漢光中興之業也曩者敵未當殄滅之時臣雖卑

歸朝廷亦無補於聖德故臣隱身敵中甘處貧賤十五年者伺今日之隙也又況當時河北人心未安河南廢齊之後人心亦且搖動王師先渡河則弊歸河北而不在中原設若烏珠先侵河南則弊歸中原而不在河北但得先渡河者則得天下之勢誠當日勝負之機在於渡河之先後耳而烏珠已有南侵之意臣恐朝廷或失此時反被敵乘而先之疏奏隨等授初品文資

成都府路安撫使張瑄始至成都初以京洛入潼關已聞金人有敗盟意遽至長安所聞益急擬速行見川陝宣撫副使胡世將爲言和尚原最爲要衝自原以南則入川路若失此原是無蜀也世將曰蜀口舊戍皆精銳最號嚴整自朝有撤戍之後關隘撤備世將雖屢申請未見行下公其爲我籌之瑄遂爲世將草奏具言事勢危急其速徙右護軍之戍陝右者遣屯蜀口又請賜料外錢五百萬緡以備緩急

賜京東淮東宣撫使韓世忠淮西宣撫使張俊燕於臨安府以其來朝故也初諸大將入覲陳兵閱於禁中謂之內教至是統制官呼延通因內教出不遜語中丞王次翁乞斬通以肅軍列因言祖宗著令寸鐵入皇城者皆有常刑今使武夫悍卒披堅執銳於殿廷之下非所以嚴天陛也內教遂罷

詔川陝宣撫使自今或猝急其調發軍馬指置錢糧應干軍事待報不及並許胡世將隨宜措置用世將請也時議報河東北簽軍備糧來戍河中收復河南州郡都元帥宗弼又傳令宋國係和議之國存留橋路往來已調絳蒲解州三萬夫過河修壘隄岸仍差馬軍編欄令同州照驗世將慮其出沒不測卽具以奏且遣兵備之

金主如上京時降將鄺瓊爲金人所用知金將南伐語其同列曰瓊向從大軍南伐每見元帥國王親臨陳督戰矢石交集而王免胄指麾三軍意氣自若用兵制勝皆與孫吳合可謂命世雄才矣至於親冒鋒鏑進不避難將士視之孰敢愛死乎宜其所向無前日闢國千里也江南將帥才能不及中人每當出兵必身居數百里外謂之持重或督召軍旅易置將校僅以一介之士持虛文諭之謂之調發制敵決勝委之偏裨是以智者解體愚者喪師幸一小捷則露布飛馳增加俘級以爲己功敏愆將士縱或親臨亦必遽遁而又國政不綱縱有微功已加厚賞或有大罪乃置而不誅不卽覆亡已爲天幸何能振耶瓊所指元帥謂宗弼也按鄺瓊叛降之徒爲此言以媚金人耳其實當時情勢不盡如瓊言也然其所論爲將帥之道特不可易節取焉可耳

金主詔元帥府復取河南陝西地乃集舉國之兵於祁州元帥府大閱遂分四道並進命緡呼貝勒出山東右副元帥完顏杲入陝右驍騎大將軍知冀州李成入河南而宗弼自將精兵十餘萬人與知東平府孔彥舟知博州鄺瓊前知宿州趙榮抵汴知興仁府李師雄微猷閣待制知淮甯府李正民皆東身歸命自是河南諸郡望風納款矣金右副元帥完顏杲自河中渡河入同州界疾馳二百五十里趨永興軍陝西州縣多蓄時金齊官所至迎降連近震恐四川宣撫副使胡世將在河池知同州張恂遣人告急時右護軍之戍陝西者五萬人始漸至所屯州縣而蜀一帶正兵不過三萬人朝廷所除諸帥皆未至本鎮得報駭愕永興軍路經略使郭浩時在延安本路副都總管權知永興軍郝遠開長安城門納金人長安破關中震動鈐轄傅忠信盧士閔不從

新關以出知陝州吳琦城守以禦金人郝遠遣人持金國檄書至宣撫司請不遇不可聞世將焚檄斬其使

初金人有渝盟意河外聚傑以告河南府兵馬鈐轄李興興告於轉運判官權留守李利用副總管孫暉謂洛陽實衝要重地東接王畿南通巴蜀北控大河可以屏衛畿漢況陵寢所在不可不注意也利用然之令興招集忠義民兵密爲防禦計不數月得萬餘人暉大懼欲殺之會報敵已渡河利用聞之卽棄城遁走李成以鐵騎數千據天津橋與令七騎逆擊之成罔測遂退暉棄城走興轉戰至定鼎門傷重仆於地夜半復甦乃走外邑聚兵敵引兵入城以成知河南府時朝廷以利用有治最除直祕閣以寵之而利用已遁矣龍圖閣直學士知順昌府陳規得報敵騎入東京時新東京副留守劉錡方送客規以報示錡錡曰吾軍有萬八千而輜重居半且遠來力不可支乃見規問曰事急矣城中有糧則能與君共守規曰有米數萬斛錡曰可矣規亦力留錡共守錡又見劉豫時所蓄毒藥猶在足以待敵會其所部選鋒游奕二軍及老幼輜重相去甚遠錡遣騎趨之夜四鼓纔至城下旦得報敵騎入陳距順昌三百里闔城惶惑錡遣兵屬與規議斂兵入城爲捍禦計人心稍定

天津橋在洛陽西南洛水上定鼎門南面中門

四川宣撫副使胡世將自河池遣涇原經略使田晟以兵三千人迎敵始金人之渡河也利路經略使楊政尙在鞏州永興經略使郭浩尙在鄜延環慶經略使范宗尙在金州而主管鄜延經略司公事王彥亦未至其地惟熙河經略使兼宣撫司參謀官孫渥右護軍都統制兼秦鳳經略使吳玠隨世將在河池世將倉皇召諸帥

議出師政晟先至渥進曰河池地平無險阻敵騎已迫鳳翔自大散關疾驅一二日可至帳下頃吳公宜撫偶
聞兵至河池幾爲敵擒其事不達願公去此治兵仙人原原去河池纔五六十里而殺金坪家計寨天險足恃
元戎身處危地而欲號令將帥使用命赴敵渥不識也璘獨抗聲言曰和尚原殺金坪之戰方璘兄弟出萬死
破敵時承宣在何許今出此懦語沮軍可斬也右護軍强半隔限在陝西未易呼集敵來日夜思戰今聞宣撫
舍河池去保山寨失戰士心不可璘請以百口保破敵世將壯之指所坐帳曰世將誓死於此矣官屬韓詔等
進曰渥實失言不宜居幕下遂先遣晟還涇原金人攻鳳翔府之石壁寨吳璘遣統制官姚仲等拒之仲自奮
身督戰殊赫貝勒中傷退屯武功時楊政母病方死亦不顧家徑至河南與璘協力捍敵已而諸軍家屬悉歸
內地人心既定踴躍自奮不復懼敵矣先是金人之別將又圍耀州節制陝西軍馬郭浩遣兵救之敵解去胡
世將命都統制吳璘楊政以書遺金右副元帥完顏杲約日合戰完顏杲遣古延以三千騎直衝南軍都統制
李師顏等以騎擊走之古延入扶風縣城守杲別遣軍策應不能勝而退師顏等攻扶風拔之擒金兵一百
十七人首領三人別遣裨將擊鳳翔西城外敵寨杲怒自戰於百通坊列陳二十餘里統領姚仲等力戰破之
殺獲尤多先是帝聞敵兵渡河以御札賜世將令率屬將士保捍關隘有能建立奇效卓然出衆雖王爵節鉞
亦所不吝又賜吳璘楊政郭浩田晟詔書諭旨仍命世將給付焉

鞏州今鞏昌自和尚原大散關而西南歷鳳
縣徽縣達至河池其南仙人關石壁寨即此

難之石壁寨自道
出在扶風西南

劉錡召諸將計事皆曰吾軍連來未及恩肩敵人邀我歸路其敗必矣莫若守城其徐爲計錡曰錡不赴官留
司今東京既破幸全軍至此有城可守機不可失當同心力以死報國家衆議始定卽鑿舟沈之示無去意通
判府事汪若海方奉府檄至行在錡以奏附若海卽與官屬等登城區處城外有民居數千家恐爲賊巢悉焚
之分命諸統制官許青守東門賀耀守西門鍾彥守南門杜杞守北門且明斥堠及募土人作鄉導間探於是
人皆誓曰早時人欺我八字軍今日當爲國家立功錡親於城上督工設戰具修壁壘時守備全闕錡取僞齊
所作輿車以輪轅埋城上又撤民家扉以代箴籬凡六日粗畢而金人游騎已渡河至城外矣金人圍順昌
府先是劉錡於城下設伏敵游騎至擒其千戶阿克順殺等二人詰之云韓將軍在白龍潭下寨距城三十里
錡夜遣千餘兵擊之頗殺敵衆既而三路都統葛王襄及龍虎大王軍並至城下凡三萬餘人錡以神臂弓及
強弩射之稍引去復以步兵邀擊溺於河甚衆奪其器甲又獲女真漢兒皆謂敵已遣銀牌使馳詣東京告急
於都元帥宗弼矣時錡見陳蔡以西皆望風投拜又有王山者爲宗弼所用嘗知順昌府至是復來城下宗
弼欲再令守順昌錡慮有苟全性命者竄已於外故順昌官吏軍民皆不許登城以己所部兵守之時鄜延路
副總管劉光遠以道梗不能赴武功大夫温州刺史新知石泉軍柳倪爲錡所辟皆在軍中倪適至東門敵射
中其左足倪拔矢反射之敵應聲而倒時金兵圍順昌已四日乃移寨於城東號李村距城二十里錡遣驍將
閻充以銳卒五百募土人前導夜劫其寨至軍中斃帳數重朱漆奚車有一帥遽被甲呼曰留得我卽太平不

臨竟殺之既而報都元帥宗弼親擁兵至先是宗弼在龍德宮得告急之報卽索靴上馬磨其衆出軍頃刻而集過淮甯留一宿治戰具備糧糧自東京往復千二百里不七日而至鎬甸宗弼至近境乃登城會諸將於東門問曰策將安出或謂今已晨捷宜乘此勢具舟全軍而歸鎬曰朝廷養兵十五年正欲爲緩急之用況已挫敵鋒軍威稍振雖多寡不侔然有進無退敵營近三十里而四太子又來援吾軍一動被敵追及老小先亂必至狼狽不惟前功盡廢致敵遂使兩淮震驚江浙則平生報國之志反爲誤國之罪不如背城一戰於死中求生可也衆以爲然欲求效命鎬呼帳下曹成等二人諭之曰吾道爾爲間事捷有厚賞第如我言敵必不殺我今遣騎探路置汝隊中汝遇敵必墜馬使爲所得敵帥問我何人則曰邊帥子喜聲色朝廷以兩國講好使守東京國逸樂耳已而遣探騎果遇敵二人被執宗弼問對如言宗弼喜曰可賊此城耳遂下令不用負鵝車敵具行翼日鎬行城上見二人遠來心知其歸卽縋上敵械二人以文書一卷繫於械鎬取焚之宗弼入泰和縣遂攻順昌府先是宗弼至順昌責諸將用兵之失衆曰今者南兵非昔之比國王臨城自見宗弼至城下見其城囂謂諸將曰彼可以靴尖踹倒耳卽下令來早府治會食諸軍所得玉帛子女聽其自留男子長成者皆殺且折箭爲誓以激其衆平明敵兵攻城十餘府城惟東西兩門受敵鎬所部不滿二萬而可出戰者僅五千金兵先攻東門鎬出兵應之金兵退宗弼自帶牙兵三千往來爲援皆帶重甲三人爲伍貫韋索號鐵浮屠每進一步卽用拒馬子遮蔽示無反顧復以鐵騎爲左右翼號拐子馬悉以女直充之前此攻所難下之城並

用此兵故又名長勝軍時金諸帥各居一部衆欲擊韓常軍鎬曰擊韓雖退宗弼雄兵尙不可當也法當先擊宗弼宗弼一動則餘軍無能爲矣時天大暑敵連來疲敝晝夜不解甲鎬先遣哥額水上流及草中戒軍士雖渴死毋飲於額金士馬饑渴食水草者輒病往往困乏鎬士氣閒暇軍皆番休更食羊馬垣下方早涼鎬按兵不動未中間忽遣數百人出西門金兵方接戰俄以數千人出南門戒令勿喊但以短兵極力與戰統制官趙撙韓直皆被數矢戰不肯已鎬急令扶歸士殊死闖入敵陳中斫以刀斧至有奮手摔之與俱墜於澮者金兵大敗殺其衆五千橫屍盈野宗弼乃移寨於城西掘塹以自衛欲爲困官軍之計是日大雨平地水深尺餘鎬遣兵刼之上下皆不甯慮宗弼之未敗也秦檜奏令劉錡擇利班師錡得詔不動至是宗弼不能支乃作筏繫

橋而去

白龍溝疑在顯州府西

檣主管鄭延經略司公事王彥指金人於青溪嶺却之初右副元帥完顏杲既破鳳翔與都統制吳玠楊政夾渭水而陳玠駐兵大嶺杲自登西平原覘之曰晉戰者立於不敗之地此難與爭乃引去自涇原路欲趨邠州於是樞密院都統制郭浩統右護軍及鄜環之師在邠州三水縣涇原經略使田晟遣統制官曲汲秦鞏拒敵於青溪嶺宣撫副使胡世將謂浩非素臨行陳之人難以責成卽遣彥及統制官楊從儀程俊向起鄆師正曹成等分道而出與金人戰萬谷與頭麻務屯之間金人屢敗留千戶五人守鳳翔果自將銳兵攻青溪汲鞏不能當戰敗棄青溪走世將命晟召汲斬於軍前以徇彥率兵迎金人戰盤城免耳敗之金人去復還屯鳳翔

涇原經略使田晟與金人戰於涇州敗之初完顏杲旣爲王所却遂自鳳翔悉兵攻涇州晟據山爲陳曠敵
壁壘未定諸兵擁殺自己至申連戰皆捷奪其戰馬兵械甚衆金人敗走晟及金人再戰於涇州敗績初金人
爲晟所破會降將引金兵取間道繞出晟所據之山後大呼擊晟而晟所領兵將有譟言從敵者望風驚潰惟
右護軍萬人與敵鏖戰中傷死敵者十一然無一人遁者宣撫副使胡世將具以實聞且待罪先是世將以敵
鋒甚銳晟不能獨當檄兩都統令吳玠守河南楊政知涇州策應政遣統制樊彥率兵以往統制王喜繼之未
至而晟敗政自効失律世將不之罪諸軍請斬彥喜以徇世將下令彥貸命追奪在身官爵喜降十官押赴本
軍自效金人雖幸勝晟亦殺傷過當而還自是歸鳳翔不復戰以兵攻陝西諸縣城守未下者河南糧食垂盡
世將亦離河池登仙人原山寨爲防守之計保險以自固矣

青溪在邠州西南二十五里大嶺在寶雞縣東
西平原在其旁高谷以下俱未詳疑在鳳翔寶雞

界之

帝謂大臣曰朕躬履艱難久於兵事至於器械亦精思熟講昨造大鑊簡諸軍皆謂頭太重不可及連又造銳
首小槍初亦未以爲然其後用以破敵始服其精利今劉錡軍於順昌城下破敵正用此槍也資政殿大學士
張璪路安撫大使張浚曾臣切念自軍下決回鑾之計國事不振事機之會失者再三向使敵出上策還梓宮
歸兩殿供須一無所請宗族盡返而南則我德敵必深和議不拔人心憊怠國勢寢微吳時艸端卒發何以支
持臣知天下非陛下之有矣今幸上天警悟敵懷反覆士氣尚可作人心尚可回願因權制變轉禍爲福用天

下之英才據天下之要勢奪敵之心振我之氣措置一定大勳可集繼開淮上有警速以邊計奏知又條齊海道舟船利害帝嘉謨之忠遣中使獎諭謨時大治海舟至千艘爲直指山東之計以俟朝命

帝賜劉錡空名告身千五百命許堪將佐之有功者錡復檄上謂不若自朝廷給之爲榮至是始具功狀以聞凡統兵官之立功者皆以上所賜梟帶予之其有過者則杖責之斥爲士伍金人之始至也游奕軍統領田守忠正將李忠恃勇深入皆手殺數十人而後死錡厚加優恤遂以犒軍銀帛十四萬匹兩均給將士軍無私焉於是錡方欲進兵乘敵虛而檄召錡還徽猷閣待制洪皓時在燕山密奏順昌之役敵震懼喪魄燕之珍寶悉取而北意欲捐燕以南繫之王師亟還自失機會可惜也

岳飛留大軍於潁昌命諸將分道出戰自以輕騎駐鄆城兵勢甚銳金宗弼患之會諸將欲併力一戰飛聞之曰金人技窮矣乃日出挑戰且誓之宗弼怒合諸將逼鄆城飛遣子雲與金人戰數十合金兵屍布地宗弼以拐子馬萬五千來飛戒步卒以麻扎刀入陣勿仰視第斫馬足拐子馬相連一馬仆二馬不能行飛軍奮擊統制官楊再興單騎入敵陣欲擒宗弼不獲身被數創猶殺敵數百人遂大破之宗弼大慟曰自海上起兵皆以此馬勝今已矣因復益兵而前飛步將王剛以五十騎覘敵遇之奮斬其裨將飛出視戰望見塵起自以四十騎突戰敗之

潁昌今許州鄆城在其東南

承興軍路經略副使王俊遣統領官辛銀與金人戰於長安城下敗之初詔胡世將遣兵千人具舟百艘載紫

草膏油自丹州順流而下至河中府焚毀金人所繫浮橋及選萬人由斜谷出潼關皆以絕敵歸路世將奏已差統領官閻興以五百人往會知丹州傅師禹知陝州吳琦知華州潘道及忠義統制官傅起同措置斷毀河橋又臣前遣承興副帥王俊領選鋒三十人已復興平醴泉二縣承興之屬邑也今正與大敵相拒且當盛夏中傷者多未容更遣兵兼俊在彼可乘間斷其歸路其後閻興結河東忠義秦海等十餘人皆補以官

丹州宜川縣也

河中府今蒲州府由斜谷出潼關由郿縣東南循秦嶺而東也

岳飛奏金人銳氣已沮將棄輜重渡河蒙傑向風士卒用命時不再來機難輕失秦檜欲畫淮以北棄之諷臺臣請班師知飛志銳不可回乃先召諸將於是太尉保成軍節度使殿前副都指揮使楊沂中爲淮北宣撫副使武泰軍節度使沿淮制置使兼權知順昌府劉錡爲淮北宣撫判官爲退守計也金都元帥宗弼旣敗於郿城憤甚以師十二萬次臨穎岳飛遣統制楊再興王蘭高林以三百騎擊之於小商橋殺二千餘人再興蘭高林俱戰死獲再興之屍焚之得箭鏃二百飛痛惜之張憲繼至復戰宗弼夜遁追奔十五里飛謂子雲曰敵屢敗必趨攻穎昌汝宜急援王貴旣而宗弼果至貴將游奕軍雲將背嵬軍戰於城西雲以騎兵八百挺前決戰步軍將左右翼繼之殺其副統軍飛進軍朱仙鎮距汴京四十五里與宗弼對壘而陳遣背嵬騎五百奮力破之宗弼還汴京飛檄臺令行視諸陵葺治之飛遣將梁興渡河趨絳州結兩河蒙傑所至響應父老潛輸糧以餉軍金部曲亦有密受飛旗榜者飛大喜語其下曰直抵黃龍府與諸君痛飲耳秦檜旣令楊沂中等追

屯乃言飛孤軍不可久留請令班師一日奉十二金字牌飛懷泣下曰十年之功廢於一旦乃自郾城引兵還民遮馬哭曰我等頂香盞運糧草以迎官兵金人皆知之今去我等無譴類矣飛亦悲泣取詔示之曰吾不得擅留哭聲振野方宗弼敗於朱仙鎮欲繫汴京有書生叩馬曰岳少保且退矣宗弼曰謂何書生曰自古未有權臣在內大將能立功於外者岳少保且不免矣宗弼愕乃留汴飛遣諸將還武昌於是穎昌淮甯蔡鄭諸州復爲金人所取中原豪傑皆絕望矣

小商橋在商水縣小潁水之橋也朱仙鎮在開封府府在伯都納東南境

右承議郎通判順昌府汪若海特遷一官以陳規言圍城之初若海毅然請援於朝也若海移書輔臣以言劉錡之勝且謂錡所統不過二萬人其中又止用五千人出戰今諸大將所統甚衆使乘錡戰勝之後士氣百倍之際諸路並進烏珠可一舉而破甚無難者今諸大帥惟淮西最稱持重不肯輕舉宜以淮西之兵塞其兩路之路俾京西之兵道河陽渡孟津淮東之兵登淮陽渡彭城俾陝西之兵下長安渡蒲坂則河朔之民必響應冠帶而共降烏珠可不戰而破也聞淮西之帥得毫便還護士莫不嘆思甚爲朝廷惜之

金將古延引兵攻盩厔縣承興軍路經略副使王俊逆戰於東略谷却之時帝以親札賜川陝宣撫副使胡世將言今日事勢以力保關隘爲先又陝西將士與右護軍不同正當無容有仗義自奮者優獎之以勵其餘於是世將奏川口諸隘及梁洋一帶先已修畢見分遣吳玠在白石至秦州以來遇熙秦州之衝楊政在寶雞遇承興鳳翔之衝及承興副帥王俊亦在盩厔作寨牽制敵勢兼自金人再侵陝西諸曾受僞命並許收使如能

立功就上超轉緣從僕既久率望風拜降臣亦開其自新之路多方慰諭已招到一萬一千五百餘人總管傅

忠信安撫朱勇將官梁柄及統制統領官各給勅帶其老幼居於近裏又有總管魏价等十四員帶城寨兵一

千五百亦加勸獎官各授差遣卒各支請給與右護軍相參爲用矣

猶谷在整屋縣西南白石在西留府東南

韓世忠圍淮陽軍命諸將齊攻之帳前親隨武翼郎成閔從統制官許世安奪門而入大戰於門之內閔身被三十餘槍世安亦脛中四矢力戰奪門復出閔氣絕而復甦屢矣世忠大賞之別將解元掩擊金人於沂州郟城縣敵溺死者甚衆及班師世安以箭瘡不能騎遂肩輿而歸世忠怒命世安馬前步行世忠奏閔之功授武德大夫遙郡刺史閔衛州人世爲農建炎初避亂抵京口日者趙常見而奇之黃天蕩之役閔投世忠軍中至是有功既而世忠乞重賞以勸將士遂除涿州團練使

淮陽軍今邳州

淮北宣撫副使楊沂中軍潰於宿州初沂中至宿州而以步軍退屯於泗金人詭令來告以有驍騎數百屯柳子鎮沂中欲擊之或諫以爲不可輕出沂中不聽留統領官王滋肅保以騎兵千人守宿州夜沂中自將騎兵五千襲柳子鎮至明不見敵而退金人以重兵伏其歸路沂中知之遂橫奔而潰沂中至壽春府渡淮而歸與保滋相隔參謀官曹勛不知沂中所在表聞於朝廷大恐令淮南州縣權宜退保金人劫沂中不得志遂攻宿州滋保與戰不利金人入城怒州人之降也乃縱屠戮自是潰兵由淮水上下數百里間四散而歸其死亡者

甚衆既而沂中自淮西復還泗州人心始定

柳子鎮在宿州西北九十里

(十一年)右文殿修撰提舉江州太平觀趙鼎卒年七十六自金人侵陝西開禧備饑十年軍用得以毋乏一時賴之明既主計之臣率三四易於開條書毫無敢變更者人偉其能然讀書於開禧澤而繼使後來者無所施其智巧凡茶鹽權酷徵費苛賄網布之征遂爲西蜀常賦故雖累經減放而害終不去焉

淮西宣撫使張俊入見帝問會稽郭子儀傳否俊對以未曉帝諭云子儀方時多虞雖雖重兵處外而心尊朝廷或有詔至即日就道無纖介缺筭故身享厚祿子孫傳流無窮今卿所管兵乃朝廷兵也若知尊朝廷如子儀則非特一身壽福子孫昌盛亦如之若恃兵權之重而輕視朝廷有命不即聽非特子孫不壽福身亦有不測之禍卿宜戒之先是金都元帥宗弼自順昌戰敗而歸遂保汴京留屯宋毫出入許鄭之間復築兩河軍與蕃部凡十餘萬欲謀再舉上亦逆知敵情必不一挫便已乃詔大合兵於淮西以待之俊自建康來朝故有是論

帝諭大臣曰李左車曾千里饋糧士有饋色敵若使淮其勢糧必在彼但戒諸將持重以待之至糧盡欲斷因其怠擊之則無不勝矣

金人攻壽春府守將孫暉樞密院統制雷仲合兵拒之淮北宣撫判官劉錡自太平州渡江以援淮西錡有兵二萬馬數百朝廷聞報亟令張俊還建康拒敵時孫暉雷仲皆棄城而出金人破壽春殺守兵千餘人驍橫淮岸以濟其衆劉錡至廬州駐兵城外時樞密直學士知廬州陳規病卒城中無守臣備禦之且督闕官吏軍民

散出逃遁惟有宣撫司統制官關師古兵二千餘人鎗巡其城一而曰城不足守也乃冒雨與師古率衆而南金以大軍入廬州遣輕騎追劉鎗及於西山口鎗自以精兵爲殿西向列陳以待追騎望見鎗輒橫逸巡不敢逼日莫各散去劉鎗結陳徐行號令諸軍占擇地利共趨東關依水據山以遏金人之衝自金人渡淮淮南之人皆避過江南爲遷徙之計惟視鎗兵以爲安危鎗既得東關之險稍休士卒兵力復振金人據廬州雖時遣兵入無爲軍和州境內剽掠不敢舉兵逼江惟鎗之乘其後也江南由是少安

東關在壽州水東依山鎗關也

金人破商州先是右副元帥完顏景遺珠赫貝勒以數千騎入使守臣邵隆知不可守乃焚倉庫毀廬舍而遁金人入城據之淮西宣撫司都統制王德渡江屯和州初金都元帥宗弼既入合肥譟者報金人已入含山縣漸入歷陽時張俊諸軍已趣裝猶未發江東制置大使葉夢得見俊請速出軍俊猶豫之曰更俟探報夢得曰敵已過含山縣萬一和州爲金人所得長江不可保矣俊遂令諸軍進發曉諭諸統制曰先得和州者勝德曰德當身先士卒爲諸軍前鋒俊壯之將士皆鼓舞譟譟而行有報已失和州者德乃率所部兵渡采石約俊明日入城會食至中流聞敵勢甚衆莫敢前德驅之進權首先登舟俊宿於江中德率衆徑至城下敵退屯昭關

和州也其對江爲采石昭關在含山縣北

武功大夫忠州團練使知商州邵隆復入商州初隆既遁去乃屯兵山嶺間道出州西芍藥口謂避地者曰汝皆王民毋忘本朝衆感泣播耆幼來歸隆遣其子繼春出商州之北以張其勢而移軍洪門金人以精騎來攻

陸設三伏以待驪戰兩時許大破之擒其將隆始持十日糧過期食不繼士卒餓腐尸噉草木食之疲困日暮及戰陸親鼓之呼聲動山谷無不一當百遂大捷繼春亦破之於洛南縣金人乃去陸以功遷右武大夫榮州

防禦使

洪門擬在洛南東北

帝謂大臣曰中外議論紛然以敵逼江為憂殊不知今日之勢與建炎不同建炎之間我軍皆退保江南杜充書生遺僞將輕與敵戰得乘間猖獗今韓世忠屯淮東劉錡屯淮西岳飛屯上流張俊方自建康進兵前路敵窺江則我兵皆乘其後今虛鎮江一路以檄呼敵渡江亦不敢來其後卒如帝所料

淮西宣撫司將官張守忠遇金人於全椒縣敗之先是金人分兵侵滁州滁州起復武功大夫莫州刺史知滁州趙時邁去張俊遣左軍統制趙密追金人擊之密令守忠以五百騎出全椒僞誘篋竹間敵疑不動迫莫引去密乃引兵出大丈河以分敵勢將斷其歸路劉錡自東關引兵出清溪邀擊金人張俊楊沂中亦遣統制官王德張子蓋等會兵取含山縣復奪昭關

六丈河在全椒西六丈鎮清溪河在含山縣西三十里縣東北

淮北宣撫副使楊沂中判官劉錡淮西宣撫司都統制王德統制官田師中張子蓋及金人戰於柘皋鎮敗之前一日錡行至柘皋與金人遇夾水而軍初金人之退兵也日行甚緩至廚子橋天大雨次石梁河河滿漲敵斷橋以自固列營柘皋柘皋地平金人以爲騎兵之利且見錡步軍意甚易之河通巢湖闊二丈餘錡命軍士與薪疊橋須臾而成遣甲軍數隊過橋皆臥槍而坐會沂中德師中子蓋之軍俱至翌日敵將邢王與饒國大

將軍韓常等以鐵騎十餘萬分爲兩隅夾道而陳沂中自上流涉淺徑進官軍不利統制官輔達中目騎兵有
稍却者德曰敵右隅皆勁騎吾當先破之乃與師中麾兵渡橋薄其右隅敵軍動有一帥被甲躍馬指畫陳隊
德引弓一發帥應弦墜馬德乘勢大呼馳擊諸軍皆鼓譟金人以拐子馬兩翼而進德率衆鏖戰沂中曰敵便
習在弓矢當有以屈其技乃令募兵各持長斧堵而前奮銳擊之金人大敗退屯紫金山德等尾擊之捕敵百
人馬獸數百而鎬以步兵甲重不能奔馳下令無所取故無俘獲焉是役也將官拱衛大夫武勝軍承宣使姚
端以下死敵者九百三人而敵之死者甚衆鎬謂德曰昔聞公威略如神今果見之請以兄禮事公翌日我軍
復廬州金人之使淮也寶政殿大學士江東安撫制臺大使知建康府葉夢得團結沿江軍民數萬分據江津
遣其子書寫安撫司機宜文字模將千人守馬家渡及是宗廟鄺瓊以輕兵來攻不得渡而還

葉夢得在巢縣西
北樹子橋在合

山北四十八里石梁河在巢縣乃潘須水
之石梁非天長縣之河也紫金山在壽州

張俊楊沂中劉錡至黃連堡去濠州六十里而聞城破俊乃召沂中錡謀之錡謂沂中曰兩府何以處沂中曰
惟有戰耳相公與太尉在後沂中當居前有進無退錡曰有制之兵無能之將可御無制之兵有能之將不可
御也今我軍雖銳未爲有制且軍士被甲荷糧而趨今已數日本救援濠州濠州既失進無所投人懷歸心勝
氣已索又糧食將盡散處迺野此危道也不若據險下寨整地栽木使根本可恃然後出兵襲人若其引去徐
然後乃全師保勝之道諸將皆曰善於是踴足以爲營仍約選軍選募精銳旦日入濠州俊遣斥候數輩巡

俱會緣州無金人或謂金人破城之後無所藉又畏大軍之來尋已去矣乃再遣騎數百往探皆無所見後遣將官王榮謂鋒曰已不須太尉前進矣鋒乃不行惟沂中與王德領二千餘騎往以兩軍所遇精銳策應之四更起黃連準午時騎兵先至緣州城西嶺上列陳未定有金人伏甲騎萬餘於城兩邊須臾煙塵城上伏騎分兩翼而出沂中謂德曰如何德知其勢不可乃曰德統制官也安敢預事太尉爲宣撫利害當處之沂中是遠以策應其軍曰那回諸軍聞之以爲令其走散亂南奔無復紀律其步軍見騎軍走謂其已敗皆散金人追及步軍多不得脫殺傷甚衆

依濟州之敵偵探獲之也大抵間諜爲行軍第一要務其實則宜與工同科然後能爲人之死力尤須參帶土人則易以知敵人之情

金人統軍呼珊迪布祿合軍五萬餘屯劉家園右驍軍都統制吳玠川陝宣撫司都統制楊政樞密院都統制郭浩皆會於仙人原川陝宣撫副使胡世將授玠以攻取之策玠乞精兵三萬人破此兩敵收復秦隴事若不捷誓以必死世將以二萬八千人與之仍命政出和尚原浩出商州以爲聲援玠出兵河池以新戰軍之法每戰以長槍居前坐不得起次最強弓次強弩跪膝以俟次神臂弓約敵相搏至百步內則神臂先發七十步強弓併發次陳如之凡陳以拒馬爲限鐵鈎相連俟其傷則更替之更替以鼓爲之節騎出兩翼以蔽於前陳成而騎兵退謂之螳陳諸將竊議曰軍其殲於此乎玠曰古之東伍令也軍法有之諸君不識爾得車戰餘意無過於此戰士心定則能持滿敵雖銳不能當也房瑄知車戰之利可用於平原曠野之間而不得車戰之法其敗固宜敵騎長於奔衝不爾無有能抗之者玠引兵至秦州城下川陝宣撫司都統制楊政夜引兵入隴州界

徑趨吳山與金人對壘璘及金統軍呼瑯戰於剡家灣敗之初呼瑯與迪布祿合軍劉家園呼瑯善戰迪布祿善謀二人皆老於兵者徃其常勝且據險自固前臨峻嶺後控廣家城進退有守謂兩軍必不敢輕犯璘揣知其情先一日召諸將問何以必勝統制官姚仲曰戰於原上則勝璘以爲然諸將議不同璘曰諸將所以不同憚辭勞苦不欲攻原上耳若金人乘勢而下我兵敗矣卒如仲議璘既相視其地乃遣人告敵曰明日請戰金人聞之皆笑愈不設備夜半璘遣仲與鄭延經略使兼知成州王彥率所部銜枚直進渡河涉峻嶺截坡上出其不意約與敵對壘然後發火又遣將張士廉等取間道以兵控廣家城戒曰敵根本在彼若敗必趨入城汝等截門勿縱一騎入二將所部軍行寂無人聲又大陰霧既上嶺列柵乃發火金人大駭倉卒備戰我軍已畢列游騎有聞金帥以馬撻敵鎧者曰吾事敗矣我軍氣益振璘策迪布祿有謀必謂我趨戰欲速不肯徑出呼瑯恃其百戰百勝與迪布祿異議宜可挑取已而遣輕兵嘗敵果見呼瑯勒兵而出與我軍合鏖擊數十更休迭戰及三陳戰急大將有請曰敵居高臨下我戰地不利宜少就平曠以致其師宜可勝璘叱曰如此則我走敵遂勝矣敵已潰毋自怯璘輕裝駐馬陳前塵軍亟戰軍皆殊死鬪金人大敗遁去騎兵追襲斬首六百三十生擒七百人騎將楊萬膂力過人生擒一千戶詣璘璘曰萬可斬也戰方急豈可得一人而遽返耶萬投千戶於地倉遽復上馬入陳騎將馬廣者所部號八字軍察敵將潰越陳挑逐既而大靡俘虜人馬數千敵兵餘者萬餘人璘悉釋之聽其自便金殘兵果趨城走張士廉導師制後期二帥僅以身入城翌日第賞馬廣獨不及

反將誅之曰此違約東輕犯令者也呼珊入城率餘兵拒守璘急攻之城且破朝廷以驛書命璘遂歸宣撫副使胡世將聞之歎曰何不降金字牌且來世將處卽日世將以金人之俘三千人獻於行府命利州路轉運判官郭游卿就俘搜中以聲音容貌驗得女真四百五十人同日斬於嘉陵江上斂其屍以爲京觀餘皆涅其面於界上放還敵氣沮川陝宣撫司都統制楊政及金萬戶通檢戰於寶雞敗之時通檢屯渭北政欲攻拔其城是日黎明通檢將精兵萬衆出戰政鼓勇士鏖戰縣旁至日晡五十餘合勢未分政遣裨將突出陳後山上執輶以招陽爲麾軍金人望見大呼曰伏發矣乃驚而潰政乘勢掩殺通檢至城門而橋已絕乃擒之

吳山在隴州東

南百三十里隴家園在秦州東北則家園在其南鳳家城在其北

〔十二年〕川陝宣撫使鄭剛中左中大夫四川轉運判官兼宣撫使參議官李觀與金大使鎮國上將軍沁南節度使烏凌阿贊謨副使奉政大夫行臺尚書吏部郎中孟某相見置酒於百家邨先是詔宣撫副使胡世將遣近上參議官從剛中至界首約官商議具奏至是剛中觀與閤門祇候宣撫司幹辦公事范之甯偕至鳳翔境上贊謨等亦以檄來言奉都元帥府指揮可計會江南差來官從長相度交割今欲自鳳州分界先二日之甯至寶雞縣與贊謨議相見之地贊謨言欲至鳳州相見之甯曰宣諭已過二里矣二里在和尙原之北議不諧而罷世將具奏曰臣竊觀和尙原係商秦州險地之要並係川蜀緊要門戶若爲金人所占委有利害前已具奏未準回降指揮宜檢會詳酌速降處分薩里干等前年冬領軍馬五萬攻打和尙原本司遣兵捍禦薩里

中爲見有備不敢入險復回長安去年春珠赫貝勒萬衆侵略商州地名洪門芍藥等處本司遣兵擊退去年冬薩里干欲復秦州本司遣兵捍禦薩里干相視秦州高險城守嚴備重兵在後不敢進攻而退可見和尚原秦商州三處金人屢欲窺伺終不得志正係控扼川口必守之地若爲金人所占利害至重望賜詳酌及世將奉詔令與剛中照吳玠劉豫所管地界分畫世將乃言秦州元不係吳玠地分合自秦州南以吳玠元管界至分畫商州元不係吳玠所管地分合自商州南以吳玠元管界至分畫和尚原方山原兩處昨自建炎四年係吳玠創立山寨原不係劉豫所管地分界至今來合行保守已牒鄭剛中照應分畫去訖和尚原係川蜀緊要門戶比之秦商二州所係利害尤重臣已屢具論奏請賜速降處分疏入詔世將具兩奏不同因依時金人必欲得和尚原故有是命

和尚原在大散關東北方山原在隴州西南二百里

〔十五年〕時處梅及福建劇盜有號管天下者其徒日衆攻掠縣鎮鄉民多結砦自保先是福建帥臣莫將上言漳泉汀劍四州接江西廣東之境游手從賊熟識山路引其直衝山路如入無人之境官軍不習山險多染瘴癘艱於掩捕乞委四州守臣募強壯游手每州一千人爲效用時統制官張淵措置本路盜賊請逐州先招五百人既而將改帥廣東以知虔州集賢殿修撰爲福建帥是月朔入福建沿途盜賊囑令逐兵列隊伍揚金鼓聲督新帥以虔兵至矣賊不敢犯

虔今贛州府梅今嘉應州劍今延平府

時福建土寇未平本路鈐轄李貴領兵討管天下失利爲賊所執轉運司申樞密院言閩人勇於私闘怯於公

戰莫將所招游手易聚難散於事不便詔下安撫司共議薛勣以爲廣東經管韓京每出必捷正以所部多土人故所向克捷今本部素無土兵故連年受弊勣又謂前守轅上有武翼郎周虎臣成德郎陳敏各有家丁數百人皆能戰比之官軍一可當十遂辟虎臣爲本路將官敏爲汀漳巡檢又請揀取二人家丁日給錢糴米以捕賊期於必滅興濟司合奏號奇兵自此歲費三萬六千緡米九千石而土寇遂平

〔十六年〕徽猷閣待制提舉江州太平觀劉子羽卒年五十子羽在泉州嘗獻時宜八事論淮甸郡縣不必盡守故城各隨所在據險置寨守以偏將敵長驅深入則我綴其後二三大將浮江上下爲之聲援論荆襄宜合爲一路量帥公安益兵聚糧爲戰守計論三衙寡弱未振宜益增禁衛論守江宜輕戍江北重戍江南論舟船當講求訓練使大艦利於控扼小舟利於走集論南兵剽悍可用請別立統帥論江淮陝蜀之兵當互爲聲援論募兵請於荆粵收集諸盜後皆不行

〔二十二年〕右諫議大夫林大鼐言兵弛久佚主將輒移其力而他役之今有伐山爲薪炭聚木爲輝棧行商坐賣開酒坊解質庫名爲贖軍回易而實役人以自利甚至有差借白直爲厮隸之賤供土木之工請詔中外將帥遵守祖宗條法仍取約束未盡者增廣行之詔刑部檢見行條法行下諸軍遵守內借人一節借者與借之者並同罪

初虔州軍亂至是知虔州李耕引兵入城虔州平賊之始作也其徒僣軼旁郡或勸左朝散郎南安軍居住張

九成徙避之九成曰吾謫此邦死分也何避焉守貳拒賊未得計請於九成曰此爲廣南要衝失守則郡以南皆賊區策將安出九成曰僻小寡弱難與爭鋒今聞賊寨水南夜募善泅者火攻之俾其衆驚擾則宵遁必矣用其策賊果散走賊之未平也右宣教郎知醴陵縣解于廣曰是五日可至吾邑告於府請以所部兵列境上留民租於縣以爲食提點刑獄司命五里建一樓民持更其上廣曰是當爲六十八樓重費民不可且盜必從官道來邪獨取鄉保伍之壯者選其豪六十領之他盜亦不敢犯

二十六年吳璘自蕃晉號兵要大略謂金人有四長我有四短當反我之短以制彼之長蓋彼之所長曰騎兵曰堅忍曰甲重曰弓矢吾當集蕃漢所長而用之故以分隊制其騎兵以番休迭戰制其堅忍制其甲重則動弓強弩制其弓矢則以遠尅近以強制弱其說甚備至於陳法有圖而無書焉

二十八年帝謂大臣曰招軍一事士大夫往往以爲不切事宜殊不知聖人思患預防若臨失軍額何以爲先事之備但當措置約束毋令擾人足矣

中書舍人兼史館修撰王剛中充龍圖閣待制四川安撫制置使兼知成都府先是權禮部侍郎孫道夫言中外繕繕皆謂金人有窺江淮意帝曰朕待之甚厚彼以何名爲兵端道夫曰興兵豈問有名願陛下早爲之圖又言成都帥陛下不可不擇宜求才可制置四川者三三人常璽之璽度帝云當儲人以待緩急之用剛中亦言禦敵最今日先務之急蓋先自擇將帥蒐士卒儲備軍械加我數年國勢富強彼請則則爲漢文帝犯邊則

爲唐太宗帝壯其會西蜀謀帥宰執謂宜得文武威風大體者帝曰無迎王圖中矣遂有是命又令道夫以蜀中利害語之

御前諸軍都統制兼知興元府姚仲言興元府洋州諸縣各有以前保丁內選到人材少壯堪出戰人差充義士臣已於數內摘揀到三千人團結隊伍教習武藝及欲於附近大安軍巴達州差撥保丁以備船運軍糧從之自朝廷與金約和罷兵議者乃奏罷到諸路州義士至是仲聞金有意敗盟欲爲戰守備乃奏復之議者亦謂興洋有義士皆驍勇可用祇是免身丁差役之類不費有司錢糧望下本路帥司檢照舊來簿籍條例依舊收充以時教閱無令州縣別致騷擾以備緩急使喚此正古人寓兵於農之意奏可始王庶立法義士每丁蠲家業錢二百千部轄使臣蠲六分科斂及是諸縣民間所餘家業不多科買軍糧草料若干偏重仲乃命視舊法止蠲其半部轄使臣三分之一衣甲免蠲神臂弓箭官給其他應軍中所用皆自爲之軍行日支糧二升有半每六十五人爲隊管隊二人押擁隊三人旗首三人縣立三部都副部轄管轄各一人於是合五郡所籍爲二萬一千七百餘人惟興洋大安久而不廢

(二十九年)歸朝官李宗閔上書言臣竊聞近者金人於岐雍間伐木以造浮梁東京長安修治宮室遷諸路近戍聚於關陝游騎千數出近邊覘視虛實姦謀詭計未可窺測臣疎賤冗散謹以區區管見有可裨廟堂求議者析爲三事其一曰嚴守禦方今天下根本在吳蜀其勢若手足之相應荊州據其中心腹之地也襄陽扼

荊州之衝又足以爲荊州輕重今重兵皆駐武昌而荆襄之間所以自衛者未固且襄陽在今爲極邊去荊州四百五十里無重山峻嶺長江大河之險敵人馳輕騎不兩日可至城下萬一荊州爲其所據吳蜀首尾不能救朝廷雖以劉錡鎮荊州然無兵以自固至襄陽之兵不過千餘人又皆疲懦安能以備緩急宜令劉錡將二萬人分屯荊州要害更令不住召募日夜訓練張聲勢廢斥堠仍擇久將陳者一人如田晟其人者以副之蓋晟雖老而戰功素著敵人深畏之今居南昌未足究其施設若使與劉錡協辦敵人不敵復事南牧襄陽則遣一智勇兼全之將分武昌之兵萬人比歲更其戍守襄陽既有備吳蜀可高枕而臥矣其二曰募新軍臣往往在行間常見三衙及諸處招軍皆市井游手數年之後雖習知騎射擊刺之事而資性疲懦不改也臣聞福建汀贛建昌四郡之民輕悍勇悍經涉險阻習以爲常平居則投石超距椎牛伐豕聚爲小盜而爲奸雄之資使有人駕馭役使必能得死力臣竊見殿前司左翼軍統制陳敏生長贛土天資忠勇其民亦畏而愛之所統之兵近出田會且宜占籍遂爲精近人人可用若朝廷專委陳敏俾招集四郡之民使金人果渝盟則攻守皆可爲用若尙守和好則可以填三衙之數臣觀今日敵人之舉其志不小如固遼陝右兩河民悉以爲兵與夫契丹奚家漢兒諸軍不下數十萬衆衆之關陝其在他路又不知幾萬人若欲攻蜀則吳玠姚仲王彥之兵足以相抗臣觀其兵皆遠來烏合之衆利在速戰朝廷遣楊存中成閔提兵總率沿邊諸帥各守江淮之險堅壁持重以老其師將不戰而自潰況金人比年以來父子骨肉自相屠滅用事之臣死亡殆盡更且離遠巢穴大興

土木虐用中原之民皆自取滅亡之道且空國而與人戰兵家所深忌吾方與之相持於江淮之間別以陳敏所招數萬人興戰船取海道不旬日可至山東徑入燕山擄其巢穴此所謂攻其所必救者前湖北副總管李橫雖出河朔賊竄朝廷優以美官橫亦感激奮勵思有以報臣頃過荊州觀其爲人聽其議論皆有可取劉錡亦爲之加禮山東河朔橫習知形勢若朝廷使與陳敏分兵北向均其事權必然協濟機事仍委三衙令諸軍統制各舉河朔山東勇而有謀者多人計得三十多人使從其行分往郡縣曉以順逆禍福之理河朔山東既爲內應敵人進退失據而陝右兩河兵必思潰叛吾能及其鋒而用之適足以爲吾之資若朝廷以趨海道爲廷只以陳敏所招人屯之襄陽亦可以捍禦一面其三日通鄰國宣和之末臣陷燕雲者累年敵人以先臣不屈就死沒於韓企先家充奴婢役使企先與烏珠密議臣皆得密聽之蓋聞金人馬皆達勒達所入冀北雖號產馬之地自興兵以來所養至少金人置樵場於白水與達勒達貿易丁未歲達勒達之馬不入金國而又通好於達寶林牙使達勒達助兵以爲鄉導許歸太子已而伊都敗師欲結連謀叛謀泄亡入達勒達太子卒不遣還自是太子鬱鬱成疾并其母死於雪中達勒達之恨深入骨髓今若遣一介之使開示禍福曉以利害使達勒達之馬無與金人互市金人利於騎戰捨馬則無所施其能矣至於西夏亦與金人爲讐而金人亦素畏之金人常割天德雲中金肅河清四軍及八館之地以賂夏人矣丁未之歲伊寶耶君領數萬騎陽爲出獵而直犯天德逼逐夏人悉奪其地夏人詣和金人執其使者臣是時久留雲中人情稔熟因得出入雲中副使李

阿雅卜謂臣曰昔年大金賂我四軍八館俾我出師牽制關中合從以攻南宋及其得志首叛盟約某昔年兩使南朝其體義文法非他國之比自是觀之則西夏惡金人喜中國可知王子之歲尼堪獨地富饒欲提兵親取令雲中副留守劉思恭條陳書傳所載下蜀故事及圖畫江山形勢銳然欲往夏人聞雲中聚兵以爲攻已舉國屯境上以備其來而尼堪亦不敢出兵止遣薩里干等以兵攻蔑風今莫若遣辨士諭以盟約俾以重兵出境上爲吾聲援臣尙有私憂過計者金人強則稱兵弱則稱和頃歲經合肥順昌及川口數戰敵人倉皇議和朝廷姑務息兵屈體從之然則今日之舉首叛盟約自取滅亡其勢不利必將復要前日之計慎勿許和小勝則於荆楚之間練兵秣馬積粟務農徐爲後圖大勝則長驅席卷以圖恢復臨機制勝固有不可預言者臣又聞自古用兵有聲有實今者兵不出境而張皇聲勢惟恐吾之不知乃於近塞積石爲鄆閉樞場絕商賈造戰船自春徂夏且非秋高馬壯之時臣願分遣諜者伺其虛實若誠如臣言則上兵伐謀之舉不可後也

建寧即大蒙古國在黑龍江北今俄羅斯地白水其黑龍江

(三十年)吏部員外郎虞允文言金決渝盟爲南牧之計必爲五道出蜀口出荆襄止以兵相持淮東沮洳非用騎之地他日正兵必出淮西奇兵必出海道宜爲之備帝頗納其言參知政事賀允中免兼同知樞密院事以同知樞密院事葉義問將及境也初義問入北境見金已聚兵有南侵意及還密奏敵人以剋剋不恤爲能以殺戮不怨爲威窮奢極侈燕京已剝壯麗而修汴京伐木琢石車載塞路民勞而多死於道天人共怨觀此

豈能久也又揚州賊黨未盡而任契丹出沒太行臣去時聞破博之衝縣回時聞破磁之邯鄲北使三人曾被
擊傷奪去銀牌燕京以南在慮不甯今欲遷汴京且造戰船以臣度之若果遷都則在彼已失巢穴今江淮既
有師屯獨海道宜備臣謂土壘官軍不可雜處土壘積糧海道之險憑藉海食之利能使船戶雜以官兵彼
此氣不相下難以協懷今宜於江海要處分寨以土壘爲寨主令隨其便使土壘總於舟楫之間官軍據於塘
岸之口則官無虛費民無驚擾此策之上者也兵部尙書兼權翰林學士楊博言於右僕射陳康伯曰北朝敗
盟其兆已見今不先事爲備悔將何及因與康伯策所以防禦之術其一兩淮諸將各畫界分使自爲守其二
措置民社密爲寓兵之計其三淮東劉寶將驍卒少不可專用其四沿江州郡增壁積糧以爲歸宿之地康伯
見帝言敵謂我爲和好久而兵備弛南牧無疑因條上兩淮守禦之計帝嘉納之同知樞密院事葉義問進知
樞密院事於是義問奏應變持久二說以爲兩淮形勢在今危急荆南劉錡則均襄隨鄆道化襄陽之所隸也
鄂渚田師中則安復信陽漢陽之所隸也九江厥方則廬黃之所隸也池陽李顯忠則龍舒無爲軍之所隸也
建康王權則滁和之所隸也鉅江劉寶與馬師成閔則真揚通泰之所隸也江陰正控海道宜自鎮江分兵以
扼之至於潁梁固始安豐諸郡近邊亦宜總之合肥比已分屯諸將宜飭令擇地險要廣施預備此應變之說
也秋冬之交淮水淺涸徒步可過若敵今歲未動請江淮一帶遴選武臣爲守公私荒田悉播以充屯田使募
人耕之暇則練習事務持重勿生驕端來則堅壁勿戰去則入壁勿追使之終無所得而自困此持久之說也

鄧今貴陸府道化縣部光化軍今此化縣襄陽軍今爲縣安今德安府復今河
陽州能舒今舒城縣未開爲軍也漢梁今鳳翔府固始今縣安豐軍今壽州

右朝奉郎通判楚州徐宗偃聞揚州告急自高郵以驛書遣大臣言宗偃自到官以來飽讀規運者之情備審
院三衙沿江諸將所遺固不一矣要皆取辦於都梁山陽土著之人由都梁者不過入於泗自山陽者不過至
於漣水采聽聲聲信實蔑然且若東海之人止緣饑民困於暴斂犯死求生而候者闕然有興師十萬徧海航
二千艘因而南面之說遂至重煩朝廷憂顧宗偃獨以爲不然已而卒如所料矧今日自六月以來日間兼軍
聚糧修京除道斂金帛營造舟船添立碧欄慮用其民無所不至且約七月必還都矣既而不效展取八月
又不效則曰京都改築外城更造祕殿且有登封泰山款謁明道宮之議此何所者信哉宗偃近以職事至維
揚帥府而都梁持羽檄來謂金主已遷於汴重兵散布宿泗清河之間帥司告急人情洶懼才少須臾又無一
驗合是此輩傳聞之誕亦甚明矣靖康之初再使京闕薦至維揚無一人知其來者先聲播傳計之詭也願謖
成算固非一介可測涯涘然長江不足恃兩淮不可失雖三尺童子知其利害灼然若審詔沿流諸將或以屯
田或爲牧放添增防扼遺數萬人散處要害以候之若都梁太逼則屯天長若山陽太逼則屯寶應又若合肥
襄鄧擇敵人耳目不甚相接之地悉儲兵備且命大臣護之以爲緩急調發救應之用則敵騎猝來吾蓋有以
待之矣若信規運者之言駭然有自失之意非所望於中興之世也朝廷防虞料角至嚴至備是注意於海道
可謂親切然楚州鹽城縣去海不過一里又居料角之上可爲藩籬若屯以千百人假一二十舟障蔽其前則

料角決可力守且與敵人耳目全不相接亦一控扼之地望特賜采擇

都梁山在盱眙山陽縣附淮安府郭經水今安東料角即膠角嘴在海門縣東

三十一年翰林學士兼權吏部尚書充館伴使何溥等奏繳錄到大金副使王全於殿上口奏事因詔諸路都統制并沿邊帥守監司照應今來事體隨宜應變疾速措置務要不失機會時朝論洶洶入內內侍省都知張去爲陰擅用兵之議且陳退避閭閻之計人情惶惑陳康伯言曰敵國敗盟天人共憤今日之事有進無退若聖意堅決則將士之氣自倍願分三衙禁旅助興漢兵力待其先發然後應之權工部侍郎黃中自使還每進見未嘗不以邊事爲言至是又率同列請對論決策用兵莫有同者中乃奏曰朝廷與金通好二十餘年我未嘗一日言戰彼未嘗一日忘戰取我歲幣啗彼士卒今幸天視其魄使先墮言以警陛下惟聖慈留心焉右朝奉郎通判楚州徐宗偃遺鎮江都統制劉錡書云近聞肅虜宸命進師廣陵先聲所至士氣勇氣雖今日之事非他事比安危成敗在茲一舉古人有云臂亡則齒寒蓋言表裏之相依也今欲保長江必先守淮頃歲韓宣撫駐軍山陽山東之兵不敢一日窺伺幾至成功而姦臣誤國莫遂其志今清河口去本州五十里地名八里莊相望咫尺若不遺精銳控扼萬一有緩急頃刻可至城下彼得地利兩淮之民悉爲其用則高郵廣陵豈足以捍其衝宜遣偏師屯本州彼既不敢長驅山東諸郡想其是斂不忘戴宋一呼響應勢若破竹矣錡亦以爲然

浙西馬步軍副總管李寶入奏事翼日帝謂輔臣曰寶非常驍勇兼其心術可以仗倚朕素識其人他日未易

是先是寶晉達江接海便於發船無若江陰臣請守之萬有一不任甘死無赦帝從之寶卽遣其子公佐與將官邊士霄潛入金壇伺動靜至是金謀益泄復召問方略寶言海道無險要可守敵艦散入諸洋則難以殲滅臣止有一策出百全帝問何如對曰兵之道自戰其地與戰人之地不同自戰其地者必生之兵也戰人之地者必死之兵也必生者易破而必死者難却今敵未離巢穴臣仰憑天威掩出不意因其驚擾而疾擊之可以得志帝曰晉問所總舟幾何曰堅全可涉風濤者得百二十皆舊例所用防秋者所總人幾何曰三千止是二浙福建五分弓弩手非正兵也旗幟器甲亦已廢備事急矣臣願亟發陸師賜寶帶鞍馬尙方弓刀戈甲之屬及銀絹萬數以爲軍資

右朝奉郎通判楚州徐宗僎獻書宰執言山陽俯臨淮海清河口去郡五十里實南北必爭之地我得之則可以控制山東一或失守彼卽長驅先據要害深溝高壘運山東累年積聚調攝重兵使兩淮動搖我將何以捍禦自北使奏意欲敗盟人情洶懼莫知死所及朝廷除劉錡爲五路制置分遣軍馬渡江邊陲肅靜民賴以安山東之人日有歸附之意沿淮一帶自北而來者晝夜不絕不容止約若朝廷速遣大兵且命劉錡或委本州守禦差有心力人明示德音誘以官爵請得一州或一縣與官資使之就守其地其餘招誘自百人千人至萬人受賞有差將見一呼響應山東悉爲我有若大軍未至彼懷疑貳未肯就招招之亦未必能守適足以貽邊患至於合肥荆襄命大將分占形勢胡適其資隨機應變以爲進討之計恢復中原可立而待先是澠水縣弓

平簡賊黨竊私渡淮見宗僭冒山東人久困暴斂日欲歸正若士馬一動悉皆南來宗僭出已奉厚贈之是月初韓果率老幼數百人來謁宗僭言於朝未至會知樞密院事蔡絳聞遣武義郎焦宜來諭意俾招收之守臣王夢符怒不自己出乃言韓不願推恩宗僭因遣錢問書旬日以來渡淮之人晝夜不止據水爲之一空臨淮縣民亦源源而來不絕泗州兩道人諭盱眙令關輒本州約回有死不肖復去數萬人理宜優卹然非有大軍彈壓得之亦不爲用乃補韓承節郎仍令淮東副總管李橫以鎮江都司兩將之兵往楚州屯駐

初帝命池州諸軍都統制李顯忠擇淮西地利爲固守之計至是顯忠言淮北平夷別無險阻惟樅陽鎮北二十五里中坊淨嚴寺依峽山口一帶地居衝要可以屯駐請於八月初分遣半軍過江屯駐顯忠躬親往來伺其動息卽全軍渡江觀敵所向隨機決戰從之忠義人魏勝復海州勝素負氣嘗潛渡淮爲商至是率其徒數百人至海州自稱制置司前軍大兵且繼至海州遂降浙西馬步軍副總管李寶以舟師三千人發江陰先是顯忠自行在邇卽謀進發軍士爭言西北風力尙動迎之非利寶下令大計已定不復可搖敢有再出一語者斬送發微猷閣直學士知平江府洪遵謁寶糧器械濟之放蘇州大洋行三日風怒甚舟散漫不得收寶慷慨謂左右曰天欲以試李寶耶此心如鐵石不變矣卽辭酒自書風亦隨止退泊明州關澳追集散舟不浹旬復故而裨將邊士甯自密州還言魏勝已得海州矣寶大喜促其下乘棹速發而大風復作波濤如山者經月未得

進棹今
關城縣

江淮制置使劉錡引兵屯揚州錡將渡江以軍禮久不講乃建大將旗鼓以行軍容整肅江浙人所未見也時錡方病不能乘馬乃以皮穿竹爲扇與鎮江城中西煙如霧觀者填擁右奉義郎遇判楚州徐宗偃見錡力陳兩淮要害山陽漣海清河口實爲控扼之地合肥捍蔽壽春自古北軍悉由渦口渡淮彼或長驅則兩淮皆非我有宜速遣精騎列戍勿使敵得伺突等疑未決浙東副總管李橫浙西副總管賈和仲適白其事皆共贊之乃遣殿前司策應右軍統制王剛以五千人屯復應

徐嘉張掄自盱眙還行在徐宗偃之在淮陰也有宿遷孫一者自北來言嘗爲金差往瀕州充水手暨逃歸而家屬已渡淮偶相值於此備述海道曲折謂舟船雖大且多然皆松木平底不可涉洋水軍雖多悉築鄉夫朝夕逃遁一有警急必至散及有願募人往焚燒其舟船者宗偃因條具邊防利便遂併以其事白廟堂附疾置以遷至壽邸特空園耳勿延乃割付仲偃根究沿路盜拆後數日乃知遞過山陽城下爲郡中竊匿偃宗復條實附焉掄以聞

金主分諸道兵爲神策神威神捷神銳神毅神聖神勇神果神略神鋒武勝武定武威武安武捷武平武成武毅武銳武振武武威威信威勝威捷威烈威威威略威果威勇三十二軍每都總管副總管各一員分隸左右領軍大都督及三道都統制府置諸軍巡察使副各一員以太保樞密使爲左領軍大都督尙書右丞李遇副之尙書左丞赫舍哩爲右領軍大都督判大宗正事富里瑄副之御史大夫國克坦與爲

左監軍同判大寨正事國克坦承年爲右監軍曾使金主出壽春以工部尙書蘇保衡爲浙東道水漕都統制
益都尹程嘉嗣之由海道趨臨安太原尹劉華爲漢南道行營都統制濟南尹布薩馬哲嗣之進自蔡州以河
南尹國克坦哈喜爲西陽道行營都統制平陽尹張宗彥嗣之由鳳翔取散關金主以昂爲蒲州使率諸軍以
從人望實使通事其事遂宴諸將於尙書省親授方略金主曰太師梁王連年南伐淹延歲月今舉兵必不如
彼速則百日近止旬月惟爾將士無以征行爲勞戮力一心以成大功當厚加餼賞其或耽慢刑茲無赦以武
勝武平武捷三軍爲前鋒國克坦與將兵二萬入淮陰金主恐糧運不繼命諸軍渡江無以備僕從行行若莫
不嗟怨金人至鳳州之黃牛堡先是統軍張中彥與其陝西都統完顏喀齊喀將五千餘騎自鳳翔大散關入
川界三十里分爲三寨至是游騎攻黃牛堡守將李彥仙告急四川宣撫使吳玠方受賀卽肩輿上殺金坪彥
仙督官軍用神臂弓射敵却之玠遣將官高崧爲之援仍與本堡管隊官張操同力拒敵遂掘大散關深溝高
壘以自固玠駐青野原顧謂其下曰金自守之兵不足慮也益調內郡兵分道而進面受方略時四川安撫制
置使王剛中被旨往軍前見玠計事剛中乘皮輿避矢石人皆咽之玠遣將彭清直至寶雞渭河夜劫橋頭寨
勝之時金人集陝西諸路兵分屯於隴州之方山原及秦州鳳翔境將分軍四川與散關之兵犄角相應玠乃
命前軍統領劉海同統領王中正左軍統領賈士元合所部三千人騎趨秦州海受檄卽引兵而出既至遂復
秦州先是秦州既破金人徙城北山地最徑險守將蕭濟察狎南軍弗爲備先是敵軍戍秦者三千打糧傍郡

賜者守室劉海引兵至城下濟弗之覺也海與左軍統領賈士元統領王中正計曰棄城險而堅未易拔也今城守似怠當以火攻之遂積薪縱火烟蔽城寨海因登焉濟乃開門降得糧十餘萬斛遂以正將劉忠知州事興州都統司後軍第二正將彭清左軍第一副將張德破隴州清以是月乙未出師遂進兵城下擊之克其城守將奉國上將軍盧某同知昭武大將軍劉某巷戰不勝走涼樓不下清積薪焚之軍民乃降四川宣撫使吳玠以清知隴州尋令將軍談德守方山原俾清引其兵赴鳳州軍前德至瓦原縣遇敵接戰自卯至午官軍不敵遂潰而逃初德與其徒請兵出梁泉角龍川往攻方山原清從之既行德乃改道經瓦原縣界遂失利清復引兵還方山原黃牛堡在鳳縣西北百五十里大散關在鳳縣東北穀金坪在略陽縣西北百二十里其東南即仙人關青野原在略陽北百四十里其北即黃牛堡橋關寨在寶雞縣西方山原在隴州西南其東南即橋頭寨皆渭水土地瓦原在靈臺縣西北梁泉堡即靈臺西南梁原鎮魚龍川即汧水在梁原鎮南

詔劉錡王權李顯忠戚方各隨地方措置沿淮三處河口嚴為隄備先是錡亦檄權引兵迎敵權受檄與其姪妾泣別又聲言犒軍悉以舟載其家金帛泊新河為遁計築和州城居之錡再檄權往壽春權不聽命以威爵江東轉運判官李若川因請於朝乞留權守和州江面錡又督行權不得已每三日遣一軍往廬州屯戍忠靖鄭監肝貽軍淮河夏俊復泗州俊見金敗盟遂有占泗州之意寓居武功大夫張政者與共議政聚眾得百八十人時守臣周揀退保在天長俊等議定陰備渡船夜漏未盡遂渡淮未據西城西城人覺知皆稱願歸大宋俊轉至城東見汴口有空舟取得六十餘航金人所命知泗州富察徒穆同知州大周仁聞之率麾下數十

騎襲東城遁走倭入東城撫定江淮制置使劉錡以倭知泗州金人攻通化軍先是通未有守臣鄂州都統制吳玠以游奕軍統制張超權軍事超繼入城忽報金鐵騎數百入門超閉譙門令從者率邦人巷戰金人死者數十乃引去金人攻信陽軍先是荆湖制置使成閔遣中軍統制趙權屯德安權至之五日信陽告急權曰信陽雖小實爲德安表裏不可失也乃留游奕軍統制宋奕守德安府自將所部騎赴之敵騎徑去使蔣州時江州都統制戚方在淮西卽引其兵南渡劉錡命楚州以海舟數十艘往淮陰軍前分布守禦時金軍已至清河口地名桃源錡猶在揚州未發也鄂州諸軍都統制吳玠發兵戍襄陽者盡絕時拱被朝命襄陽或有變不能自保則令退守荆渚拱以書遣大臣言荆南爲吳蜀之門戶襄陽爲荊州之藩籬屏翰上流號爲重地若棄之不守是自撤其藩籬也況襄陽依山阻漢沃野千里設若侵略據山以爲巢穴如人扼其咽喉守其門戶則荊州果得高枕而眠乎若欲保守荊州自合以襄陽爲捍守之計當得軍馬一萬使拱修置小寨保護禦敵營闢屯田密行間探然議者謂拱言襄陽形勢雖善而所謂修置小寨者其意在於退守方山而棄城不守閔聞自固而不以兵接戰也先是御史中丞湖北京西宣諭使汪澈道出九江右奉議郎新通判湖州王爰見澈談湯事澈卽辟爰爲屬自鄂渚偕至襄陽撫諸軍澈聞議者欲置襄陽而併力守荆南亦奏襄陽重地爲荆楚門戶不可棄至是秋高澈乃還鄂州以調兵食旣而拱至襄陽首置南山寨寨無水無薪師徒勞役時人不以爲便劉錡在揚州病帝遣中使將醫往視錡曰錡本無疾但邊事如此至今猶未決用兵俟敵人來侵然後使錡當

之既失制敵之機何以善後此鎬所以病也中使以奏鎬遂行日發一會時鎬已病甚不能食嘔咽而已金時
士自軍中亡歸者相屬於道哈斯罕明安福壽東京穆昆金珠始授甲於大名即舉部亡歸從者衆至萬餘
公言於路曰我輩今往東京立新天子矣

新河疑卽濰河在和州北七十里東南至六合入江舊化夫詳晉卽
光化軍賊淮陰今清河縣桃源今爲縣方山當作萬山在夏陽城而

十里蔣州今光州接蔣縣在固始縣
東古蔣國也以避金諱故改此名

浙西副總管李寶以舟師至東海縣先是魏勝旣得海州久之官軍不至城中之人始知其無援然衆已背金
不敢有貳心勝懼乃推寶之子承節郎公佐領州事自出募兵得數千人往攻沂州有女直萬戶之妻王夫人
者陽引兵避之勝入城遇伏與戰大敗僅以身免勝復還海州金兵聞之寶聞磨兵登岸以劍資地曰此敵界
非復吾境當力戰因握劍前行接敵奮擊士無不一當十金人驚出意外亟引去於是勝出城迎寶寶維舟幅
士遺辯者四出招納降附時山東豪傑開趙明椿劉昇李權李存鄭雲等各以義旗聚衆趙與耿京所部軍馬
將王世隆合共攻城陽軍城陽軍者密州之莒縣陷後改爲趙等聞寶來遣使至軍前納款寶以爲修武郎會
金人自汴州遣五百騎至城陽軍解圍趙等散去世隆以其軍屯日照縣境寶舟至膠西縣遣提舉一行事務
曹陽伴借民馬與小吏徐堅往迎之世隆以其衆降後數日開趙亦至寶以世隆趙並爲山後都統制以待官
軍進攻且爲聲援

金人自渦口繫橋渡淮先是池州都統制李顯忠提兵在壽春安豐之間欲回軍廬州徐觀其理至謝步驟輟

敵自正陽渡淮矣參議官劉光輔曰若欲奪戰地豈可退却宜據形勢之地結壘以待之見利則進策之上也
顯忠從之得低山深林可以設伏顯忠率心腹百餘騎轉山取路敵直掩顯忠之背顯忠覺之率諸將邀截獲
數人俄聞敵大至遂自峽山路渡大江以歸
此壽春指南壽春有安豐軍北壽春也今鳳臺縣南州在南壽春東南謝步在壽春南此時金由懷遠之溝口渡淮在其東而顯官其由正陽則在其西顯報之誤也峽山在舒城縣南桐城縣北故渡大江

劉錡自盱眙軍引兵次淮陰縣留中軍統制劉汜左軍統制員琦守盱眙時金人將自清河口放船入淮錡列
諸軍於運河岸以扼之數十里不斷望之如錦繡金人以鐵騎列於淮之北望之如銀劉錡令淮東副總管張
榮選所部戰船六十五艘民兵千人赴淮陰軍前使喚先是詔調淮東丁壯萬人付榮於射陽湖等處緩急
保聚時淮東遭水災民多乏食錡請日給民兵錢米及借補首領官資以爲激勵而轉運使楊抗令榮分其兵
之半歸農半給錢米至是調赴軍前者皆潰逸不歸榮卒不能軍劉錡得金字牌遞報淮西敵勢甚盛令錡沮
軍備江時錡在淮陰與金人隔淮相持已數日至是清河口有一小舟順流而下錡使人邀取之有粟數萬而
已錡曰此探水勢者也俄頃金人各抱草一束作馬頭以過舟舟約數百艘有戰艦往濠州者有載敵輜之楚
州揚州者汴流牽挽其勢甚速錡募善沒者鑿舟沈之金人大驚先是淮南轉運副使楊抗米民爲小寨以土
寨胡深充都統領抗在淮陰見錡與金人相持自言欲守水寨且催督錢糧應副大軍乃聚其甲而去渡江
居江陰軍錡遣兵渡淮與金人戰先是錡遣前司策應右軍統制王剛等間以兵數百渡淮金人退却官軍小

勝既而金人悉眾來戰鋒不遺援師次戰沒者以千數至是又遣刀斧手千人渡淮或進或却以退無歸路死者什七八鋒聞王權敗乃自淮陰引兵歸揚州淮甸之人初恃鋒以爲安及聞退軍倉卒流離於道死者十六七鋒之未退也檄淮東副總管張榮以所部人船盡赴淮陰是日榮被檄即發泰州至楚州則大軍已退其所統民兵皆驚潰榮收散亡僅千人至邵伯埭決運河水入湖以自保焉

淮陰今清河縣清河口泗水口也運河在淮水南射陽湖在山陽縣東北邵伯

埭今邵伯故在高郵州南甘泉縣北四十五里運河東岸湖在河西

金主亮率師渡淮是夜漏下二鼓王權自廬州引兵遁屯昭關初金主亮在壽春欲渡淮繫浮橋已成邏者獲權軍擺鋪數人中有一曹司金主亮見之問權所在曹司曰在廬州又問有兵幾何曰五萬金主亮曰是也吾知之矣乃以金十餘兩遺曹司且令附書與權權聞金已渡淮遂自廬州退兵沿路作虛寨以疑敵有游騎爲權軍所執權與之酒問其虛實有都塚寨者曰大金起兵六十萬以十萬出清河口不戰但爲疑兵以當淮東之軍以二十萬分往西京三十萬隨國主來其十萬人出戰十萬人護駕十萬人奪淮渡江權曰不可當也宜引避之遂退保和州金主亮既渡淮令萬戶蕭瑋以十萬騎自花營鎮由定遠縣取滁陽路至揚州琦至藕塘駐軍數日先以百餘騎攻清流關南軍無與敵者又二日遂長驅入關直抵滁州右朝奉大夫知州事陸廉癸城去金兵所過皆不殺掠或見人則善諭之使各安業有軍人遺火焚民居草屋一間者立斬之乃揭榜以令過軍初淮南轉運副使楊抗令州縣鄉村臨驛路十里置一烽火臺其下積草數千束又令鄉民各置長槍僅

晉嚴切人甚苦之至是金入滁州界方以乏馬獨爲患而所得積草甚衆又鄉民皆聚槍而去盡爲金人所取
時之深入也每過險阻憂必有備至則全無守禦如陷無人之境金甚笑其失計焉

花縣鎮在滁州北滁陽今滁州屬城在定遠清流關

在滁州北
今曰關山

金人侵樊城先是都統制吳拱至襄陽欲屯萬山小寨或襄陽失利則西入蜀諸軍皆洶洶不定時荆南軍新
創金將劉蕡擄衆十萬揚聲欲取荆南又欲分軍自光黃擣武昌朝廷以金昔嘗由此入江西慮擣根本令拱
遣兵護武昌一帶津渡拱將引兵回鄂宜諭使汪澈聞之馳告止拱而自發鄂之餘兵進戍黃州拱還襄陽
編陳不自已會劉蕡取通化軍前一夕牛首鎮莊家三人縋城入襄陽告以金人且至拱疑之不爲備翌日金
騎三千忽至樊城欲奪浮橋徑至城下自請好後樊城不修築多缺壞副將翟貴都將王進時以兵二百戍焉
統制官張順通以百鎗巡邏與敵遇擊之會繫浮橋未成敵不得濟二將引兵出戰拱登城漸出兵禦之敵少
却金人三却至竹林下鐵騎突出官兵遂敗拱以四舟渡師助之阻風不至二將俱死士卒半掩入水中至晚
金兵退是役也以大捷聞武功大夫張平未嘗出兵亦以奇功遷中衛大夫軍中謂之樊城功賞

牛首鎮在襄陽西北四十里

中書舍人權直學士院虞允文聞王權字滿須知事急度權與劉錡必俱退遂率侍從數人同見輔臣言權退
師已臨江口必敗國事尙書右僕射朱倬參知政事楊樸皆曰權自言退師以導敵深入身當其衝令步軍司

左軍統制邵宏淵出其右池州都統制李顯忠出其左夾攻之允文等力辯其不然且言權爲走計俾等猶以爲不然踰日果得王權敗歸報中外大驚帝召太傅和義郡王楊存中同宰執對於內殿帝諭以欲散百官浮海避敵左僕射陳康伯曰不可存中言敵空國遠來已臨淮甸此正賢知職驚不足之時願率將士北首死敵帝喜遂定親征之議

侍衛步軍司左軍統制邵宏淵及金統軍熊琦戰於真州胥浦橋西琦自滁州引兵至瓦梁扼滁河不得渡執鄉民歐大耆問之大以紹興十一年韓世忠以數百騎往定遠縣虛驚而回至瓦梁盡毀民居以爲浮橋恐金人效之乃答以有路自竹岡鎮可徑至六合縣琦從之俾爲鄉導遂迂路半日故六合居人皆得逃去宏淵在真州方飲酒有報金人且至者亟率衆相遇於胥浦橋宏淵命將官三人拒於橋上金人弓矢如雨我師多死城中老弱皆竄避惟守家強壯猶登城以觀正爭橋間敵實草以渡河三將皆死宏淵率親隨軍入城掩關以拒軍民皆奔江上得丹渡江以免宏淵毀閤板退屯於揚子橋真州遂破金人得城不入徑自山路攻揚州江淮制置使劉錡軍遁至邵伯埭聞金攻真州疑揚州已不守未敢發會探者報揚州城上旗幟猶是官軍錡曰真州雖失揚州猶爲國家守當速進乃自北門入見安撫使劉澤澤以城不可守勸錡退屯瓜洲錡令諸軍醵徐國所向

瓦梁今六合縣竹岡鎮今曰竹鎮在六合西北近天長界胥浦橋在儀徵西十里揚子橋在江都縣南十五里

建康府都統制王權自和州迴歸權聞敵且至紿其衆曰已得有棄城守江矣遂引兵登車船渡江屯於東采

石金人入和州初金兵至近郊猶未知王權棄軍而歸也後軍統制韓霖最後出城乃縱火城中喧亂金人聞之曰南軍遁矣遂進兵入城城中糧糈器械並委於路敵勢奔突軍民自相蹂踐及爭渡溺死者莫知其數將士憤怒號呼指船詆罵皆以權不戰輟國爲言統制官時俊殿後以勢伏道傍敵騎稍止潰兵往往棄甲抱蘆葦浮江而渡得生者十四五

東采石今采石鎮也以在江東故名猶正陽關以在淮東故名東正陽梁山在江東曰東梁山也

江淮浙西等路制置使劉錡退軍瓜洲鎮金破揚州初邵宏淵既失利金人徑攻揚州屯於平山堂下宏淵亦退在揚子橋南毀闕板而渡揚州軍民皆傾城而奔錡乃退軍自南門外拆民屋浮橋諸軍過絕卽毀橋由東門而去守臣武功大夫榮州刺史劉澤亦奔泰州往通州渡江入平江府

瓜洲鎮在江都南四十里平山堂在今揚州府城西

杜莘老爲帝言今親征與曩日事異宜皆從簡以幸所過郡縣帝曰此行中宮及內人不往止與建王行欲令編識諸將耳乃命王府直講史浩從行自金人侵攻江淮一時宿將莫不震怖惕息獨王處之恬然不懼廷臣有奏請王爲元帥者及扈行邊遽日至王預料某所可守某所可攻某人可用後率如所言

建王孝宗也

王權自采石夜遁建康既而復如采石時金主亮率大軍臨西采石楊林渡已數日權與左朝請大夫知太平州王傳猷庇匿不以聞州學諭汪餘慶與教授蔣繼周同往見傳猷之何氣奪一日發八奏初奏言金人已攻采石而不言東西朝廷大驚三省樞密院吏皆挈家出都人驚疑不可止次報金人已到楊林渡朝廷莫知其

在江之南北益懼因遣人於閭巷間求嘗處歷陽人問楊林所在夜二鼓乃得一士人言楊林西采石之渡口

也於是疑稍定西采石即和州之橫江浦以其東對太平府之采石折故名西采石楊林渡其渡名西采石指岸言楊林浦言橫江則古名也

鎮江府左軍統領員琦及金人戰於揚州阜角林敗之初金人既得揚州卽遣兵逐劉錡與南軍相尾至是金軍來爭瓜洲渡錡命統制官賈和仲吳超等拒之於阜角林琦陷重圍下馬死戰數十合中軍第四將王佐以步卒百有四人往林中設伏金兵既入強弩俄發金人以運河岸狹非騎兵之利稍引去遂大敗之斬統軍高景山俘數百人時諸處以捷旗報行在者絡繹於道市人語曰日報捷可喜但一報近如一報亦可憂督視軍馬稟議問讀錡捷報至金兵又添生兵顧謂侍吏曰生兵是何物聞者皆笑當時謂之兔園福密阜角林在瓜洲鎮北

里十

浙西馬步軍副總管李寶與金丹師過於密州膠西縣陳家島大敗之初金主亮用降人倪詢商簡梁三兒等計造戰船數百使工部尙書蘇保衡等統之約以十月十八日至海門山入錢塘江事畢來江上迎報金丹泊陳家島寶舟泊石臼山相距三十餘里而北風日起寶憂之有大漢軍水手數百來降大漢軍所策上等戶也皆富家子弟寶問之得北軍事寶將曹洋請逆戰知胸山縣高敞曰不可彼眾我寡宜避之洋曰彼雖眾皆不諳海道且降人云女直在船中惟餽餉而睡略不能動雖眾何爲況我深入至此前逆大敵欲退其可得乎寶伺金人未覺遣洋與裨將黃端禱於石曰神祈風夜潮將盡起碇南風漸應眾爭奮俄頃薄敵船鼓聲震疊金人失措金帆皆以油纒爲之舒張如錦繡相互數里忽爲波濤卷聚一隅寢感無復行次船中有火起者

寶命以火箭射之其油帆煙燭隨發延燒數百艘火不及者猶前拒寶進軍躍登其舟短兵擊刺殲之舟中其策軍脫甲而降者三千餘人獲其副都統驍騎上將軍益都府總管完顏正嘉弩等五人斬之保衛舟未發而引去獲倪鵬等三人及金詔書印記與器甲糧斛以萬計

唐西今膠州膠東島在其東海中石曰山在其島南海門山今海州所江入海危嶺等山也

劉錡在瓜洲四日無日不戰錡恐人心不固乃遣人自鎮江取妻子以安人心至是有詔令錡專防江上會錡病已劇遂將與渡江留其從子中軍統制官范以千五百人戍瓜洲渡

知樞密院事葉義問至鎮江權立行府中齊會人無參謀軍事虞允文見太尉劉錡問兵敗狀錡曰儲當上還制置招討二印耳允文曰國事如此公持是印欲安所歸乎錡慚不能答知樞密院事葉義問在鎮江得知建康府張璠狀言金人侵采石為渡江計勢甚危急急保江淮時制置使劉錡遣屯鎮江病已劇義問乘大舟以二校執器械立馬門左右至鎮江聞瓜洲軍與金人相持惶遽失措時江水低淺沙洲皆露義問役民夫掘沙為溝深尺許沿溝栽木枝為鹿角數重曰金人若渡江姑此障之鄉民執役且笑曰樞密肉食者其識見乃不逮我輩食糠粃人一夜潮生沙溝悉平木枝皆流去矣會建康告急義問乃遄陸而進鎮江府中軍統制劉汜及金人戰於瓜洲鎮敗績時金人以重兵擣瓜洲權都統制李橫引諸軍迎戰葉義問督鎮江駐劄後軍渡江衆皆以爲不可義問彊之未著北岸義問懼怯見於顏色卽令向西去曰欲往建康府催諸軍起發市人皆嫌罵之汜提本部兵先走諸軍皆不進橫以孤軍不可當亦遁失其都統制印金人鐵騎掩至江上左軍統制義

俊後軍統制王方戰死柳林中皆金瘡被體汜性驕情不習軍事至是卒敗驍問離鎮江三十里至下蜀鎮有急遽云官軍敗退瓜洲渡爲金人所據驍問大驚問山路可通浙東否諸將皆喧沸曰糧糈不可回回則不測

左右亦懼乃請驍問速趨建康

下蜀鎮在句容縣北大江南岸

驍王權赴行在以李顯忠代之命中書舍人參謀軍事虞允文往蕪湖趣顯忠交權軍且稿師采石時知建康府張瑄至府纔十餘日夜漏下二鼓允文扣府門求見曰此何時而公欲安寢乎瑄曰日來人情洶洶太守不鎮之以靜必不安雖然舍人何以見教允文曰謀者言敵以明日渡江約晨炊玉麟堂公何以策之曰擬以死守留鑰遣郵其他舍人平日以名節自任正當建奇功以安社稷允文曰此允文之素志特決公一言耳先是金主亮爲內變所撓自將細軍駐和州之雞籠山用內侍梁漢臣議將自采石濟臨江築壇刑白黑馬各一以祭天以一羊一豕投於江中召都督鄧副都督宮里瑄謂之曰舟楫已具可以濟江矣宮里瑄曰臣觀宋舟甚大我舟小而行遲恐不可濟金主亮怒曰爾昔從梁王追趙構入海豈皆大舟耶明日汝與昂先濟鄧聞欲令之渡江悲慟欲亡去及暮金主亮遣人諭之曰前曾一時之怒耳不令先過江也其明日虞允文督舟師敗金兵於東采石允文未至采石十餘里聞鼓聲振野允文見官軍十五五坐路傍者問之衆曰王節使在淮西擊鼓令騎馬渡江我曹皆騎士今已無馬我曹不辨步戰也從者皆勸允文還建康曰事勢至此皆爲他人壞之且督府直委公犒師耳非委督戰也奈何代人在責允文不聽策馬至采石趨水濱望江北敵營不見其後

而權餘兵才萬八千人馬數百而已金主亮遣武平軍都總管阿林武捷軍副總管阿薩率舟師先濟宿直將軍溫都沃喇國子司業梁欽等皆從戰金主亮登高臺張黃蓋被金甲以觀戰南師已爲還計允文召其統制張振王琪時俊戴舉盛新等與語謂之曰敵萬一得濟汝輩走亦何之今前控大江地利在我孰若死中求生且朝廷養汝輩三十年顧不能一戰報國衆曰豈不欲戰誰主者允文曰汝輩止坐王權之繇至此今朝廷已別選將將此軍矣衆愕立曰誰也允文曰李顯忠衆皆曰得人矣允文曰今顯忠未至而敵已過江我當身先進死與諸軍戮力決一戰且朝廷出內帑金帛九百萬緡給師度承宣觀察使告身皆在此有功卽發帑賞之書告授之衆皆曰今既有主請爲舍人一戰允文卽與俊等謀整步騎陳於江岸而以海鯨及戰船載兵駐中流擊之時水軍將蔡甲韓乙各有戰艦皆唯唯不動乃急命當塗民兵登海鯨船踏車軍人說諭民兵曰此是必死之地若齊心求生萬一有得歸之理民兵皆然之布陳始畢風大作金主亮自執小紅旗麾舟自楊林口尾尾相衝而出金所用舟皆撤和州民居屋板以造及掠江兵渡舟舟中之指可掬敵始謂采石無兵且諸將盡伏山峻未之覺也一見大驚欲退不可敵舟將及岸南軍小却允文往來行間顧見時俊撫其背曰汝膽略聞四方今立陳後則兒女子耳俊回顧曰舍人在此卽手揮雙長刀出陳江風忽止南軍以海鯨船衝敵舟舟分爲二南軍呼曰王師勝矣遂併擊金人金人所用舟底闊如箱行動不穩且不諳江道皆不能動其能施弓箭者每舟十數人而已遂盡死於江中有一舟漂流至薛家灣薛家灣者采石之下數里有王琪軍在焉以勁

弓齊射舟不得著岸舟中之人往往懸屍於板而死是役也戰艦終不出允文追蔡韓二將各鞭之百金士卒不死於江者金主亮悉殺之怒其舟不能出江也初金主亮問頃年梁王何以得渡江或答曰梁王自馬家渡過江江之南雖有兵望見我軍即奔走船既著岸已無一人一騎金主亮曰吾渡江亦猶是矣楊林口出舟當塗之民在采石上下登山以觀者十數里不斷金主亮望之曰吾放舟出江而山上人皆不動何也方敵舟未退會淮西潰卒三百人自蔣州轉江而至允文授以旗鼓使爲疑兵敵既敗去允文即具捷以聞且椎牛瀾以勞軍夜半復布陳待敵翌旦廣允文盛新引舟師截楊林河口戒曰若敵船自河出即齊力射之必與爭死毋令一舟得出如河口無敵船則以尅敵神臂弓射北岸新即駐舟江心齊力射敵敵驚見舟師遠却其上岸者悉陷泥中斃南軍復於上流以火焚其餘舟允文再具捷奏且言敵軍船來臣不當便引去且留此與統制官同謀戰守須俟一大將至乃敢還建康

玉麟堂當作健麟在和州東南橫江浦上雞籠山在和州西北三十五里馬家渡在江甯縣西南楊林河口在橫江旁所謂西采石也

金主亮既不得濟乃口占詔書命參知政事李通書之以貽王權曰朕提兵南渡汝昨望風不敢相敵已見汝具獻天威朕今至江上見南岸兵亦不多但朕所創舟與南岸大小不侔兼汝舟師進退有度朕甚賞愛若盡陪臣之禮舉軍來降高爵厚祿朕所不吝若執迷不返朕今往瓜洲渡江必不汝赦遺瓜洲所掠鎮江軍校尉張千擊舟持書至軍前將士皆變色允文亟曰此反間也欲攜我衆耳時新除都統制李顯忠亦自蕪湖至謂

允文曰雖如此亦當以朝廷罪王權之事答之庶絕其冀允文以爲然遂作檄曰昨王權蓋風退會使汝鵬
張至此朝廷已將權重賞典意今統兵乃李世輔也汝豈不知其名若往瓜洲渡江我固有以相待無庸言見
忱但備一戰以決雌雄可也遣所獲女直二人齎往金主亮得書大怒遂焚宮人所乘龍鳳車斬梁漢臣及遣
舟者二人於是始有瓜洲之議及金主亮以其軍趨惟東允文謂顯忠曰京口無備我今欲往公能分兵見助
否顯忠曰惟命卽分主管侍衛步軍司公事李擇軍一萬六千人及戈船來會京口允文至建康留守張瑄謂
曰金約八日來此會食使張安往衆議孰可以往鎮江者皆有難色瑄曰處舍人已立大功可任此責允文欣
然從之至鎮江謁招討使劉錡問疾錡執允文手曰疾何必問朝廷養兵三十年大功乃出書生手我輩雖死
矣御營宿衛使楊存中建康府都統制李顯忠皆見率將士戮力一心期於克敵乞少緩進營之期從之初上
以瓜洲失利亟命存中往鎮江措置守江且命官埋鹿角隔橋自鎮江至於江陰境上時江岸才有車船二十
四艘旣而虞允文與李顯忠所遣戈船亦至金主亮在瓜洲鎮存中允文以敵騎臨江恐車船臨期不堪備用
乃與淮東總領朱夏卿鎮江守臣趙公偁臨江樓試命戰士踏車船經趨瓜洲將泊岸復回金兵皆持滿以待
其船中流上下三周金山回轉如飛金人駭愕亟遣人報金主亮亮觀之笑曰此紙船耳因列坐諸將一將前
跪曰南軍有備不可輕且采石渡方此甚狹而我軍獨不利願駐於揚州力農訓兵徐圖進取金主震怒拔劍
數其罪命斬之哀謝良久乃杖半百釋之

詔淮東制置使成閔元帶到鄂州軍馬日下發還言者論金人自擁重兵身臨淮東日生姦計意欲渡江故朝廷督責諸帥嚴爲捍禦今鎮江已有元來屯駐軍馬見係都統劉銳所管並步軍李擇都統邵宏淵及殿前司諸軍精銳盡集京口一帶近日制置成閔又自襄漢率軍來赴鎮江防遏及摘帶鄂州所屯人馬同來鎮江既有諸帥軍馬湊集在彼今又益以成閔之軍則軍勢不爲不盛據天險以拒金人自足以制敵取勝然聞金人見有十餘萬衆屯聚汴京深慮敵人知我重兵盡集鎮江則襄漢一帶必虛倘以精兵襲我上流吳拱雖有軍馬在彼勢力單弱倉卒衝突我雖欲應援拆流數千里之遠豈能旦夕而至請將成閔帶到鄂州軍馬速發還本處仍戒諭吳拱明達斥堠嚴切捍禦常爲待敵之策庶幾首尾不落敵人變詐故有是詔先是閔以鄂州水軍及勝捷軍統制張成後軍統制華旺所部偕行乃令成等還鄂州屯駐

金人以舟師攻荻湖官軍擊却之荻湖在漢水之南與光化軍相對有鄂州副都統制李勝荆南副統制張進之軍在焉至是金人以舟渡師欲攻襄陽會風勢不利不得著岸鄂州府軍旗頭史俊應旗涉水直登一舟呼曰前軍得功矣諸軍宜速進金人初不虞其登舟遂大驚失措行隊不整有墜水而死者諸軍繼進俊殺其千戶一人奪舟數十金人乃還

詔樞密行府行下沿江諸大帥各條陳進討恢復事宜資政殿學士知建康府張瑄首陳十事大率欲預備不虞持重養威觀變而動期於必勝江南東路轉運判官李若川柳大節言金人反盟驢武上天降殃其主被獻

民衆遁走乃傳其子見留京東軍馬頗衆有親信以統之勢須邀擊以報擄殺之讐今過淮敵兵敗亡雖多尙有十餘萬衆甯肯束手就死亦須窮討及金人巢穴多有完顏族類豈無守國軍馬必不能棄舊主之子亦不肯助弑主之衆定國自立更相攻殺繼而後已當此毀隙契丹起而乘之過于五軍于爭國各自救不暇豈暇尙占中原百姓被祖宗德澤之深日思鯁食盡聚以迎王師此誠天敗恢復之時不可失之機會也然王師大舉尤務慎重以成萬全之功一乞少暇將士以養銳氣二乞預備錢糧無致少闕三乞添器甲以備分給中原義兵緣義民雖衆唯關器甲使用四乞敵人欲敦誘好誘以好言以款之五乞多遣人密結中原義兵以爲應援六乞厚賞募人探知敵情以便進取七乞召集諸大帥共議軍事勿致臨時異同然後諸路並進非特恢復中原有反掌之易亦可一舉而空朔庭也提舉江南東路常平茶鹽公事洪适言金主亮既殂大定改元未必諸國服從若能仰順天時遣使歸驪則王師不血刃而得土宇實天下之幸萬一敵衆尙強自淮以北別無爭立之人則宜多遣有膽力人密傳召檄使中原義士各取州縣因以昇之王師但留屯淮西募兵積粟以爲聲援不必輕涉其地以務力爭俟漢蜀山東之兵數道聚集見可而進遲以歲月必有機會可乘恢復故地何翅破竹庶幾兵力不煩可以萬全

(三十二年)邵州防禦使知文州節制軍馬向起爲鄂州觀察使右武大夫興州前軍統制節制軍馬吳挺爲榮州刺史右武大夫達州刺史興州前軍統制劉海爲拱衛大夫賞秦州之捷也時四川宣撫使吳玠在河池

遣中軍統制杜寶傳令起等曰軍行並從隊伍勿亂次勿殿後勿踐毀民舍勿取民財逢敵欲戰必成列爲陳
甲軍弓弩手並坐視敵兵距陳約百五十步神臂弓兵起立先用箭約射之箭之所至可穿敵陳卽前軍俱發
或敵兵直搗拒馬令甲軍槍手密依拒馬枕槍攔次忠義人亦如之違者並處斬如敵已敗許忠義人乘其後
追擊之必生獲金人與其首級乃議賞否則闕其有以他地兵爲金人冒賞者罪亦如之凡布陳之式以步軍
爲陳心爲左右翅翼馬軍爲左右肋拒馬環於左右肋之內以衛步軍以一陳約之主管敵陳統制一統領四
主陳播發各一正副將準備將部隊將則因其隊爲多寡陳兵三千二百六十有三部軍居陳之內者一千二
百有七爲陳心者一千有六甲軍槍手五百有二神臂弓與拒馬者二百居陳外分兩翅副翼者五百六十有
六左翼二百八十有三主陳將官二平射弓二百有七神臂弓六十右翼亦如之馬軍居陳外爲左肋者二百六十有一將官二
管隊十隊兵乘騎二百四十有八右肋亦如之雖間有貼撥輔陳增益之不同而大略如此

曾書論料理江淮三事其一請於兩淮荆襄之間創爲四大鎮如維揚合肥廬陽襄陽各爲家計增城浚隄以
立守備農戰交修以待天時每鎮招集沿邊弓箭手二萬人人授良田百畝給與牛種雖無租賦實免供饋悉
遵陝西沿邊故事仍以湖北州縣之在江北者隸廬陽二曰大江之南控制吳蜀夙有屯兵據其險阻之地今
當建爲五帥由鎮江而上至於建康九江江夏公安各以二萬人爲屯附以屬城供其餽糧列量烽燧增益樓
船三曰選擇兵官教習諸路將兵禁軍土兵弓手此實久安之計乃詔楊存中成閔李顯忠向子固方滋楊抗

向杓王彥融強友諒相度關奏

金人攻蔡州待衛馬軍司中興軍統制趙撾擊却之初金既敗歸撾益修守禦京湖制置使吳拱進屯南陽遣後軍統制成罕華旺捷勝軍統制張成各以所部兵來援合撾及賸白軍統制焦元所部總六千人而已金將費摩以數萬至城下距城西北一里依汝水爲營翌日分兵半攻城半掠糧凡三遣人以書至城下撾命射之將死者曰此奉書來與趙提舉商量軍事撾終不納諸將曰敵人以書來未知其意姑接之何嘗撾曰不可若觀之必致士卒之疑適中其計前一日金乘昏黑填濠於南門外十三處寂然不聞其聲質明方覺之焦元中流矢遂下城金人乘勢登城敗南門而入撾在城西方即南壁失利卽下城集諸軍占地勢以待華旺成罕焦元欲奪東門出奔守門統領官劉安不聽將官李進閣南門被攻急乃率弩手二十餘人赴之將刀登城中三矢而死撾率士卒巷戰日轉午勝負未分效用王建募死士十一人截其甲裳登城殺敵至申刻相持不動馬軍司第十八將王世顯請募敢死士得四十人登城接戰殺其二將金人驚潰皆自擲而下南軍奮擊死者不可計會金師登南門望南軍旌旗不亂曰今日城又不可得復下城而去撾大呼曰金人走矣軍士皆歡呼金人遂敗爭門而出不得出者聚愁場中有千餘人諸軍圍之剿殺皆盡撾命積金人之屍爲二京觀撾苦戰僅十旬軍不過六千人大戰之後軍吏戰死者已四百餘人負創者三千七百人可戰者僅二千人而已金人既敗猶整頓行伍於西原分八頭每一頭以兩旗引去以示有餘南軍望之皆不言而咨歎金再攻城以大車載

新欲火西門擡伏壯士壘城俟其至開關突擊之金人棄車而遁鄂州駐劄御前中軍權統制王宣亦敗金人於蔡州確山縣前一日宣以所部距確山三十五里而營質明候騎報敵至確山衆欲不戰宣不可乃舍其步士引騎兵三千先行分爲三陳敵冲陳心宣令諸軍以背刀冲奪三陳俱進秉義郎右軍副將汲靖有勇力宣召之靖請百騎宣與騎二百靖上馬據鞍高呼曰今日汲靖爲國家破此敵敵若不破誓不生還左右聞之人百其勇宣曰汲靖事濟矣靖馳入敵陳奮擊敵衆披靡靖出入者三惟亡二騎諸軍亦勇進金人遂遁宣整衆不追方金之未敗也招討使吳拱以趙撙孤軍不可留屢以蠟書趣回軍撙以敵圍方急若棄城去敵兵追擊勢必敗亡況蔡州軍食有餘拱怒以蠟書付諸將令一面班師會敵兵敗還撙乃與諸將夜出蔡州居人皆從之天氣昏黑墮空谷而死者甚衆於是撙自信陽歸德安而宣亦還屯襄陽府

金人破河州初河州既受圍金將溫特模揚言曰河州能爲南人死守甚壯今我留此萬一漢軍乘虛入關則熙又爲人有也不如引兵歸援熙耳乃率兵去城上士卒聞之交口相賀守城者弛甲坐是夜人人困臥城隙敵以鐵騎擣城斯須城壞州民尙有未知敵至者

正侍大夫宣州觀察使興元府駐劄御前右軍統制楊從儀率諸將攻大散關拔之關之未下也左從政郎都統司幹辦公事朱勣以群潰總領財賦王之望言諸軍關志不銳戰心不壯且曰使我力戰就果立微勞其如賞格當在何處伺候駁實保明申報宣司總司指揮往返數旬豈能濟急大率目今事勢與前事異不立重賞

何以責人於死事乞詳酌措置略於川蜀科數軍需之費十分之一多與準備賞給錢物近一二百萬自總所移文諸帥多出曉示號令諸軍各使立功以就見賞如散關一處使當初有銀絹一二萬匹兩錢引一二十萬道橋在鳳州宜撫吳公節使姚公明告諸軍遣二三統制官各以其所部全軍一出諭之曰當進而退則坐以軍律進而勝捷能破關險則有重賞如是而軍不用命敵不破滅無有也之望怒答書言用兵百三十日糧糴草料銀絹錢引所在委積累次囑稿并朝廷支賜文字纔到本所立便給做略無留阻散關前攻不下聞自有說不知是險固不能取也抑是有可取之理而無銀絹錢引之故士卒不用命也若可取而士不用命豈計使之故則必有任其咎者況關攻關之日死傷不少則非士卒之不用命矣自來兵家行軍若逗撓無功多是以糧道不繼嫁禍於有司以自解亦未聞以堆垛賞給爲詞者也國家患兵二十年將士不戰竭西川之資以奉之一旦臨敵更須堆垛銀絹而後可用則軍政可知矣且如向來和尚原劉家閣殺金坪諸軍大捷近日吳宣撫取方山原秦州等處王四廂取商虢等州吳四廂取唐鄧州亦不聞先垛銀絹始能破敵也朝廷賞格甚明本所初無慳吝如秦州治平之功得宣司關狀即時行下魚關支散何嘗稍令闕誤兼關金帛錢物充滿府藏宣撫不住關撥豈是無有橋辦耶李晟屯東渭橋無積貲輸糧以忠義感人卒滅大盜足下以書生爲人幕府不能以此事規贊主帥而反咎主人以不敏於民豈不異哉九月以後興元一軍已支撥過錢引二十八萬道銀絹二千匹兩而糧糴草料與稿設稿賞不與焉亦不爲不應付矣若皆及將士豈不可以立功有功未賞

而未得者何人也朝廷分司庀職各有所主而於財賄出納爲尤嚴經由檢察互相關防所有廢降指揮凡有支費宣司審實總所量度此古今通義而聖朝之明制也來書謂攻散關時若得銀絹錢引橋在鳳州而敵不破滅無有也橋在鳳州與在魚關何異方宣撫以攻守之策會問節使時亦聞以此爲言今散關鳳翔未破足下可與軍中議取散關要銀絹錢引若干取鳳翔要若干可以必克本所當一切抱認足下可結罪保明具申當以聞於朝如克敵而賞不行僕之責也若本所抱認而不能克足下當如何賊不能對至是從義督同統制田昇等夜引兵攻拔之遂分兵據和尚原金人走寶雞

四川宣撫使吳玠自秦州引兵至德順軍先是興元都統制姚仲攻德順逾四旬不能下乃以知夔州李師顏代之會金都統闕克坦喀齊喀副都統張中彥自鳳翔濟師來援遇於瓦亭統制官秀州刺史吳勝閭宣贊會人朱勇等以所部逆戰統領官王宏謂人曰吾赤手歸朝驟官將領不以死力戰非夫也卽突出部其徒奮擊飛矢如鴈毛宏不動敵敗去然諸軍猶畏敵軍盛復相持不敢進玠恐士有意志遂自將以往至是抵城下自將數十騎遠城守陣者聞呼相公來觀望皆嗟矢不甚發敵氣索於是玠按行諸屯預治夾河戰地前一日當陳新一將數其罪以肅軍諸將股慄乃先以數百騎當敵金人一鳴鼓銳士躍出突宋兵遂空壁來戰宋軍得先治地無不一當十苦戰久之日暮玠忽傳呼某將戰不力其人卽殊死闕金兵大敗遂遁入壁質明玠再出兵金人堅壁不戰會天大風雪金人引衆夜遁玠入城市不改肆父老擁馬迎拜玠不得行遂遣忠義統

領驍忠取瓊州獲其守將中憲大夫郭裔先是實功大夫閻門宣贊會人強覽與其弟武經大夫震皆陷敵及
是自瓊州來歸驍忠其忠義奏以聞知瓊州兼沿邊安撫司公事震統領忠義軍屯瓊州

德順軍今靜南州瓦亭在華亭縣西北

川陝宣諭使虞允文至西縣之東繼領四川財賦王之望自利州往會之允文之出使也與京西制置使吳玠
荆南都統制李道會於襄陽至是又與四川宣撫使吳玠會於河池前後博議經略中原之策令董庠守淮東
郭振守淮西趙鼎次信陽李道進新野吳玠與王彥合軍於商州吳玠姚仲以大軍出關輔因長安之糧以取
河南因河南之糧而會諸軍以取汴則兵力全而饋道便兩河可傳檄而定遂驛疏以聞先是之望數以軍興
費廣爲言朝廷令勸諭民戶獻納之望因親至梁洋諭募民使輸財

都統制姚仲以大軍至原州之北嶺與金人合戰南兵大敗前一日仲未至開邊寨之十里將以次日由九龍
泉上北嶺令諸軍弓弩盡滿引行前輜重隊居後平旦遇敵萬餘來戰仲以盧仕閔所領馬步軍及陝西兵合
爲頭陳次以己所統部軍六千四百十有八爲四陳隨勢便利分列之又以統制官姚志所部兵爲後拒列爲
臨曲南軍盡力鏖擊陳面開合凡數十敵兵每一衝陳率三千餘衆迭爲進退輜重隊隨陳亂行不整第一第
二陳方交鋒而第三第四已爲金兵破拒馬而入陳心衝潰輜重中隔莫可接第五陳及仲牙兵死鬪最久自
辰至未人馬死亡枕藉道路軍遂大潰志陳居第六已逾兩隘行前者還報諸陳盡爲敵兵所敗志謂其徒曰
前軍旣敗我輩進亦死退亦死等死耳進猶可生也遂悉其軍各死戰未幾金人馬軍直前衝擊志令左軍第

四正將張傳傳令槍手盡坐神臂弓先發平時弓次之起伏凡五金兵引退約二百步志遂趨陳邇七八里敵乃歸南山原當時詢求姚仲不得頃之有報仲已至開邊寨志遂令將官楊立領神臂弓甲兵各五隊據九龍泉大川路以備敵邀擊是役也武顯大夫興州前軍同統制鄭師廉與統領官七將官三十隊將七十有三並死於陳隊兵以下不與焉仲既至開邊寨諱言五陳之敗惟推姚志爲奇功以捷報宣撫司公輔聞仲遇敵乃引兵次原州城爲策應過金人與戰至午各退保於故壘時吳璘方遣仲詰問原州敵勢且曰喀齊喀貝勒次鳳翔堅守不出勢不與處雖原州圍未解可且赴德順書未至而仲已敗

北嶺在鎮原固原之北開邊寨在固原西北九龍泉卽龍泉堡在鎮原西

鎮江都統制張子蓋與金人遇於石湫堰敗之先是金以數萬衆圍海州詔子蓋率兵往援仍聽張浚節制浚受命卽爲泚抵子蓋勉以功名令出騎乘敵弊子蓋至京口整軍渡江亟趣澧水擇便道以進前一日至石湫堰金萬騎陳於河東子蓋曰彼衆我寡利在速戰不可令敵知我虛實於是率精銳數千騎馳馬先入復州防禦使王友直以所部力戰御營宿衛前軍統制張玘爲流矢中其腦沒於陳士卒死傷甚衆金兵遂大敗擁於河瀾死幾半餘騎遁去

石湫堰在梅州南二十里

觀文殿大學士判建康府張浚言軍籍日益凋寡補集將士必資西北之人能戰忍苦方爲可仗訪得東北今歲蝗蟲大作米價漸貴中原之人極艱於食乞朝廷多撥米斛或錢物付臣措置招徠人心既歸北勢自屈詔

以米萬石予之浚以爲淮楚之人自古可用乘其困擢之後當收以爲兵乃奏曰兩淮之人素稱強力而淮北
義兵尤爲忠勇困於敵人荼毒已甚野敵欲報之心未嘗一日忘也特部分未廢器械不備雖有赤心不能成
事誠恐一旦嘉夫鼓率千百爲眾別致生事可因其嫉憤無聊之心而招集之宜置御前萬務營募民壯年十
八已上四十五已下堪充幫手之人並不刺臂面以御前效用爲名各給文帖許鄉貫居住之處及顏貌年甲
姓名令五人結一保兩保爲一甲十甲爲一隊遞相保委有功同賞有罪同罰於建康府置營案案治詔可之
遂卽下令曰兩淮比年累被荼毒父子兄弟夫婦殺傷擄掠不能相保今議爲必守之計復恥害怨人心所同
有願充者宜相率應募至於淮北久被塗炭素懷忠義欲報國恩亦當來歸共建勳業於是兩淮之人欣然願
就率皆強勇可用浚親觀撫之又奏差陳敏爲統制敏起微賤聲迹未振浚擢於困廢中敏感激盡力圖報未
幾成軍方召募之初浚言鼓動欲敗成績數月間來應者不絕衆論始定浚謂敵長於騎我長於步制騎莫如
轉衛轉矣如車乃令專制轉治車又謂三國以後自北來南未有不由清河渦口兩道以舟運糧蓋淮北廣衍
糧舟不出於淮則懼清野無所得有坐困之勢於是東屯盱眙楚泗以扼渦潁大兵進臨聲勢連接人心畢歸
精兵可集卽奏言之又多募福建海船由海窺東萊由清泗窺淮揚詔下福建選募

（孝宗隆興元年）張浚被命入見帝銳意恢復浚乞卽日降詔幸建康且謂金人至秋必謀南侵當及其未發
備之帝然其言乃議出師渡江三省樞密院不預聞會李綱忠邵宏淵亦獻擣虹縣靈壁之策帝命先圖二城

浚乃遣顯忠出濠州趣靈璧邵宏淵出泗州趣虹縣李顯忠自濠梁渡淮至陡溝金右翼都統蕭琦背顯忠約用拐子馬來拒顯忠與之力戰琦敗走遂復靈璧顯忠入城宣布德意不戮一人於是中原歸附者接踵時邵宏淵圍虹久不下顯忠遣靈璧降卒開諭蕭福金守將富察特默大周仁皆出降宏淵恥功不自己出會有降千戶訴宏淵之卒奪其佩刀顯忠立斬之由是二將不協未幾蕭琦亦降於顯忠顯忠又及宏淵敗金人於宿州顯忠兵薄宿州城金人來拒顯忠大敗其衆追奔二十餘里邵宏淵至謂顯忠曰招撫真關西將軍也顯忠聞營休士爲攻城計宏淵等不從顯忠引麾下楊椿上城開北門不逾時拔其城宏淵等殿後趣之始渡濠登城城中巷戰又斬首數千擒八十餘人遂復宿州捷聞帝手書勞張浚曰近日邊報中外鼓舞十年來無此克捷既而宏淵欲發倉庫犒卒顯忠不可止以見錢犒士士皆不悅詔以顯忠爲淮南京東河北招討使宏淵副之金人恃驕射夏久雨糧解弓不可用故屢敗都元帥布薩忠義豫興勤弓萬張於別庫至是使發汴庫所貯動弓給薪舍哩志甯軍時符離之捷日聞辛次膺手疏千餘言請加持重赫舍哩志甯以精兵萬人自睢陽攻宿州李顯忠擊却之金貝薩復自汴率步騎十萬來攻晨薄城下列大陳顯忠與之戰貝薩退走既而益兵至顯忠謂邵宏淵并力夾擊宏淵按兵不動顯忠用克敵弓射却之宏淵顧衆曰當此盛夏搖扇於清涼之下且猶不堪況烈日被甲苦戰乎人心遂搖志甯磨諸軍力戰萬戶瓜爾佳清臣爲前行毀顯忠所設行馬短兵接顯忠軍亂金兵乘之至夜中軍統制周宏鳴鼓大噪與邵世雄劉俊各以所部兵還世雄宏淵之子也繼而統

制左士淵統領李彥爭亦遣顯忠敗入城統制張剛通張師顏勅澤張淵等以顯忠宏淵不協各遁去走者自相陷藉僵尸相枕爭城門而入門填塞人人自阻遂緣城而上金兵自城外射之多墜死墮間癸丑金人乘虛復攻城顯忠竭力捍禦斬首二千餘積尸與羊馬牆平城東北角金兵二十餘人已上百餘步顯忠取軍士所執斧斫之金兵始却顯忠歎曰若使諸軍相與犄角自城外掩擊則敵帥可擒矣宏淵又言金添生兵二十萬來倘不返恐不測生變顯忠知宏淵無固志勢不可孤立歎曰天未欲平中原耶何阻撓如此遂夜遁志甯取宿州甲寅使清臣等驛之追至符離宋師大潰赴水死者不可勝計金人乘勝斬首四千餘級獲甲三萬於是宋之軍實殆盡時張浚在盱眙顯忠往見浚納印待罪浚以劉寶爲鎮江諸軍都統制乃渡淮入泗州撫將士遂還揚州上疏自劾

浚在鳳陽府城東陡溝水支津也在靈璧縣南符離在宿州北

除胡銓爲宗正少卿乞補外不許時金將窩察特默大周仁蕭琦降並爲節度使銓曾受降自古所難今金三大將內附優其部曲以繫中原之心晉矣然處之近地萬一包藏禍心或爲內應後將噬臍願勿任以兵柄遷於湖廣以絕後患

〔二年〕詔張浚視師江淮王之望等以幣還初湯思退恐和議不成請以宗社大計奏稟上皇而後從事帝曰金無禮如此卿猶欲議和今日敵勢非秦檜時比卿議論秦檜不若思退大駭陰謀去浚遂令王之望等驛奏兵少糧乏樵櫓器械未備又言委四萬衆以守泗州非計帝惑之會戶部侍郎錢端禮言兵者凶器願以符離之

贊爲戒早決國是爲社稷至計乃詔浚行視江淮時浚所招徠山東淮北忠義之士以實建康鎮江兩軍凡萬二千人萬弩營所招淮南壯士及江西羣盜又募餘人陳敏統之以守泗州凡要害之地皆築城堡其可因水爲險者皆積水爲匿增置江淮戰艦諸軍弓矢器械悉備金人方屯重兵以脅和聲言刻日決戰及浚復視師淮北之來歸者日不絕浚以蕭琦契丹望族欲令盛領降衆且以檄諭契丹約爲應援金人患之吏部郎龔夬良言於浚曰本朝禦敵景德之勝本於能斷靖康之禍在於致疑願仰法景德之斷勿爲靖康之疑浚深然之兵部侍郎胡銓上書以賑災爲急務議和爲闕政其諫議和之言曰自靖康迄今凡四十年三遭大變皆在和議則金之不可與和彰彰矣今日之議若成則有可弔者十請爲陛下極言之真宗時宰相李沆謂王旦曰我死公必爲相切勿與契丹講和且殊不以爲然既而遂和海內乾耗且始悔不用李沆之言可弔一也中原羣吟思歸之人日夜引領望陛下拯溺救焚一與敵和則中原絕望後悔何及可弔二也海泗今之藩籬咽喉也彼得海泗且決吾藩籬以瞰吾室扼吾咽喉以制吾命則兩淮決不可保兩淮不保則大江決不可守大江不守則江浙決不可安可弔三也紹興戊午和議既成秦檜建議遣大臣分往南京交割歸地一旦渝盟遂下親征之詔爭復請和其反覆變輪如此檣猶不悟率之如初卒有前年之變驚動輦轂太上謀欲入海行朝居民一空檣不遑忽而不戒臣恐後車又將覆矣可弔四也紹興之和首議決不與歸正人口血未乾盡變前議一切遣還如程師回趙良嗣等衆族數百幾爲蕭牆之憂今必盡聚歸正人與之則反側生變不與則敵不肯

但已必別起費端可弔五也自榆塞國二十年間竭民膏血以奉金人迄今府庫無旬月之儲千村萬落生理蕭然重以蝗蟲水潦自今復和則害國害民殆有甚焉可弔六也今日養兵之外又有歲幣歲幣之外又有私覲私覲之外又有正旦生辰之使正旦生辰之外又有泛使生民疲於奔命帑廩涸於將迎可弔七也側聞金人嬖倖欲得御名欲去國號大字欲用再拜議者以爲繁文小節不必計較臣切以爲議者可斬也夫四郊多壘卿大夫之辱楚子問鼎執士之所深恥獻納二字富強以死爭之今強敵橫行與多壘孰辱國號大小與鼎輕重孰多獻納二字與再拜孰重臣子欲君父屈己以從之則是多壘不足辱問鼎不必恥獻納不必爭可弔八也臣恐再拜不已必至稱臣稱臣不已必至請降請降不已必至納土納土不已必至銜璧銜璧不已必至與櫬與櫬不已必至如晉帝青衣行酒然後爲快可弔九也事至於此求爲匹夫尙可得乎可弔十也竊觀今日之勢和決不成備陛下毅然獨斷追回使者魏杞康潛等絕請和之議以鼓戰士下哀痛之詔以收民心如此則有可賀者亦十省數千億之歲幣一也專意武備足食足兵二也無書名之恥三也無去大之辱四也無再拜之屈五也無稱臣之忿六也無請降之禍七也無納土之悲八也無銜璧與櫬之酷九也無青衣行酒之慘十也去十弔而就十賀利害較然而陛下不悟春秋左氏謂無勇者爲婦人今日舉朝之士皆婦人也如以臣言爲不然乞賜流放竄殛以爲臣子出位犯分之戒太學正興國王質上疏曰陛下卽位以來慨然起乘時有爲之志而陳康伯葉義問汪澈在廷陛下皆不以爲才於是先逐義問次逐澈獨徘徊於康伯不遽黜逐而

意終鄙之遂決意用史浩而浩亦不稱陛下意如是決用張浚而浚又無成於是決用湯思退今思退專任國政又且數月臣度其終無益於陛下夫宰相之任一不稱則陛下之意一沮前日康伯持陛下以和不成浚持陛下以戰戰不驗浚又持陛下以守守既困思退又持陛下以和陛下亦當深察和戰守之事乎李牧之在鴈門法主於守守乃所以爲戰祖述之在河南法主於戰戰乃所以爲和羊祜之在襄陽法主於和和乃所以爲守是和戰守本殊途而同歸者也今陛下之心志未定規模未立或告陛下金鵬且亡而吾兵甚振陛下則勃然有勒燕然之志或告陛下吾力不足恃而金人且來陛下卽委然有盟平涼之心或告陛下吾不可進金可入陛下又蹇然有割鴻溝之意臣今爲陛下謀會三者爲一天下惡有不定哉帝心以其言爲然而忌者共排之以爲年少好異遂罷去